


五臺縣志





康熙二十二年秋八月

御製臺山諸寺碑記

東臺望海寺碑記

周官職方氏掌天下之圖辨九州之國州表一山以爲鎮躋其巔可以望海者則揚之會稽究之岱青之沂幽之醫無閭凡四山焉惟岱距海較遠登日觀望扶桑其峯巉峻極尤非他山可比也五臺隸并州州境無海而臺之東峯以望海名蓋雲中上黨晉地踞天下之脊山之麓旣高而臺之高復

五臺縣志

卷一

一

三十餘里龍泉以東岡巒陵阜皆處其下遠瞰滄瀛諸州景光恂恍儼若紫瀾浩淼與青巖之氣混涵相接記稱旭日方升望大海若陂澤信有以哉臺有寺榱棟檜栴不蔽風雨朕省方登此命加修葺復其初制蓮臺法相固極莊嚴已四方之人得於焉信宿縱睇溟渤之朝暾以視夫岱宗日觀又何多讓耶遂礱片石文以紀之

西臺法雷寺碑記

朕聞鷲嶺蜂臺不少水晶之域鶴林鹿苑恆開金





粟之園莫不獻露裊之千花蔭春浮之雙樹乃有  
龍湫抱鉢借猿鶴以高棲燕子成龕捫藤蘿而直  
上况天竺法蘭之初地舊是花宮勾龍奕之畫圖  
羣推紫府緇蓮照野智炬長然青豆開房精廬用  
結西臺絕頂有法雷寺焉方廣化城文殊密宇琉  
璃布地霄鄰掛月之峯栲栳名山磴轉千雲之石  
僊人五百青髻曾遊沙界三千玉毫盡徹指修蛇  
之負壑恆嶽匪遙數歸雁之銜蘆井門在下朕對  
清涼之勝景招闐闐之長風北瞻則舉月昂車西

顧則參旗井鉞憫此伽藍久廢飭其僦甃重新紺  
馬銖衣常轉相輪於雲表桐魚茶版仍流清響於  
山椒庶使龍象行時金閣遠符大歷狻猊坐處神  
光復現元和云爾

南臺普濟寺碑記

南臺世傳文殊示現之處也臺當山之陽地稍暄  
暖金葉日菊佛鉢之花生福崖谷若錦繡之相錯  
故峯曰錦繡之峯峯有寺曰普濟蓋宋所建云佛  
氏之教息心淨業以獨善其身而文殊所願在饒



益衆生布施以廣仁義持戒以守信忍辱以爲謙  
精進以施敬禪定以守靜知慧以通禮其慈悲之  
心有獨弘者自漢以來清涼之山代有精舍至宋  
之十寺爲國祝釐恆賜詔褒答載籍傳之所從來  
久矣山之僧棲巖飲澗以自甘惟守其師之說以  
獨善其身寺有圯者力不能興葺也朕登南臺廻命  
復新普濟寺以居僧徒之息心淨業者俾祝釐於  
是登臨者觀象教之精嚴慈惠之心可以油然而  
生矣

北臺靈應寺碑記

清涼山左鄰恆嶽右接天池環基五百餘里五峯  
聳峙而北臺爲最高歲癸亥二月朕鸞輅西巡登  
其層巘雲氣生鳥履之下開合萬變時春雪方霽  
青霄曼絕天風颯然所謂身歷清淨之域目睇澄  
鮮之境心遊太古之地盈縮造化吐納顛氣冷然  
善也臺名叶斗峯舊有靈應寺丹青虧剝宋廟歆  
傾朕念衣緇之流不外仁義以爲教故熙隆之代  
亦所不廢矧曼殊化宇恆著感通遠邇之人斷續



久矣爰命崇其陞凡飾其題築土木瓦石丹堊金碧之需財自內出不涉經費工以備給役弗違農是以工敏於事而民若不知秋八月告落成焉董事之臣請製文勒石以志之用以上昭景福於慈闈下廣嘉惠於兆庶垂示於億萬斯年爾

中臺演教寺碑記

五臺之山高出於雲代然不與岳鎮之列山經禹貢以及道書所稱洞天福地均莫之載蓋自昔爲釋子所棲故與峨嵋普陀號三靈山之三山者或

五臺縣志

卷一

四

在海上或當巴蜀險遠之區惟茲山峙神京之右千里而近宜登陟者較多焉朕嘗覽觀載記謂茲山東有離岳火珠西有麗農瑤室南有洞光珠樹北有玉澗瓊枝中峯則有自明之金環光之璧是靈秀所鍾中臺爲尤異矣臺高三十有九里遊者至是必思憇息之地此自唐以來演教寺之所由建也山峻多風寺久傾圮朕爰命工拓而新之譬諸於物澤雉十步一啄百步一飲鴈之飛九萬而扶搖六月而息其適邈高下雖殊方其息自適之



情則一也朕之命新茲寺亦欲登是山者咸有自  
適之樂焉爾



康熙三十二年秋八月

御題臺山諸寺匾額

東臺望海寺

自在

後殿

般若源

西臺法雷寺

蓮井

後殿

初地

南臺普濟寺

大方廣室

後殿

物外遊

北臺靈應寺

五臺縣志

卷二

六

栖眞境

後殿

火珠白月

中臺演教寺

翠巖

後殿

古雪

菩薩頂

珠林花雨

羅喉寺

八正門

鎮海寺

金光輪藏



壽寧寺

白毫光現

玉花池

天開淥池

永明寺

甘露津

塔院寺

景標清漢

後閣

金粟來儀

銅殿

五臺縣志

卷一

七

紺園

黑龍池

五界神湫

澡浴池

無垢

八功德水西林寺

宵潤

北山寺

八雲天籟



般若寺

鴈堂

妙德庵

松風水月

後閣

香閣慈雲

廣宗寺

雲嶺

圓照寺

勝幡西振

殊像寺

五臺縣志

卷一

八

瑞像天然

紫府廟

列真之宇

棲賢社中殿

小匡山

後殿

鶴苑

慈雲社

眞寶相

金閣寺

具神通力



清涼石

水晶域

古清涼

心會眞如

白雲寺

法雲眞際

石嘴書院寺

梵覺

古南臺寺

古南臺

千佛洞

五臺縣志

卷一

九

禪悅

安羅樹

旃林

黑巖洞

定水心蓮

湧泉寺

化城蓮徑

萬年冰

冰風



乾隆十四年春三月

御製五臺碑文

望海寺碑文

慈氏以性海爲萬法之宗故息心淨行必窮極海  
藏超證圓通乃爲深入佛海衆生緣未成熟則皆  
以津筏濟度令到彼岸學人勤苦精進以求證入  
固瞻望覺海而未測究竟者也東臺之峯與寺並  
以望海名志稱東望大海如波若鏡蓋蕩雲沃日  
之觀境固然已朕命修葺此寺因思卽境微名是

五臺縣志

卷一

十一

世諦非義諦也夫佛說國土如恆河沙皆依華藏  
世界海住國土無量海蓋無量今踞一峯之頂瞻  
望一隅遂以是爲大觀而卽藉以表佛刹之號乎  
象教流入震旦緣盛於東東臺那羅延窟經云是  
菩薩住處天龍八部圍繞供養則海會卽在山中  
瞻謁曼殊者但當於此尋源東望滄溟猶墮見網  
昔

聖主駐蹕茲山諸寺皆降

御筆而茲寺獨顏以般若原可循本而悟真詮矣



法雷寺碑文

西臺舊名栲栳山危磴緣雲盤旋箕織厥狀肖焉  
五峯各表嘉名若以栲栳之稱之過質也則易之  
曰掛月唐建法雷寺頽廢久矣康熙二十二年與  
諸寺同奉

勅修復甲子既周金籙改色朕咸葺而修之夫佛固西  
方聖人其徒行化中國常以西土爲歸此間一草  
一木無非文殊境界雖不必執著西臺尋覓消息  
而西來大意正可當境有省昔如來唱導羣迷獅

五臺縣志

卷一

七

吼雷音徧十方界文殊立光音天說法魔宮振裂  
惡道休息然則法雷之震歷劫并應警動又况指  
月妙諦傳自楞嚴登禮至此不隨在皆可證入乎  
朕以聖王之法治天下而於法王之法蚤承

先訓深契淨因故推演至義爲大衆津梁凡欲萬善同  
歸永資福祐云爾

普濟寺碑文

五臺按方嶽峙而山勢北聳卽東西中三臺皆備  
近於北惟南臺正居丁位近接關城於入山爲初



地聖真應化靈蹟實多蓋象教徧四天下大乘氣象獨現南州於此焉悟之矣清涼冰雪之窟山陽則葩卉欣榮峯攢錦繡琳宮華藏天與莊嚴普濟寺者建自宋時

聖祖巡幸特命鼎新歷今六十餘載朕恭奉

皇太后瞻禮曼殊重繕完而丹雘之夫能仁度世固將施洽羣有而室利行願廣大出生一切菩薩功德滅除衆生無量苦惱人天瞻仰廣證善因此普濟之功也至於根極慧命護持正法用以祝釐資福

五臺縣志

卷一

三

上界

慈闈下覃黎庶則朕之此舉猶

先朝之志焉抑豈擬金闕螺城之幻化飾龍宮玉象之奇觀也哉已事而竣因勒石以紀歲月

靈應寺碑文

北臺高出四臺之上凌薄斗杓故峯以叶斗名世傳龍窟所在雪氍毹封風勢尤烈臺麓織羅微動卽其上噫氣鼓怒行者率褻足朕將詣靈應寺瞻禮從臣多以風爲解且謂



聖祖臨幸未嘗登此朕讀

御製清涼諸詩有北臺眺望之作則當日登臨已有確據且致虔祝釐亦未敢以道險辭也爰約飭騎從盤雲造天炷香金像已周覽八荒窮盡沙界羣山部婁時露頂雲霧中若俛滄海而辨巒嶼於時山氣暄融冰雪滋液從者並如挾纜風亦間作殊不如向者所云因嘆險阻之境固時有不常有事可以理斷而數典尤足以證之則一舉足而紹聞之義著矣寺爲康熙癸亥年修茲復葺而新之住山

五臺縣志

卷一

三

禪侶覩朕此行其共發勇猛精進心得大安隱而趨悟最上乘乎

演教寺碑文

宇內名山形勢皆以中峯爲尊勝仙佛化現常安立道場此四臺所以環拱中臺而建刹表名獨以是爲曼殊演教之區也夫菩薩之欲度脫衆生與聖賢之欲垂教萬世道不同而心則一但菩薩常顯示神變以警衆發心故說法度世無有窮極華嚴謂東北方有清涼山文殊師利常在其中而演



說法文殊亦嘗語舍利佛吾能持一切草樹無心  
之物變相說法皆令如佛今臺南谷中清涼石舊  
傳有梵僧說法其上卽之則失後人因目爲曼殊  
林然則大士演教無生滅相法身圓對以不聞聞  
則無言無說而聲震大千入此寺者眞入不二法  
門矣庶詣寺瞻禮恭誦

聖祖御製碑文謂靈秀所鍾中臺尤異故知吉祥萬衆  
常行道於此爰命重葺而文以證明之



乾隆十四年春三月

御題臺山聯額

菩薩頂

八解濟遙源航週性海

三明開廣路鏡朗心臺

百道泉飛澗流功德水

五峯雲擁天雨曼陀花

性相眞如華海水

圓通妙覺法輪鈴

五臺縣志

卷一

五

心印毘曇 人天尊勝 最上層

臺麓寺

妙莊嚴路 筏通彼岸 五髻香雲

玉花池

華嚴龍藏 妙參眞入

羅喉寺

慧燈淨照 悟色香空 意蕊心香

東臺頂

霞表天城 華嚴眞境



北臺頂

應真禪窟 寶陀飛觀

中臺頂

靈鷲中峯 震那金界

西臺頂

月鏡空圓 德水香林

南臺頂

仙花證果

顯通寺

五臺縣志

卷一

七

十地圓通 眞如權應

塔院寺

攬妙靈雲

殊像寺

大圓鏡智 現清淨身

棲賢寺

是忉利天 身遍恆沙

萬緣庵

施治羣有 智宏六度



白雲寺

法雲地

松風花雨

朗瑩心珠

碧山寺

淨域靈因

香林寶月

雜花庵

無量福田

妙德庵

性因淨果

壽寧寺

五臺縣志

卷一

七

善超諸有

古清涼

菩提不染

般若寺

妙音如意

鎮海寺

金輪不住

金閣嶺

宗乘仰鏡



圓照寺

宏範三界

清涼石

清涼法蔭

古南臺

慧性明圓

旃林寺

七佛導師

五臺縣志

卷一

六



徵修續志小引

縣志之未續修也凡九十餘載矣今日爲之其碩德懿行遺忘失次者已不知凡幾若再延焉將何以稽顧志乃公器僅成於一二人之臆見非制也爰舉城鄉釐而爲五各以其鄉之公正能文者董之務望旁搜博採別僞訂真不濫不遺可傳可守余不敏願假手以觀成焉

續志凡例

一舊志卷分爲八目分六十七最便檢閱今仍之

五臺縣志

卷一

九

惟輿地志內前列星圖夫天可包乎地地不能該乎天也爰易爲星輿志

一舊志係照明本續修自可傳信但其中亦間有世系年代人名地名一時以訛傳訛及表揚或未當於人心者幸今日遺老尙能言之應臚陳以備核正

一舊志山川寺院及四鄉道里率多遺漏及詳畧不齊今悉增定其舊聞古蹟及歷代年歲則悉查舊志抄本一一叙入



一自康熙二十六年以後凡縣令司鐸城守巡司捕尉其政績卓越可傳者當爲列傳餘有一善必錄

一名宦鄉賢儒林節孝凡已入舊志者俱爲備載惟宣化總兵李延壽於姜寇之亂曾統兵征勦觀於立生祠未久土人卽撤其主改節孝祠則其人可知遂刪其傳

一耆儒名宿實有令德令聞足以風化一方及平日著書立說卓然成家者悉爲續入

五臺縣志

卷一

三

一查出前代孝子節烈及檢得唐宋元明人詩文仍按世系補入庶前後不至混淆其在康熙二十六年以後者則以次續載之

一已奉 題旌之孝子烈女節婦固當備載其窮鄉僻壤未經表揚而見聞最確者悉載入以彰風化

一一切傳志記叙以及詩賦小令無關政治者一概不錄

一武孝廉張振先家舊藏抄志一帙百有餘年矣



據其先人云刻志多有未合留此待將來續修  
多本此

五臺縣志

卷一

五



續修志姓氏

知五臺縣事王秉韜編纂

儒學教諭 平 梓參校

城關

武舉張振先  
歲貢鄭敷政

齋長劉季恆  
生員王漢光

東鄉

原任學正王式璽  
監生張上苑

生員張崇本

西鄉

生員劉成望 鹽子進士溥元 採訪  
貢生王吉士

生員鄭紹武

五臺縣志

卷一

三

南鄉

告病知縣曲徽音  
生員徐天叙

北鄉

舉人劉鉞升  
舉人鄭性善

貢生白樂清  
監生張南斗



原序

臺山爲三晉之勝甲于天下又爲景物之奇千古  
瞻觀邑以山名蓋從乎地之勝也乃自宋元明以  
來竟未一成其志我

朝四十餘年武威遐播文教聿修徵諸下邑各獻輿  
圖以備採輯而斯邑闕焉進承乏茲土集邑之紳  
士悉心訪輯始于丁卯歲之春成于仲夏畧焉龕  
備雖不敢自命操觚大約考天文而必有其星按  
輿圖而必有其籍揆之人物而各有所產叙其風

五臺縣志

卷一

三

俗而必有所自此事之成於一定而不可易者也  
至前之所無而今或有之俗之所傳而間或非之  
事之所不常有而偶一得之此事之未可定而於  
時各別者也苟一不慎而疑者信之則疑者終疑  
信者疑之則信者亦無可信矣揆諸往日吏茲土  
者豈無文學兼優其人而獨於志置焉不講良以  
其地之兵燹水旱撫恤爲不遑耳進也幸值

皇上偃武修文之日我晉省各憲紀綱肅清敷政仁恕  
凡在下吏得以簿書無煩催科不擾一以無事治



之始克與紳士故老日夕考詢而成斯役也由是而臺之陋者以顯遺者以拾信者以傳疑者以辨至其筆之削之潤色鴻文姑以俟諸後之作者康熙二十六年丁卯端陽月知五臺縣事周三進天壤氏題於臺署之思補軒

舊志凡例

臺志肇自金天會間至明永樂重修之閱數百年來未有續筆天會版籍云亡明書間有存者

國初己丑姜寇犯境盡燬於兵及今不作後則愈無

五臺縣志

卷一



徵信用加訪輯卷分爲八目分六十七雖多漏畧聊存副本云

一圖畫 臺邑邇接邊陲爲

神京右臂爲之圖畫形勝可一覽而知

一輿地 臺幅幘五百餘里高峯深壑過其半邑

則瘠而地則勝附以風俗俾司牧者得所教養焉

一建置 郡邑之建也久矣其圮移析併更名易

隸者不一悉爲考正

一食貨 臺邑兵燹之後逃徙殆盡丁戶至今未



復而五臺一山環峙境內民皆耕於磧麓之間今於賦役俱照錄新頒全書而物產附之使知臺民別無治生之法

一官政 郡守令丞民之師帥有克盡其道而爲史氏所紀民所尸祝者則列爲循良非是則止記其姓氏

一選舉 鄉舉里選昉於周唐宋限以科目歷代因之今宋以上無徵則不敢妄載

一人物 家乘所載墓志所傳近於詖者不錄至於一行之士不二之婦風厲攸關概予纂入

一藝文 有關政典者方入之餘不敢濫登以祥異終篇備考焉

舊志纂修姓氏

知五臺縣事山陽周三進編纂

邑舉人閻襄參閱

貢生張煒貢生楊鳴鶴貢生張繩庠生呂先聲張紳張紘張約張紱張肇張肇修校訂



五臺縣志總目

圖畫志 卷之一

縣境 縣治 縣署 學宮 書院附

星輿志 卷之二

畢圖 分野 沿革 疆域 形勝 山川

八景 風俗 士習 民業 鄉儀

節序

建置志 卷之三

城垣 縣治 內署 屬廨 倉庫 行臺

五臺縣志 **卷一** 三

學宮 演武場 墩墩附

釋奠 祭儀樂器附 壇壝 祠祀 坊表 鋪遞

鎮集 都甲 郵典 寺觀 橋梁 村屯 古蹟古墓

附 堡砦 防兵

食貨志 卷之四

戶口丁徭 地畝田賦 水利 學田 賞賚

物產

官政志 卷之五

秩統 歷宦 循吏 傳附



選舉志 卷之六

甲科 鄉科 恩拔歲貢 薦辟 武科

武職 例貢 雜職

人物志 卷之七

鄉賢 名宦 儒林 隱逸 封廕 孝行

貞烈 耆善 義民

藝文志 卷之八

碑記 傳 墓誌 詩

五臺縣志

卷一

七



五臺縣志 卷之一

圖畫志目錄 計五圖

縣境

縣治

縣署

學宮

書院

五臺縣志

卷一

美



圖畫志

昔職方氏掌圖籍辨其邦國都鄙以周知其要害  
左圖右史殆不可偏廢歟臺邑環列萬山土田瘠  
薄然而城郭完整林巒奇秀五臺著名寰宇尤爲  
往來遊屐所必經自繪之於圖而疆理城郭可辨  
廟宇衙署可徵留連景物者恍置身於清涼五臺  
間以當臥遊不亦可乎志圖畫



五臺山志

五臺縣志

卷一

三

縣境圖

東臺


北臺

西臺

東義鎮







縣城圖

五臺縣志

卷一

三








五臺縣志

卷一

五








五臺縣志

卷一


三

學宮圖

講道堂



教諭宅






五臺縣志

卷一

三十四


縣署



縣署


縣署

縣署





山城



五臺縣志

卷一

三

石窟躍魚





道  
穿



五  
臺  
縣  
志

卷  
一


五

河  
邊  
歸  
燕






茹湖落雁



五臺縣志


卷一

三



龍灣  
烟雨






槐陰春色

立臺縣志

卷一

美

東治秋禾





# 鳳凰山圖

鳳凰山圖

卷一





縣志

國門

代州

臺


中臺

觀音石


五臺縣志

卷一

一









五臺縣志 卷之二

星輿志目錄 計十二條

畢圖

分野

沿革

形勝

疆域

山川

八景

五臺縣志

卷二

風俗

士習

民業

鄉儀

節序







星野

星曰畢辰曰酉次日實沈令曰芒種封曰冀州按周禮保章辨九州之地所封封域皆有分星以觀妖祥張衡曰地有山嶽以宣其氣精鍾爲星列居錯峙各有適屬司馬遷天官書曰昴畢冀州帝王世紀曰自胃七度至畢十一度爲趙之分自畢十二度至東井十五度爲晉魏之分天文志曰自魏郡濁漳之北得漢趙國廣平鉅鹿常山東及清河信都北據中山眞定全趙之分又北逾衆山盡代

五臺縣志

卷二

三

郡鴈門雲中定襄之地俱爲畢分晉志曰自胃七度至畢十一度爲趙分隋志曰舜析冀州而爲幽并其於天文胃畢爲冀州兩漢天文志考星之變實以漢之事異與前數家所言槩合雖史家以事後言之多爲巧合大畧豈盡謬乎論者以子產辨實沈之爲祟以爲全晉之地俱當屬參豈知山河疆界自漢以後漸有開拓欲以後日之州縣盡統乎古人之分域必不然矣特古之古者以河山爲界而不拘於方國也及唐李淳風撰法象志因漢



十二次始以唐之州縣配焉嗣後占候率因此法然歷代之沿革不同隸屬時改執古人之法以律今此躔舍之所以不合也故唐志曰魏徙大梁則西河合於東井秦拔宜陽則上黨入於輿鬼方戰國未滅時星家之言屢有明效今同在畿甸之中矣而或者猶據漢書地理志推之是守甘石遺術而不知變化者也然按今日省縣與漢晉隋唐宋元迥不相同惟明距今未遠而州縣亦未更改誠意伯劉基爲一代星緯之宗其分野云太原入畢

五臺縣志

卷二

四

初度而臺得六度則臺之屬畢無疑也後之察災祥者其驗於此爾

步天歌曰畢又八星恰似爪附耳左股二星光天街兩黑畢背傍天節下八烏幢停畢上烏列六諸王王下四皂天高星節下團圓九州域畢口斜對五車口車有三柱任縱橫車中五黑天潢精潢畔咸池三黑形天關一星車脚間參旗九個關下懸旗下九旂九鳥連旂下十三鳥天園九旂天園參脚邊



畢十七度主邊兵弋獵其大星曰天高一曰邊將  
明大則遠方來貢失色邊兵亂動搖邊兵起甘氏  
云畢主街巷陰雨天之雨師也張衡云畢爲天馬  
昴畢間二星曰天街主國界金火守之邊兵起附  
耳主聽得失星盛主中國微有盜賊邊警驚動移  
則讒佞行兵大起天節主使臣之所持也諸王六  
星主宗藩天高在參旗西畢兵北此處樹之高主  
遠望氣象不見官失守五車三柱主天子五兵北

天庫主秦東北天嶽主燕趙東南天蒼主衛魯中  
央曰司空主楚西南鄉主魏五星有變各以主占  
之又填星舍五車燕代大旱三柱一曰三泉一曰  
休一曰旗五星明柱皆見則倉廩實一曰天子得  
靈臺之禮則五車三柱均明有常天潢五星主河  
梁津度咸池三星在天潢南魚圍也天關亦曰天  
門主邊事主關閉參旗九星天旗也明而稀則邊  
警不動流星入北地兵起玉井西南九星曰九旂  
天子之旗也主邊軍進退金火守之兵亂起天苑



之南十三星曰天園植果菜所也

按舊志云臺邑屬畢宿分野考要云畢爲天之雨師傳曰畢星好雨詩日月離於畢俾滂沱矣武王伐紂上祭於畢是也星經畢宿計星十七座畢八星天高四星附耳一星參旗九星九旂九星五車五星三柱九星柱分三座天關一星天潢五星天節八星天園十三星咸池三星九州九星天街二星舊圖止列十五座無九州天街二座星經云九州殊口在畢宿之下步天歌所謂節下團圓九州

五臺縣志

卷二

六

域是也又歌云天街兩黑畢背傍天街二星在畢畢間日月五星出入要道主伺候關梁又主國界街南爲華夏北爲外國此兩座舊志占候中亦不載又天潢五星舊圖止列四星天園十三星舊圖止列十一星今悉改正俾歌與圖合至於經緯躔度之微審非精於術數者不能茲不敢臆測云

沿革

五臺按禹貢爲冀州域成王封唐叔於晉屬晉戰國分晉地之一屬趙秦分三十六郡馮馮門郡漢



置慮虜縣屬太原郡晉罷北魏太和十年復驢夷  
縣新興郡永安中隸永安郡北齊改屬鴈門郡隋  
大業初改爲五臺縣隸鴈門郡唐隸代州五代及  
宋因之金貞祐四年三月升臺州隸河東北路元  
隸冀寧路明洪武二年爲縣隸太原府

國朝因之雍正二年改隸代州

照省志增定

形勝

東跨五臺南襟沱水西帶泉巖北枕楊嶺巖阜環  
拱川谷重複彈丸一邑歸然中藏

五臺縣志

卷二

七

疆域

縣東至直隸阜平縣龍泉關一百二十里南至孟  
縣牛道嶺八十里西至崞縣榆車嶺八十里北至  
代州楊林嶺四十里東北至繁峙縣東峨嶺一百  
里東南至直隸平山縣黑山關九十里西南至定  
襄縣芳蘭鎮四十五里西北至代州西峨嶺八十  
里在代州南一百二十里在

京都西南九百里境內以西北計一百二十里以  
東西計二百里



臺山在縣治東北一百二十里環五百餘里上有五峯高出雲表頂皆積土平廣如臺故謂之臺世傳北方有文殊師利所居之地卽此也中臺高四十里平廣六里西北有太華池取水禱雨輒應正東五里有雨花池西有甘露池南有靈鷲峯前二十五里有飯仙山東臺高三十八里平廣三里頂東有那羅延洞風甚寒盛夏有冰五色雲常出東有樓觀谷內有習觀巖西北十五里有華巖嶺仙

人洞東南二十里有明月池臺下有青峯東谷池溫湯池溫泉寺西臺高三十五里平廣二里上有魏文帝人馬跡北有秘魔巖洞天陰中有聲如風雨嶺畔有薩埵崖捐身巖臺西有八功德水東北下有文殊洗鉢池南臺高三十七里平廣二里麓畔有聖鐘山狀如覆鐘西北十五里有金閣嶺嶺西北有清涼泉清涼石上有羅漢洞東北有竹嶺北臺高三十八里平廣周三里南畔有羅喉臺頂有黑龍池卽天井南下二十里白水池與天井連



其麓有七佛池飲牛池東有寶陀峯又有寶山產銀石碌天花東北二臺麓有金剛窟

邑在萬山中難以屈指數其最著者五峯北臺名叶斗峯視斗杓如可挹風雲雷雨出自半麓登斯臺也北眺沙漠南望雲天令人有萬里搏空之想由北臺而東四十里至東臺西南四十里至中臺又西四十里至西臺皆接脊相連中臺名翠巖峯高四十里丹崖翠巘飄緲浮雲寶衆山發脉之祖從此南下一支旣伏而起蜿蜒磅礴屢起屢伏突

五臺縣志

卷二

九

出一峯小於羣山名靈鷲嶺一名菩薩頂左右兩山翼水而行合流迴向而後去兩支山龍蟠虎踞而飯仙山當其案下舊設巡檢司後裁去今復設東名望海峯朝觀紅日湧輪若駕海而上又名無恤臺以趙簡子曾獵於此云西臺名掛月峯月下西天如懸鏡南臺名錦繡峯金蓮日菊佛鉢諸花爛若錦繡古名繫舟山相傳帝堯避水繫舟於此其間靈跡仙景甚多最奇者則清涼石石方平自然紋理計厚六尺餘幅幘四丈七尺許其上能容



數百人然石不附山撼之可動極爲神奇柳宗元稱雲代間有靈山與竺乾鷲嶺相應角立東峯有離岳火珠西峯有麗農瑤石南峯有洞光珠樹北峯有玉潤瓊枝中峯有自鳴之金環光之碧正謂此也其川則滹沱河卽山海經載秦戲之山多金玉沱水出焉者三溪合流北經繁峙西環代崞南抱五臺趨常山東北入海臺五溪發源二溪左注清河三溪右由西臺出峩口入滹沱水經云峩谷之水出於中臺是也其他詳載清涼志

五臺縣志

卷二

十

近城亦有五臺之目由臺山而西南百餘里嶺斷峯連至楊林嶺而開嶂更南行數十里至青山孤嶂獨秀則縣中之北臺也松林茂密疊嶂重巒北眺臺山南瞻沱水爲一縣鉅觀南臺則南神塢上建漢文帝廟匾曰漢代仁宗廟後古松數株蒼老若虬龍東臺有天蓬塢東山一帶接脊纏連一峯獨高上有八蜡廟西臺則紫羅山青松鬱然茂樹嘉蔭至者輒憩息忘歸峯山則縣之中臺其來龍自青山而南火星高聳土星蜿蜒至峯山而金星



元爰結臺城頂上舊有文昌廟西南兩小峯相連形如覆釜稱爲聯珠金星爲合縣龍山山半有古龍神廟禱雨極靈應廟之創建無所考得古碑蓋重建於金天眷二年又重建於元至正十三年明洪治甲子復重修云二條採舊抄志補入

峯山 在縣西北二里許詳八景

龍泉山 在縣北五里

天蓬山 在城東十五里

青山 在縣西北十里巍然高聳青松茂密舊云有仙人居此

五臺縣志

卷二

十一

小王村山 在縣北十里山下出清泉味甘美春日常有寸餘鯉魚湧出無算河芹不種自生此處澆河之源也

蘆虎山 在縣西十五里狀如伏虎

玉皇嶺 在縣北三里上有玉皇廟

閣嶺山 在縣東北十里詳八景

圍城山 在縣西南二里許詳八景

寶髻山 在縣南十里自香爐峯真潛洞避雨巖出碧陽砂有蒼松一株石基盤相傳仙人奕碁於此

抓髻山 在縣南十五里兩峯尖秀如髻



紫羅山 在縣西南八里峯巒高峙蒼松茂鬱翠栢  
一林繁蔭曲幹可玩建臺駘神廟

沙泉山 在縣東南十五里有沙泉寺

鳳嶺山 在縣南十五里東西兩山相接低昂起伏  
如鳳鸞盤翥之形

栢嶺山 在縣南二十五里

東峨嶺 在縣東北八十五里

錦屏山 在縣北二十五里石壁層巒巖花林樹色  
若錦屏

月掛山 山上一孔玲瓏如月

煖泉山 在縣東南四十里有煖水泉福田寺

天和山 在縣東四十里有龍洞泉出鐵沙甕器石  
炭

五臺縣志

卷二

三

筆架山 在縣南二十里三峯高聳如筆架

虎陽嶺 在縣東三十五里有古刹後人建閣

烏牛山 在縣東八十里山下石壁峻峭洞有水泉  
風致異常

紗帽山 重崗屈曲形如紗帽

突兀山 在縣南四十里狀如筆峯峯上建老君祠  
昔有人題句云突兀峯何峻月明鶴自棲  
相看不成寐起聽麓南溪

蠟虎山 在縣東南七十里山前有村名孫家庄去  
村里許則多蠟村中絕無間有亦不傷人

白羊山 在東嶺村東丹嶂萬仞自下望之崖腹有  
白羊奔躍狀

東明山 在縣東四十里山腰一孔與縣西月掛山  
相望



鐵拐山 在縣東五十里削壁千仞中插二拐相倚  
為仙人所遺石上有詩云一川流水漫何  
以從征桴空擗山頭拐舟人但仰呼

寨壩山 三峯峻秀儼如筆架

黑山 轉緣百折林木叢茂東高四十里為五臺西  
高五里為平地

五洞山 在縣南四十里俗傳出五金今產煤炭

黃石山 水下數仞

段畝山 在縣南四十里出紫綠紋石堪為硯  
文

仙跡山 山上有一足跡

簡子山 在縣南四十里有趙簡子廟

五臺縣志 卷二 三

黃金山 在縣西五十里盤亘一方上有龍王廟  
雨輒應

西峨嶺 在縣西南七十里石盤百轉

九女山 在縣北四十里有九仙巖碧霞元君祠

石版山 有二泉

仙人山 在縣東南五十里石巖上有仙人坐跡山  
腹有手跡山下有足跡皆西向

獨龍山 在縣東北四十里山腰有泉細流水極甘  
潔

二仙山 在縣東北四十里巖間二石遠望如人  
坐一立

蓮花山 古竹林寺後山

象山 在縣北五十里青松數百下有梵刹名蘭若



皮箱崖

一皮箱攀不能及昔人題崖壁云一索懸方笥人傳中有書千年容易過何日發瓊

殊砂崖

赤色如殊傳為仙人所吐

審戶崖

行者捫崖魚貫狀若審戶

射虎川

在縣東北一百三十里康熙二十二年得名詳藝文

神武泉

在射虎川

盧虎河

一名慮虎源出王村環縣東南入南峪與虎陽清水合入滹沱明天順間知縣李華令民引渠溉田名曰豐樂

滹沱河

由河邊村入臺境至南峪河門與縣三河合

五臺縣志

卷二

十四

虎陽河

在縣東北四十里平地發源入峽口經東明山下至河口與清水河合

清水河

源出華崑嶺南流至石嘴與射虎川合

泉巖河

在縣西三十里源出泉巖村至槐陰入滹沱

東峪河

發源白羊山經東峪村至陡寺與黑龍池合經移城村孫家庄百蘭村灌田入河門與滹沱合

聖阜水

在縣西南四十里水側石上有二手跡一足跡

沙浦泉

在縣城南門外水味甘香時旱不雨山人張平山蓋龍王廟於其上識者謂為不宜

龍池

在獨龍山下去地丈餘有石罅清泉出焉天旱禱而於此

九女泉

在縣西北峯山下土有黑風洞其水稍溫流數步與盧虎河合



建安潭

在縣西南三十里稍温有魚

明月泉

相傳以紗帛障日下視或見月在水中

龍泉

在縣北五里龍掌峪南

龍灣泉

在西峽村北詳八景

魚洞泉

在河川南每谷雨日滿尺魚出數頭則歲

臥虎泉

出盧虎河之頤卽河源也泉溢則發科或

馬跑泉

出探頭村下

濟難泉

在避事壩上不涸不流

東峽峪

原出於中臺太華池

五臺縣志

卷二

五

龍洞泉

出天和山

茹湖

詳八景

油盆池

在黑山下龍常見形深不可測禱雨靈應

石蓮池

池石皆蓮花形

東峪溝

自黑山關抵城下百里澗遶山行水流曲折

孤嶼溝

兩山對峙寬僅數武澗深五六丈細泉循澗而出鑿山開道以通往來

野馬溝

自探頭抵漳沁七十里

石盆溝

自茹村抵東河口三十里

石槽溝

自河東口抵城南四十里



北嶽池 在縣東九十里石堰內有天然石盤大小計十八盤水注其中冬夏不涸亦不流出

八景

閣嶺白雲似臥 嶺有夾道特屯白雲遠望如臥龍

林泉晚照人家 在縣北三里許晚日光照人家

峯山無樹落松花 其嶺衍平有黑氣仙洞時落松花余按山石多天然松紋當指此

西望河陽月掛 地接峯山多楊樹夜月掛其梢余按當指月掛山

朝看黃圍雨霽 俗稱圍墻一峯聳峙每有雲戴其上即雨最驗

河邊落燕交加 即溱沔河淺瀨明沙社日燕集蘆荻盡黑

槐陰春色更堪誇 多槐樹春來各花先開二十餘日光景明媚

五臺縣志 卷二 六

東治秋光如畫 沃壤水田秋日稻熟田家景色可玩

邑中八景舊有西江月詞不知誰何氏所作後復

採景色稱佳者志八景焉

山城夜月 臺城甃石三層上始為垣夜憑粉堞摩霄望月倍加清絕

石窟躍魚 河門兩崖巖傍崖半有穴去水丈許徑一尺每清明前穴中有魚充塞而出凡五六日方止

閣道穿雲 見前

河邊歸燕 見前

龍灣煙雨 城東四十里有太師山山下大泉二曰龍池小泉近百山上長松數千覆之林



氣水風時含烟雨

茹湖落鴈

水聚成湖遠  
藜葦蓼映帶參差  
春秋鴈過有洞庭瀟湘之致

槐陰春色

見前

東冶秋禾

見前

風俗

剛柔燥濕地氣不同而四方之風氣因之晉省人情強悍顧亦果敢剛毅所由出也是在司土者有以倡率而整頓之

士習

五臺縣志

卷二

七

臺鍾山川之秀士生其間者率多聰穎以故積學力行及通經足用者代不乏人

民業

臺民多依山而窰處艱於生業惟事耕鑿然平疇寬衍號稱沃壤者十不得一山地皆硠瘠一畝獲粟數斗又必肩負數十里始易金錢買布絮焉

地不產棉婦女不知紡織雖尺布亦取給於市肆乾隆丁酉冬擇紳耆之年高有行者董其事官爲捐綿每婦女予一斤聘直省善紡婦爲之師更覓



善織者開局以廣其利噫是舉果成不惟人人挾  
纊生計裕饒抑民勞則思思則善心生淫心舍力  
之憂吾知免矣

### 冠禮慶婚

婚以二姓通信舉媒妁送婚啓以求約誓之成過  
聘聘禮有金銀簪珥及羊豕果品諸物及筭則請  
期如期親迎于歸拜尊長三日謁祠堂

### 喪 遵禮制

### 祭

宗祀歲四時有祭生日忌辰有祭每清明及上元  
中元下元皆墓祭

孟冬朔日祭祖先送寒衣剪楮爲之

冬至日祭祖先士大夫家亦有拜賀者

季冬八日取諸米雜豆果肉爲粥食曰臘八粥廿  
三夕以糖餅祀竈拂塵除夕易門神桃符貼宜春  
多嫁娶

### 附田家五行記

古人欽若天道在於敬 授民時故夏小正周幽雅



重農事焉然其義微與民罕能喻茲故雜以諺謠  
爲田家五行記正月斗建寅自元日祈穀日皆欲  
晴占曰一鷄二犬三猪四羊五牛六馬七人八穀  
晴則其物青陰雨災是月也農始治田蓄水元夜  
初日占百果中日早稻末日晚稻諺云雨打上元  
燈早禾一束藁月下旬率鋤園爲畦乃孳桑鷄乃  
嫗伏育子二月昏弧星中驚蟄雷鳴先節鳴多雨  
是月穀乃滋種乃播不欲寒始理蠶事祭社祈穀  
實圃殖胡麻芋木棉三月參則伏三月聽蛙上午

鳴原田熟下午鳴濕田熟唐人云田家無五行水  
旱卜蛙聲是月上中旬分秧立苗婦乃蠶事用清  
明日占晴雨晴則蠶宜桑貴收春芥爲菹殖蔴藍  
菽四月日在畢八月雨吉立夏日小滿日率宜雨  
諺云立夏不下高田放罷小滿不滿芒種莫管以  
梅實卜秣田穰歉諺云樹無梅手無盃是月也農  
乃登麥晚禾立苗婦女緝葛績麻五月招搖指南  
斗參則見農喜是月大雨諺云大旱不過五十三  
率驗又二十日爲分龍日二十五日爲回龍日數



日不雨則穀歉諺云分龍不下回龍下回龍不下  
乾啞啞圍灌藍收梅小麥乃登六月初昏斗柄在  
上卽立秋在月晦則旱稻秋始熟諺云六月秋要  
到秋七月秋不到秋圃乃艾藍七月昏建星申七  
夕前占河影影秋三日見則穀賤七日後見穀貴  
農乃登穀祭田祖食新穀圃殖菘殖芥八月日在  
角是月及來月率種麥圃刺瓜畝胡麻九月虛中  
霜始降白一日迄九日凡北風則穀賤以日占來  
年是月也農穫晚稻舉乃入山收薪樵伐木爲炭

十月織女正北嚮則旦是月婦女紡以燎繼日農  
始耕諺云十月雨連連高山也是田十一月斗建  
子乃修峙田器治其宅廬墼戶十二月日在婺女  
大小寒多風雨損畜四季甲子日喜晴諺云若要  
穀平四季甲子都要晴甲寅日喜雨諺云甲寅無  
雨六旬慳天時人事多驗用記以傳諸南畝按此  
記舊抄志有刻志無以其有關於民事也補入之





五臺縣志





五臺縣志 卷之三

建置志目錄計二十二條

城垣 縣治 內署 屬廨

倉庫 行臺 學宮

演武場 墩 墩 附

釋奠 祭儀樂 附 壇壝 祀事

鄉飲 坊表 舖遞 鎮集

都甲 郵典 寺觀 橋梁

村屯 古蹟古 墓附 堡砦 防兵

五臺縣志

卷三

一





建置志

蓋自封建變爲郡縣親民之官莫如守令一邑中  
有壇廟社稷城郭署廨倉庫以及都屯驛堡隨時  
經理親民者之事也志建置

城垣

縣城始於元魏周廻三里餘二十步東面斷崖棲  
堞南面東半斷崖棲堞西面通垣北面據崖爲垣  
置南北西三門獨闕東門高九丈非磚也磚之自  
明隆慶四年知縣張紹芳始上建南北二樓外築

五臺縣志

卷三

二

郭垣護圍萬歷二十四年知縣高敷初增修大垣  
高三丈二尺厚二丈五尺礮口六百三十五皆磚  
敵臺二十五座營房二十五座門三座悉包以鐵  
萬歷三十三年知縣李養才增修城樓四座門各  
題石南曰大安門樓匾虎波環清西恩綸門樓匾  
金湯鞏固北福寧門樓匾臺山拱翠東面一樓匾  
曰起鳳規制壯麗足爲一方保障後因虎河衝裂  
東北城垣各數十餘丈知縣梁繼祖築之重修城  
樓四座角樓四座康熙十二年知縣陳恭開開河



路賈王茂德地一百一十三丈疏渠鑿石秋霖水漲則順渠東下不復侵齧城垣矣康熙二十二年冬地震城垣傾裂知縣周三進重修四面築牆城樓四間及北門甕城乾隆三十一年知縣王家正奉文領帑八千一百九十七兩零修理四面築石臺三層長六百餘丈南甕城半月照牆八十四丈北門甕城起至東北角止磚身九十丈俱高三丈二尺頂厚三尺底厚五尺內心土胎八百六十餘丈海墘通長五百四十七丈又南北河護城堤岸竣堤岸外更密栽官柳以護之

縣治

縣治在城東偏其創建無所考今詳其制正中爲大堂匾曰親民知縣夏大廷聯曰壤雖福老少朋友存焉何以安何以懷何以信惟公可及命則初君民家國繫之若爲清若爲愼若爲勤必敬乃兼堂內左有會計樓右有架閣庫東西分列六房六房之西列收糧房東廊之後爲快壯值班房一楹



西廊之後爲皂隸值班房一楹前爲儀門內懸爾俸爾祿民膏民脂下民易虐上天難欺區二角門東有守門房一楹西有禁卒房一楹東角門內爲尉廳門西角門內爲圍圍康熙十二年知縣陳恭修獄中房三間以示恤囚儀門外東爲鄧侯祠爲寅賓館外爲大門匾曰五臺縣左豎奉

旨優免紳衿丁糧碑記兵部裁割驛馬碑記右豎白撫院永除晉民八害碑記均分水道碑記白菜碑記左書爲民上者不可不知此味右書爲民父母者

五臺縣志

卷三

四

不可令民有此色階下申明亭二座東曰獎善西曰懲惡前爲照牆左右二坊一曰催科一曰撫字內署

大堂後爲後堂三楹前宅門一座守門房一楹後堂東爲內署正庭房三楹東西房六楹後小庭五楹外有書房三楹茶房一楹宅東北隅有觀音堂一座今廢明景泰六年知縣張智宏治十年知縣魏濂萬歷七年知縣陳謙相繼重修規制差隘

國朝康熙六年知縣梁繼祖一槩增新又於堂西買地



建庭五楹名曰思補前亭一座名曰知風又北房三楹南房楹三癸亥地震傾圮大半知縣周三進捐俸興修乾隆四十年知縣郭廷贊領帑九百九十九兩零修理於歷任養廉內三年扣還

### 縣屬廨

典史廨在縣治之東前門一座正廳三楹右書吏皂隸房一楹左馬房一楹後爲二堂東書房三楹西茶房二楹又後爲住宅正房三楹東西房六楹倉庫

## 五臺縣志

### 卷三

### 五

倉在縣治南東西北廩三座官廳一座大門一座癸亥地震傾圮知縣周三進修補完備

庫在大堂東庫樓一座南北房二座

### 行臺

在縣治西大堂三楹東西皂隸房各二楹後爲穿堂再後則公庭三楹東書吏房三楹西廚房三楹前爲儀門又前爲大門匾曰察院行臺今久廢

### 學宮

學址初在城外西南隅明正統十四年張智拓修



城垣徙建於縣西南規模雖隘而棟宇嚴肅正爲大成至聖先師殿康熙二十五年

御筆題匾曰萬世師表揭於中楹左右兩廡各六楹前戟門泮池又前櫺星門牌坊三間又前左名宦祠右鄉賢祠前爲櫺星門左右二坊東正冠古今西德配天地殿後啓聖公祠殿西爲明倫堂上懸仁者以天地萬物爲一體聯云聖賢真面求人品秦漢前頭看事功堂內左右懸科甲舉貢題名匾外翼進德修業二齋各十間前爲禮門廟東爲教諭

五臺縣志

卷三



宅有敬一亭明萬歷間御製序歲並程于四勿箴俱刻於亭內明倫堂後舊有尊經閣廢已久其所藏書亦無存者康熙十二年知縣陳恭修理學宮時訓導賈焯典史馮天梓及紳衿耆老各助勦之頗復舊觀迨癸亥地震大成殿兩廡戟門啓聖祠名宦祠一時盡圮知縣周三進教諭姬鐸訓導楊荃各捐俸倡始貢生陳之美生員閻之俊張涵願董其事工興於甲子夏至丙寅秋告竣其募勸捐輸則舉人閻襄貢生曲爾日之力居多明倫堂傾



圯日久亦加修葺堂制漸改觀矣乾隆二十二年  
教諭王兆鵬倡捐銀九百五十餘兩興修廟宇煥  
然一新又儀門西爲訓導宅知縣陳恭捐建年久  
傾圯爰改建於教諭宅之東乾隆四十二年知縣  
王秉韜卽明倫堂建崇實書院益以墻垣窻榻添  
修院落及守門房二楹厨房三楹延定襄進士劉  
嗣漢爲院長其創置修脯膏火等制詳碑記載藝  
文四十二年秋教諭平梓於櫺星門外加築圍墻  
左右設登山觀海二門并補修啓聖祠及忠義祠

五臺縣志

卷三

七

又學東有隙地瀦水名老池逼近兩學四十二年  
亦契買爲學宮地

演武場 在縣西門外

演武廳 三楹

旗臺 一座

草廩 在縣城內西北隅

墩墩

墩臺 四十二座每座以二夫守之准徭銀三里一  
設斥墩五里一設各附以墩



祠祀

文廟

至聖先師廟歲二祭以春秋仲月上丁日漢祀於闕里  
隋始命州縣學皆以春秋仲月釋奠漢平帝時封  
褒成宣尼公唐元宗封爲文宣王元成宗又加爲  
大成至聖文宣王其羣弟子及從祀諸儒或封公  
侯或封師保元至順間封顏回兗國復聖公會參  
邛國宗聖公孔伋沂國述聖公孟軻鄒國亞聖公  
廟制始於宋太祖元榜爲大成殿冕服始徽宗加  
冕十二旒服九章明嘉靖九年詔號曰至聖先師  
孔子改大成殿曰先師殿四配十哲俱稱子諸儒  
稱先儒某氏

啓聖公歲春秋二季分官致祭與釋奠同日先  
先師舉行按孔子父叔梁紇舊無祭元至順間封  
齊國公明嘉靖九年議以齊國公無祭爲闕典又  
顏子曾子坐堂上顏子父路曾子父點在廡下及  
孔鯉激公宜亦無祭乃推所生之義定啓聖公祠  
祭以顏路曾點孔鯉激公宜配程珦朱松蔡元定



從配萬歷二十四年部議進周敦頤父周輔成從

位程珦上

十哲東祀閔子損冉子雍端木子賜仲子由卜子

商西祀冉子耕宰子予冉子求言子偃顓孫子師

皆稱先賢某子

東廡祀澹臺子滅明原子憲南宮子适商子瞿漆

雕子問司馬子耕有子若巫馬子施顏子辛曹子

卹公孫子寵秦子商顏子高壤子駟赤石子作蜀

公子夏首后子處奚子容燕燕顏子祖句子井疆秦

五臺縣志

卷三

九

子祖子成公祖子句茲燕子攸樂子欬狄子黑

孔子志公西子藏顏子之僕施子之常秦子非申

子根顏子繪先儒穀梁子赤高堂子生毛子萇后

子蒼杜子子春韓子愈程子灝邵子雍司馬子光

胡子安國楊子時張子枋陸子九淵許子衡

西廡祀先賢宓子不齊公冶子長公哲子哀高子

樊子須公西子赤梁子鱣冉子孺伯子虔冉子

季漆雕子徙父漆雕子哆商子澤任子不齊公子

良孺公子肩定鄒子單罕父子黑罕一榮子旂左



子人鄧鄭子國一作薛邦原子亢廉子潔叔仲子增公

西子與如邾子與陳子亢栾子張步子叔先儒

左邱子明公羊子高伏子勝孔子安國董子仲舒

王子通周子敦頤歐陽子修張子載程子頤胡子

瑗朱子熹呂子祖謙蔡子沈真子德秀薛子瑄王

子守仁陳子獻章胡子居仁自澹臺滅明必不齊

而下皆稱先賢某子自穀梁赤左邱明而下皆稱

先儒某子

祭儀

五臺縣志

卷三

春秋二仲月上丁日祭獻官散齋二日致齋一日

前一日演樂省牲祭日三更鼓祭事皆備鼓再嚴

樂舞生執事者各立丹墀左右鼓三嚴引贊引各

獻官廟門外立通贊唱樂舞生就位樂生各序立

於廟廷奏樂之所兩司節者分引舞生至丹墀東

西兩階各序立於舞佾之位兩司節者退至舞生

兩班之首持節相向立唱執事者司事陪祭官就

位分獻官就位獻官就位引贊引獻官至拜位引

贊退位唱瘞毛血執事者捧毛血正廟由中門出



四配十哲兩廡由左右門出瘞於坎遂啓俎蓋  
迎神樂奏祥和之曲麾生揚麾樂生擊祝樂作司  
節舉節舞生執籥秉翟而舞叩首再三叩首興麾  
生偃麾樂盡戛啟司節伏節舞生罷舞唱奠帛行  
初獻禮捧帛者捧帛執爵者執爵引贊引獻官詣  
盥洗所酌水淨巾引詣酒罇所司罇者舉罇酌酒  
執爵者捧帛者在獻官前行正廟帛爵由中門入  
四配帛爵由左門入各於神案側立引贊引獻官  
亦由左門入詣

五臺縣志

卷三

七

至聖先師孔子神位前樂奏寧和之曲麾生揚麾樂生  
擊祝樂作司節舉節舞生執籥秉翟而舞獻官跪  
捧帛者西向跪進帛獻官獻帛授接帛者奠於神  
位前案上執爵者西向跪進爵獻官獻爵授接爵  
者奠於神位前叩首興詣讀祝位祝位在香案前引贊引  
獻官至祝位麾生偃麾樂暫止讀祝者跪取祝文  
退立於獻官左獻官并各官及讀祝者皆跪讀祝  
文曰維某年歲次某某月某朔越幾日某官某等  
敢昭告於



至聖先師孔子曰維

師德配天地道貫古今刪述六經垂憲萬世惟茲仲春

秋

謹以牲帛醴齊粢盛庶品祇奉舊章式陳明薦以  
復聖顏子宗聖曾子述聖子思子亞聖孟子配尙  
饗叩首興麾生舉麾樂生接奏未終之樂引贊引  
獻官詣復聖顏子神位前跪捧帛者跪進帛於獻  
官右獻官獻帛授接帛者奠於神位前案上執爵  
者跪進爵於獻官右獻官獻爵授接爵者奠於神  
位前叩首興次詣宗聖曾子述聖子思子亞聖孟

五臺縣志

卷三

三

子神位前儀同復聖復位引贊引獻官至原拜位  
立通贊唱行分獻禮各引贊引分獻官詣盥洗所  
酌水淨巾引詣酒樽所司樽者舉彘酌酒各引贊  
引分獻官至十哲兩廡神位前跪捧帛者跪進帛  
分獻官獻帛授接帛者奠於神位前執爵者跪進  
爵分獻官獻爵授接爵者奠於總案上執事者於  
各神前自奠一爵叩首興復位麾生偃麾樂盡憂  
啟司節伏節舞生罷舞通贊唱行亞獻禮引贊引  
獻官詣酒樽所司樽者舉彘酌酒詣



至聖先師孔子神位前樂奏安和之曲麾生揚麾樂生擊祝樂作司節舉節舞生執籥秉翟而舞儀如初獻四配十哲兩廡亞終二儀胥同初獻復位麾生偃麾樂盡憂故司節伏節舞生罷舞通贊唱行終獻禮儀同初獻樂奏景和之曲樂作佾舞獻爵諸儀畢復位麾生偃麾樂盡憂故司節伏節舞生罷舞通贊唱飲福受胙進福酒者捧爵進福胙者取正壇羊左肩胙置於盤引贊引獻官詣飲福位跪飲福位卽捧福酒者跪進酒於獻官右獻官受飲讀祝位

五臺縣志

卷三

七

以爵授接爵者捧福胙者跪進胙於獻官右獻官受胙以胙授接胙者由中門捧出叩首興復位叩首再叩首三叩首各官同唱徹饌樂奏宣和之曲樂生奏如前式執事者跪舉籩豆一器一舉而徹兩班司節分引舞生於丹墀東西相向序立不舞麾生偃麾樂盡憂故唱辭神樂奏祥和之曲樂生奏如前式叩首再叩首三叩首各官同麾至偃麾樂暫止讀祝者捧祝奠帛者捧帛各詣壑所正廟山中門出四配十哲兩廡帛由左右門出唱望壑



麾生揚麾接奏前樂引贊引獻官分獻官陪祭官  
望瘞所焚文帛九段焚訖麾生偃麾樂止復位通  
贊唱禮畢

崇聖祠同日先祭無樂舞餘儀同

樂章

迎神 咸和之  
曲無舞

大哉

孔聖道德尊崇維攝主化斯民是宗典祀有常精純並  
隆神其來格於昭聖容

五臺縣志 **卷三**

十四

奠帛 寧和之  
曲有舞

自生民來譙庶其盛惟

師神明度越前聖柔帛具成禮容斯稱黍稷非馨惟神  
之聽

初獻 安和之  
曲有舞

大哉

聖師實天生德作樂以崇時祀無斃清酤惟馨嘉牲孔  
碩薦羞神明庶幾昭格

亞獻 景和之  
曲有舞



百王宗師生民物軌瞻之洋洋神其寧止酌彼金  
罍惟清且旨登獻惟三於嘻盛禮

終獻景和之曲同

徹饌宜和之曲無舞

犧象在前豆籩在列以享以薦既芬既潔禮成樂

備人和神悅祭則受福率遵無越

送神咸和之曲無舞

有嚴學宮四方來崇恪恭祀事威儀雝雝歆茲惟

馨神馭還復明禋斯畢成膺百福

五臺縣志 卷三 圭

望蓬祥和之曲同

樂器雍正三年新定

金鐘 玉磬 鼓 搏拊 祝 敔

琴 瑟 排簫 笙 簫 笛 篪 塤

舞器

節 羽 籥 干 戚

祭器

帛一 爵三 大牛一 羊一

豕一 水一 和羹二 黍稷二 簋



稻梁二簋 籩實八形 藁魚 棗 榛 豆實

八菲菹 醢醢 芹菹 菁菹 中八品 糗餅 白餅

粉養 黑餅 豚肝 牌肝 施食 糝養 洋一 豕一

四配各一壇

帛一 爵三 羊一 豕一

太羹一登 和羹二鉶 黍一簋 稷一簋

籩六 鹽 栗 藜 豆六 菁菹 芹菹 兔醢 鹿脯 麥 藁魚 笋菹 魚醢

十哲東龕五位共一壇 西龕五位共一壇

帛一 爵五 豕一 每位一體 和羹一鉶

五臺縣志 卷三 六

簋一 籩一 籩四 鹽 栗 鹿脯 豆四

菁 芹 兔醢 鹿醢

兩廡東廡 賢二十三 位共一壇

西廡 賢二十九 位共一壇

帛一 爵一 豕一 簋一

籩一 豆

啓聖祝文

維 公誕育聖嗣肇啓斯文至德源本帝範先聲 謹以剛鬣柔毛粢盛庶品式陳明薦以先賢顏氏



曾氏孔氏孟氏配尚饗

帛一 爵三 羊一 豕一

鉶二 籩八 豆八 簋二

簋二

東西配各帛一 各爵二 豕首三 豕肉四

鉶二 籩豆各四 簋簋每位各一

名宦祠祀 金參知政事前五臺縣令李公華陽

曲縣令前五臺縣令周公鼎 明夔州府知府前五

臺縣尉李公昇 聖廟祀畢隨以牲醴致祭

五臺縣志 卷三 七

鄉賢祠祀 金戶部侍郎張公大節 京兆治中行

尚書六部事聶公天驥 明四川按察司王公源 開

封府夏邑縣縣丞陞通判安公瑄 陝西按察司僉

事姚公一讓 永平府同知張公蘊 道 國朝贈奉政

大夫王公之翰 交河德興永寧縣知縣閻公士棹

聖廟事畢隨以牲醴致祭

鄉飲酒禮

律

鄉飲酒禮古有定式違者笞五十



告示

鄉飲酒禮非爲酒食原以尊高年重有德也爲臣  
盡忠爲子盡孝長幼有序和睦鄉里惟此  
大典無墜所生



揚解文

鄉飲酒禮載於禮記養老鉅典歷代咸稱惟我

聖皇鑒古立治念茲黃髮爲

國之瑞

恩賜似馨虞庠用序道德文章忠孝節義觀瞻在茲矜式是冀嘉禮攸行致潔揚解賢主嘉賓酬酢交致藉茲酒醴用將敬意二三君子百爾執事共勳盛典庶幾罔愧屆期主人先至明倫堂用帖請三賓賓至各官俱接大門外禮生贊初讓賓主一揖賓

五臺縣志

卷三

九

西主東而行至二門禮生贊再讓賓主一揖至堂階前禮生贊三讓賓主一揖至堂階臺下賓西主東拜

聖旨行三跪九叩首禮與禮生贊升堂賓西向東立主東向西立禮生贊主拜賓頂頭行四拜禮禮生贊賓酬主賓轉東立主轉西立頂頭行四拜禮畢禮生贊賓主各復位賓轉西主轉東禮生贊司正官揚解禮生導引學正至

聖旨前跪進三爵禮生贊各官并執事人皆跪首贊讀



揚佛文畢引學正復位此時行禮已畢禮生先請  
大賓就席位次請介賓就席位再次請耆賓就席  
位禮生又請主及各官就席位主先在大賓前行  
禮進爵學正在介賓前行禮進爵學副在耆賓前  
行禮進爵各官亦各隨後拱讓三賓挨次在主前  
及各官前酬禮進爵畢禮生贊賓主皆坐供講案  
執事生員供講案禮生贊讀律齋長立席前讀律  
又贊讀告示齋長立席前讀告示禮生贊執事者  
皆坐又贊鳴鐘鼓又贊進饌又贊飲酒又贊歌詩

五臺縣志

卷三

三

歌詩生員歌鹿鳴之詩一章歌詩生員少退站立  
又贊鳴鐘鼓又贊進饌又贊飲酒又贊歌詩生員  
歌南山之詩一章少退站立又贊鳴鐘鼓又贊進  
饌又贊飲酒又贊歌詩生員歌湛露之詩一章少  
退站立禮生贊徹饌賓主散席禮生贊望

闕謝恩賓西主東俱向北對

天顏咫尺行三跪九叩首禮畢主送賓至大門外禮生  
贊賓不顧矣禮成

鄉飲酒禮多年廢不行乾隆乙未歲教諭平梓奉



文復其禮迄丁酉十月朔凡三舉矣

社稷壇在城西北壇崇三尺廣八尺四陛各三級  
繚以垣神庫神厨宰牲房致祭所年久俱廢歲春  
秋二仲以上戊日祭

風雲雷雨山川壇在縣東南壇崇三尺廣八尺四  
陛各三級繚以垣神庫神厨宰牲房俱廢歲春秋  
二仲以上戊日祭

邑厲壇在社稷壇西制同社稷壇今廢祭以春清  
明日秋七月十五日冬十月一日

五臺縣志

卷三

三

天地閣在縣之中

關帝廟乾隆三十三年

勅封忠義神武靈佑關聖大帝城內廟三一在縣治東  
一在南甕城上一在城上西北隅五月十三日祀  
月朔望行香

城隍廟在縣治西神初封顯佑伯洪武二年始正  
神號每歲五月十七日土人結社以祀春秋二仲  
祭於風雲雷雨山川壇每厲祭則主之題曰縣城  
隍之神月朔望行香



龍王廟在城隍廟東每歲土人所報致祭月朔望  
行香

火神廟在縣治西月朔望行香

文昌祠在縣治東二月初三日致祭月朔望行香  
土地祠在縣治東春秋二仲上戊日祭

奎星樓在南城上知縣董以威建

玉皇閣在北城上知縣陳恭創建

真武廟二一在西門甕城內一在北門甕城內三  
月初三日祀

五臺縣志

卷三

三

李將軍廟在西城下知縣吳琮建

文昌廟在縣西北峯山頂禱雨輒應乾隆四十年  
教諭平梓重修

南神廟在縣南十里南神壩上相傳漢文帝爲代  
王時獵於茲山人思其德立廟於其上每歲三月  
三日土人結社以祀

奎星閣在縣東南十里許知縣梁壽梓創建榜曰  
陞官臺八月初三日土人結社以祀

后土廟在縣北里許相傳慮虜水漲惟神制之歲



三月十八日祀

青山聖母廟在縣西北十里七月二十八日祀  
臺駘廟在紫羅山去縣西南八里或謂晉分野臺  
邑屬參井之間實沉之次因立廟於是歲七月二  
日祀然臺駘汾河神謂參神誤矣

藥王廟在縣西里許

趙文子廟在縣東北四十里每歲四月十五日鄉  
人結社以祀

龍灣龍王廟在縣東北四十里禱雨靈應

五臺縣志

卷三

三

碧霞元君廟在縣東北四十里

麟鳳寺龍王廟在縣東北里許

礦山龍神廟在縣東二十里

峯山龍神廟在縣西北二里

雷公殿在縣北十五里

風神大王廟在縣北三十里北齊武平元年創建  
坊表

金榜題名坊爲進士解濟立

忠節流芳坊爲按察使王源立



羣英坊爲舉人智幾先王茂材楊夢弼姚一讓鄧國楨楊仰山立廢

恩光坊爲舉人鄭鑾立

顯揚坊爲舉人張彌綸立

進士坊爲王源立

折桂坊爲舉人王誠立廢

中翰坊爲進士胡偉光祿寺署正胡俊立

龍章寵錫坊爲張蘊道立

三郡循良坊爲閩士樟立

五臺縣志

卷三

香

永雪坊爲節婦劉壽貞立廢

恩榮坊爲節婦陳氏立

恩榮坊爲節婦師氏孫氏王氏立

四朝恩賜坊爲節婦楊氏立

舖遞

總舖在天地閣前今圮

西村舖在縣南十里

東冶舖縣南三十里

河邊舖縣南四十五里



王村舖縣北十里

下庄舖縣北三十里

楊嶺舖縣北四十里

龍王堂舖縣北五十里

馬橋舖縣北六十里

石家灣舖縣北七十五里

崗上舖縣北一百里

鎮集

在城

以奇日集

五臺縣志

卷三

五

東冶鎮

去城三十里二五八日集

大寶村鎮

去城四十里四七十日集

臺懷鎮

去城一百二十里三八日集

都甲

舊有十五曰在城曰城北曰城南曰天池曰泉岩

曰善文曰大安曰河濱曰本軍曰栢蘭曰大賢曰

天南曰福勝曰福寧曰天北順治十年知縣夏大

廷併為九都曰在城曰城北一曰城北二曰河池

曰善泉曰安軍蘭曰南天曰天寧曰三奇都每都



置十里

郵典

養濟院

在縣西城下知縣梁繼祖重建

十方院

在溝南村

瀨澤園

在縣北唐家灣

義塚

在縣南二里鬼壑知縣梁繼祖置

寺觀

臺山諸寺詳山川誌

廣濟寺

在縣治西元至正年建已就傾圮乾隆四

福田寺

在城北

五華縣志

卷三

五

大覺寺

在溝南村

九女山寺

在城東

金山寺

在縣西五十里

善文寺

在縣西四十里

寶峯寺

在縣東十五里東寨村

天池寺

在河池都

滿井寺

在天南都

石槽寺

在城東二十五里小賢村

娑婆寺

在縣東北五十五里麻岩山



林泉寺 在縣北五里林泉村

向陽寺 在縣北五十里水峪村

明陽寺 在縣西南八里紫羅山下元大德年建

廣陽寺 在桑泉山下

眞陽寺 在店灣村

臺山佛刹凡三百餘所茲僅記其前代所勅建者

他悉載清涼傳

顯通寺 古名大孚靈鷲寺漢明帝時騰蘭西至見此山乃文殊住處兼有佛舍利奏帝建寺

勝以山形若天竺靈鷲寺依山名帝以始信佛化乃加大孚二字昭信也後魏孝文

五臺縣志

卷三

七

帝再建環四鷲峯置十二院前有雜花園故亦名華園寺唐太宗重修則天以新譯華嚴經中載此山名改稱太華嚴寺明太宗勅重建賜額大顯通寺

塔院寺 顯通之南五峯中有育王所置佛舍利及文殊髮塔因以名殿中有轉輪藏藏經

永樂五年勅太監楊昇重修大塔始建寺萬曆勅中使范江李友重建

圓照寺 在顯通寺左古稱普寧寺永樂初西僧寧利沙至詔入大善殿坐論稱旨封圓覺妙

應輔國光範大善國師賜金印旌幢遺送臺山前寺

文殊寺 即菩薩頂眞容院唐僧法雲自建殿堂擬塑聖像有塑工安生不名而來請言聖儀

容曰大聖德相我何能言相與聖禱求聖一現七日忽雲中見文殊像遂塑成因名廣宗寺 鷲峯南半脫正德初爲民祈福道中使華敏建寺鑄銅爲瓦今稱銅瓦殿



廣緣寺

鷲峯東古名大王寺相傳昔有王子棄國出家於此今久廢

壽寧寺

古名王子焚身寺北齊第三子自識宿命厭塵勞於此燃身供聖菩薩現形火光中勅建寺

鳳林寺

嘉靖間徹天和尙卓庵嘗有盜賊至見二虎據門賊乃革惡呼為二虎禪師萬曆初改建寺額曰鳳林

金閣寺

在南臺西北嶺畔昔見金閣浮空因建寺

竹林寺

在中臺南三十里唐照悟入化竹林因創寺名焉

清涼寺

在中臺南四十里魏孝文帝所建今久廢

白頭庵

南臺東北十餘里昔有行者生而皓首神異頗多嘉靖間卓庵於此後不知所終今

五臺縣志

卷三

天

久廢

龍泉寺

臺東南舊路嶺朱建嘉靖初羣盜縱橫往者憚之昔有大士者依廢寺遇賊即殺羣盜乃絕將卒以山門托燕京大智宗主山

娑婆寺

民翕然從化重修其寺後改名湧泉寺  
臺西南三十里北齊釋元頭卓庵於此誦華嚴有婦人携子數來聽經頭疑之婦曰我名娑婆乃龍母也聞法得悟將脫此累矣頭曰孰當信汝耶婦指龍池曰我若真悟無生者此深波湧成高阜言訖隨手成阜遂化去後人名其阜曰龍宮聖堆願建寺因名娑婆

佛光寺

臺西南四十里魏文帝見佛光之瑞因為名唐解脫和尙於此藏修以上前抄志所

載



乾隆三十二年

行宮二處

臺懷 臺麓

座落十九處

菩薩頂 顯通寺 羅睺寺 壽寧寺

玉花池 大螺頂 碧山寺 般若寺

殊像寺 棲賢寺 鎮海寺 白雲寺

明月池 清涼石 千佛洞 金燈寺

南臺頂 南山寺 湧泉寺

五臺縣志

卷三

五

橋梁

弔橋 在縣西門外

風水橋 在縣西關外圈馬溝乾隆四十二年知縣王秉韜重修石橋

廣善橋 在溝南村乾隆四十二年知縣王秉韜創建石橋

通濟橋 在孤嶼溝

白梁橋 在滹沱河上義民徐鴻鳴每歲冬架木板為之地故橋遂廢

善濟橋 在縣北十里淤泥溝乾隆四十二年知縣王秉韜創修

西巡橋 在臺山塔院寺前舊名巡檢司橋康熙二十二年得名西巡橋

村屯 古蹟古墓附



臺邑環列萬山其間土田稍平者爲四鄉村落廬舍大者不過百餘家次則數十家三五家而已然而烟火相望雞犬相聞生齒日繁固已富庶有象矣縣城無東門出南門東去過慮虎河爲河東村在高阜上有古龍神廟爲東郊迎春處再東則小崗東崗及東寨村下則虎漢劉家庄等村出北門里許爲古城村相傳爲臺州故址再北五里則林泉村花木特饒細泉一脉貫村而流有古剎甘泉寺前有四明亭前令朱國俊所建稍西爲峯山村

五臺縣志

卷三

三

出南門里許爲溝南村再南五里則王家庄塔兒村有古塔兩澗村南有鳳凰山兩澗相環南上則皇圖壩爲漢文帝遊獵處東偏有孫家崗孫家庄裴家溝村轉南度一山則白家庄窰頭村出生鐵粗蕪煤炭爲閭邑器用資由溝南村十方院過鬼壑則觀上西村爲赴省之通衢也出西關二里爲西庄村又五里過走馬嶺則高家庄三角南屏等村西山下有天池寺舊天池都凡此數村或在平原或負山郭皆環城而居處四鄉自河東村盤新



東上爲閣嶺架山爲閣閣鎮眞武像旁有中州范志完石刻五臺奇勝碑碣重簷飛甍常臥白雲或謂清涼勝境之關鎖焉由此東下則南北大賢村舊大賢都因村名也南去則甄家庄石嶺村再南則茹村東北五里則蘇子坡傳爲子瞻遊臺憇此村東有子瞻祠村後有爾朱侍郎墓莫詳世代西南則甄家庄四山之水彙聚於此名水聚天心湛然五里冬夏不涸蘆菰蒲菱通滿澤畔鴻雁鴛鴦喧啄唼呷之聲不絕令人有江湖之想入東峪由

五臺縣志

卷三

三

蘇子坡北上莫姑嶺相傳爲楊業孫收女將莫姑英處下嶺轉東五里有四村總名小賢過鄭家小賢至蕭家河正東上坡三里爲滌陽嶺依嶺建刹殿閣頗麗由蕭家河稍北至龍王堂轉北過野豬窩灣子等村再上則漢嶺下嶺五里田家村稍南下則小竇村村前清泉數處合流而南爲滌陽河之源正北則竇村鎮乃一鄉交易之所相傳謂送劉智遠子陵臍去邠州之竇老故居北則有李家庄爲智遠妻李三娘故里出鎮北門三里則西營



村村西裴家崗東過我河爲東營循河北上五里則閻家寨東望層巒翠靄一帶蒼松隱見樓臺者古竹林寺也榆柳陰森路轉峯迴珠光欲露者佛光寺也寺有後漢高祖陵又謂爲唐僧名智遠者墓無碑碣莫可考再北則席馬口李家庄葦地東貴樓嘴頭等村更北里許有北嶽廟過大栢鋪大小栢至峩嶺則繁峙境也出鎮西門三里爲下會村村正西則上下大石井灣大池數村西北五里則水峪村有古刹向陽寺由坡脚折北則潘家峪

五臺縣志

卷三

三

清泉細流穿村而出稍上爲范家庄稍南崦下長松兩株茅屋數家爲白崖村西過智家村蒼莽一山叢木成林曲逕盤折而上五里至嶺際南望九原城郭隱見烟雲間沱水灣環僅一縷耳下嶺爲代州境矣出鎮南門東去三里過新庄從神崗崦稍北則南道頭東去則維摩庄大峪口舊設巡司一員今裁去有古塔再上則福勝等村舊有福勝都再東入有王崖古寺許家庄灰嶺班老窰等村從南道頭北去五里有古龍神廟名五臺寺寺左



爲西坡村再北則北道頭東道頭長畛麻子崗等村西崦內爲陀彌庄北上則東西會村寺溝村東西柳院至福勝村入西北一谷則習馬場西較村東踰一嶺則村屏村闔家嶺南下則靈境堡子溝等村由福勝村轉而東北入香域溝泉水潺湲荆柳夾道多虎豹結伴而後行左崖赤壁有白書梵字數十類古篆人莫之識盤山而入至西瓦廠村則繁峙界由東瓦廠村上金閣嶺則入臺山矣從南道頭南下則澆陽醬房村稍西渡河則龍灣寺

五臺縣志

卷三

三

綠水帶前青山環抱堤柳春烟如織山松夏雪時飛誠東鄉佳境也南則西峽村西則澆陽嶺東渡河則東峽村村東北一徑入大夷溝過黃花嶺有娑婆寺青松萬株爲縣學田東峽南則峽口楊家庄溝濠店局等村兩山壁立河水迅流數村皆依岩結茅而居由茹村而東爲東西天和村出煤炭鐵礦再東去則出石盆口側轉西上攀蘿躡石僅百步則石盆洞翠栢成陰殿宇數楹相傳文殊師利始居之所洞幽深持炬以入約二里許截然



斷下臨不測架二木以渡至此則風水聲甚急人無敢渡者山此入東北一谷爲上峪北山下則河口村瀝陽清水於此合流爲再上則王家窰王家庄高洪口等村向設巡檢一員稍北渡河爲栢樹坡循河而上則耿家庄東來河水至此伏流再北則松岩村入峪四十五里至此稍寬其村後負三臺前對玉屏鑿石引流水入厠下殊多佳致沿河而進有常家灣上下門限石橫嶺閻家凹南屏村西渡河則石嘴村西去則黑蟆石金剛庫前後石

五臺縣志

卷三

書

佛乾河白頭庵等村再西至黃土嘴北進則臺懷鎮西南則郭家庄塔兒溝寬塘化橋等村石嘴北上過紅崖則射虎川康熙二十二年春二月得名旁有清泉湧出名神武泉土人因於亭傍築舍以居近百家再北鐵舖村過盧家庄東上二里至長城嶺則正定府界矣由石盆口南爲下峪東渡河爲秋河村壁立萬仞嶂疊千層古栢蒼松時聞天籟每令人低徊不忍去再南白版口有古栢高五丈環三十圍若盤龍勢下則孤獨店環坳坪羣壩



叢峙一峯獨出雲表由此而下十餘村皆依岩墮  
水大抵峪中形勢一水中流兩山夾岸水之灣環  
因山之曲折數里中至渡河數十次五里下爲耿  
家庄山上有池石形似蓮因名蓮花盆其下則教  
場村馬鞭舖吳王城軍探溝相傳爲吳王屯兵於  
此由東南上牛道嶺則孟縣界矣東北則栢蘭村  
舊都名再東則陡寺村古刹甚麗偉然大觀入東  
峪林木蒼翳有石崖出水半懸鐘名懸鐘堂由窰  
溝南黑山坪至黑山嶺由沙崖至自石板過黑山

五臺縣志

卷三

五

坪俱入平山界東峪口北有羅家呂家唐家等庄  
入上峪界自自石板北則土壩子五槍裏油盆寺  
有龍池三處禱雨靈應由鴿子溝陡寺河府村入  
孟縣界自教場南有南坡村羅胡李三庄卽石窟  
躍魚處過坪上河門村則定襄界矣由縣之西村  
而南入孤嶼溝二十里至東冶鎮西去三里槐陰  
村爲董永槐陰離別處北山環抱沱水前縈時令  
獨異諸鄉其地肥美泉岩河左出滋以灌溉一邑  
之中厥田上上厥賦上中再西過要池村則崞縣



界鎮之東則五吉底村再東數村或南或北則有石村張家庄蘇家庄劉家庄夾子灣等村出鎮南門渡滹沱河則建安村漢孝子蔡順墓在焉村外有潭名溫泉水性冬夏常溫獨產魚過大關十里至河邊村產紫綠二色石堪爲硯又號文山紫燕去來皆聚於此過此則定襄界矣自縣之西由南屏村過谷泉山爲智家庄南下則南頭村善文村陽白村有董永墓再南綠樹千重清流環繞稻田數十頃爲王家庄郭家庄泉岩村舊有泉岩都循

河而下則郭家寨郭氏居焉傳爲郭璞裔更南爲南北大賢村由智家庄北上則上下紅彪舊志載石磧村今無存矣再北則炭頭村寺家庄店頭村堡子村八達村桑院村白堽村自北上西峩嶺有太乙庄爲縣學田口田易蕪向三十餘頃今祇二頃餘下有康家灣過此則代州境矣由智家庄西上有上下金山村桑家掌更上有小嶺陡峻磨天羊腸曲道過此則崞縣境矣峯口爲崞縣祖龍北上爲北鄉村後有九女泉稻田數頃湖虎流而上



則唐家灣寨裏前後崗馬村大小王村東西雷村  
有雷公殿雷發聲率起於此禱雨靈應今殿圯矣  
由西雷村稍西偏則穡頭口平溝掌再西則郝家  
壩孟家坪上下王泉庄由東雷村而東則東山底  
下上蛇神村紅堂村師家庄北則圍城下庄上庄  
羣峯拱秀一山前掩上建梵宇松林茂密宛若翠  
屏清泉右瀉引以灌圃故其地蔬菜豐潔果實甘  
繁也再北過長畛登羊嶺入代州境矣至於山巔  
水涯一二村廬或不無遺漏然一邑四鄉之境大

五臺縣志

卷三

志

畧俱備是則財賦於是乎出風俗於是乎成忠孝  
節烈文人學士於是乎生司土者富之教之俾禮  
義仁讓之風油然而四達庶不負守土親民之義也  
歟

縣東北吉祥溝朝陽寺有鐵羅漢一高丈餘大十  
數圍傳聞從西方來五百羅漢赴玉花池一僧獨  
後至抵朝陽寺日已晡問汲水婦玉花池路婦誑  
曰距此不知幾千里汝雖鐵漢亦難到僧立化盡  
盡井口乃鐵羅漢也明宗籙朝臺爲寢廟覆之勒



石以志至今玉花池五百中虛一座

佛光寺東北有古竹林樹木蔥蒼舊無殿宇昔有南僧名古道在籍嘗夢至一寶刹額顏古竹林遂遊名山遍訪之行至佛光寺僧款茶古道將飲忽盃中照見一利景與夢符因問此間有古竹林寺乎僧曰去此東北三里許有地名古竹林實無寺院古道卽寄留衣鉢往視之見院宇更與夢符復有僧款留一宿次日辭歸取衣鉢寺僧已無一識者述所以衆僧乃曰前輩傳言昔有南僧寄衣鉢

五臺縣志

卷三

三

赴古竹林未回原物封置天花板上今約八十載矣覆視宛然取之則隨風碎去古道仍回其處一無所見乃嘆曰此神命我也當依所見建之爰募化興修建成今寺

劉智遠墓

漢五代君在縣東佛光寺

蔡順墓

漢孝子在縣南建安村

董永墓

漢孝子在縣西善泉都

楊慥墓

金尚書在縣西善泉都

張大節墓

金侍郎在縣紫羅山



張岩與墓

金終酒在縣西紫羅山

聶天驥墓

金尚書在縣南滹沱河上

齊麟墓

明侍郎在南關外

王源墓

明四川按察使在縣北

堡寨

摩天寨縣東北九十里峭壁插天高二十餘里上平廣數頃樓榭洞屋畢備可以馳射順治己丑寇據其上大兵圍數月不下寇遁去奉

旨平之去其房屋

五臺縣志

卷三

五

曹寨縣南七十里峻峭拔起四面石壁沱水繞其下順治己丑寇據之數月後出重賞募壯士數人潛登之先軍中夜擊鼓以亂賊聽壯士乃鑿石下鐵錐如猿猱攀援而上賊亂鼓聲不爲備始破元黃寨寶村鎮東山高峻可守

揚武寨縣東四十里勢險峻居民常借以備寇  
栢寨石盆口東山己丑寇亦據之殺良民數百人  
孤突店寨縣南四十里險峻可守不能容多人  
孤髻寨縣南三十里



水月堂寨縣東北七十里上如覆甌下如壁立險峻可守有王氏罵寇跳崖處

三臺寨在摩天寨北

東冶堡

槐陰堡堡立崖上已丑寇據其中不下後掘地雷破之

寶村堡 東峽堡 高家庄堡

穡頭口堡 已丑為寇據 建安堡

河邊堡 兩澗堡 泉岩堡

五臺縣志 卷三 罕

郭家寨堡

防兵

五臺縣東路營

防守把總一員馬兵五名步兵二十名東冶鎮馬

步兵七名探頭村步兵十名蛇神村步兵五名孤

突店步兵五名高洪口步兵二十五名耿家庄步

兵十五名陡寺村步兵二十五名教場村步兵十

名中庄村步兵十五名

康熙二年改設把總一員馬兵二名步兵一名守



兵六十九名

北樓路營寶村鎮

防守守備一員馬兵十五名步兵九十五名福勝村步兵十名峽口村步兵十名潘家峪步兵十名大栢村步兵十名

康熙五十二年改設把總一員馬兵三名步兵七名守兵三十名

北樓路營臺懷鎮

防守把總一員馬兵十二名步兵三十八名金閣

五臺縣志

卷三

聖

嶺步兵十五名北山寺步兵十名樓賢社步兵十名

改設把總一員外委一員馬兵十二名步兵三十八名守兵四十名

金剛庫

添設千總一員外委一員馬兵五名步兵二十三名守兵六十一名







五臺縣志 卷之四

食貨志目錄 計六條

戶口丁徭

地畝田賦

水利

學田

賞賚

物產

五臺縣志

卷四



食貨志

且粒食開而百貨聚生養利用有自來矣顧大利  
既興典制未備其何以經國而裕民今則野無曠  
土人有餘閒倣九賦而國課有常設日中而奇淫  
不事凡山川林藪之所生亦聽民取用而不之禁  
焉林林總總之儔至忘

帝力於何有嗚呼盛矣志食貨

戶口

金

五臺縣志

卷四

二

天輔年間主戶一千九百六十四戶客戶四百八  
十九戶

天輔年間主戶一十萬八百一十口客戶九千一  
百二十四口

元

建武年間主戶一千八百七十三戶客戶四百九  
十一戶

建武年間主戶一十二萬七百五口客戶八千六  
百一十七口



明

洪武年間戶一千八百九十二戶內軍七百七十  
二戶民一千七十二戶儒五戶僧七戶道一戶匠  
二十四戶樂一十五戶

洪武年間口一萬四千八百三十口內男子九千  
七百七十五口婦女五千五十五口

國朝

戶口丁徭 前代分戶分口爲二今遵經制全書戶口丁徭總計其成數

原額人一萬八千七百六十四丁該均徭銀三千

五臺縣志

卷四

三

三百九十二兩五錢九分六釐

順治五年審編實行差人一萬二千二百七十四  
丁於

順治八年二月內題奉

旨蠲免傷亡人四千三百二丁又於

順治十四年九月內題奉

旨蠲免逃亡人三千二百三十七丁實在其人六千二  
百九十丁內除紳衿優免本身二百七十一丁外  
實行差人六千一十九丁該均徭銀一千六十三



兩九分內撥補本縣支用不敷銀二十一兩六錢  
辦買本色顏料加增銀二十六兩六錢一分

康熙六年審編復傷亡丁徭銀六十四兩一錢

康熙十一年審編增出銀二百四十五兩五錢

康熙十六年審編增出銀五十兩七錢

康熙二十五年審編增出銀六十五兩六錢

康熙三十年審編增出銀六十兩

康熙三十五年審編增出銀七兩六錢

康熙四十年審編增出銀三兩七錢

五臺縣志

卷四

四

康熙四十五年審編增出銀一兩九錢

康熙五十年審編增出銀八錢

康熙五十二年欽奉

思詔但據五十年審定丁冊定爲常額續生人丁永不  
加賦

實在共人一萬二千五百九十一丁內除紳衿優

免本身三百六十一丁外實行差人一萬二千二

百三十丁內

中中則一百四丁每丁徵銀五錢



中下則八十九丁每丁徵銀四錢

下上則三百八十丁每丁徵銀三錢

下中則二千二百二十三丁每丁徵銀二錢

下下則九千四百三十四丁每丁徵銀一錢

以上共徵均徭并辦買本色顏料加增銀一千五百八十九兩六錢

順治十二年清出

土著新編人七百五十八丁內

下中則一百二十二丁每丁徵銀二錢

五臺縣志

卷四

五

下下則六百三十七丁每丁徵銀一錢

以上共徵徭銀八十七兩九錢撥補本縣支用不敷徭銀

以上通共實行差人一萬二千九百八十八丁共徵均徭并辦買本色顏料加增共銀一千六百七十七兩五錢

更名屯共人一百四丁各編徭銀不等共徵徭銀十三兩三錢

雍正四年分



太原前衛振武衛歸併本縣屯丁三門四則其人二百一十丁該徭銀六十九兩二錢三分九厘實行差人二百一十丁內

中下則二丁每丁徵銀七錢四分七厘

下上則六丁每丁徵銀六錢四分六厘

下中則五十二丁每丁徵銀四錢五分七厘

下下則七十丁每丁徵銀二錢九分八厘

以上其徵均徭銀一十九兩二錢七分三厘通共

實行差人二百一十丁共徵均徭銀六十九兩二

五臺縣志

卷四

六

錢四分

以上民屯實行差共人一萬三千三百二丁共徵均徭銀一千七百六十兩四分於乾隆二十三年詳奉題

允全歸地糧徵收

田賦

元

地二千四十八頃五十四畝二分

夏秋稅糧共一萬二千九百六十五石二斗六升



九合二勺

夏稅五千三百五十五石一斗一升二合一勺

秋稅七千六百三十石五斗五升七合一勺

明

洪武初年官民平坡地共二千五十五頃六十六畝二分

萬歷九年均丈定爲五等地色共二千六百一十七頃二十四畝六分二厘

上等地色三十三頃五畝五分八厘九毫四絲七

五臺縣志

卷四

七

忽

上次地色五十四頃二十五畝二分四厘六毫四

絲四忽

中等地色八百八頃五十三畝四分八厘四絲九

忽

中次地色一千三百四十九頃六十八畝六分六

厘三毫五絲

下等地色三百七十三頃一十畝六分四厘一忽

二微



夏秋糧共一萬三千七百四十四石二斗八升八合六勺

夏稅四千一百四石九斗七升二合六勺

秋稅九千六百三十九石三斗一升五合七勺條

鞭徵銀一萬二千二百七十九兩五錢九分九毫

四絲一忽三微馬草銀在內

絲絹一十二疋內本色一十疋折色二疋零絲一

十八兩二錢絲價銀一十七兩七錢四分一厘七

絲五忽

五臺縣志

卷四

八

酒課銀一十四兩四錢閏加一兩二錢

商稅銀二十二兩四錢二分八厘

草一萬九千二百七十二束四分四厘八毫

國朝

原額民田共地二千六百一十七頃六十四畝六

分三厘共徵夏秋糧一萬三千七百四十四石二

斗八升八合三勺

順治十四年二月內山西巡撫白具題部覆奉

旨蠲免有主傷亡荒地一千一百一十頃八畝二分六



厘七毫七絲七忽該豁糧五千九百五石四斗七  
升五勺八抄二撮五圭實在熟地一千五百七頃  
五十六畝三分六厘二毫二絲三忽共徵糧七千  
八百三十八石八斗一升七合七勺一抄七撮五  
圭

水地四頃五十三畝二分一毫七絲每畝徵糧八  
升二合七勺五抄共糧三十七石五斗二合四勺  
五抄二撮六圭

五臺縣志

卷四

九

平地三百一十六頃六十四畝四分一厘三毫五  
絲六忽每畝徵糧一斗二升共糧三千七百九十  
九石七斗二升九合六勺二抄七撮二圭

坡地八百七十九頃七十四畝九分四厘二毫七  
絲五忽每畝徵糧四升二合共糧三千六百九十  
四石九斗四升七合五勺九抄五撮五圭

沙地三百六頃六十三畝八分四毫二絲二忽每  
畝徵糧一升共糧三百六石六斗三升八合四抄  
二撮二圭

乾隆元年收入繁峙縣改歸奇糧銀田坡地一



四十六畝八分九厘共徵折色糧七石三斗四升四合五勺折銀七兩二錢七分六厘

屯田

太原右衛坐落本縣屯地一百九十頃四十二畝八分共徵折色糧四百五十八石五斗六升五勺折銀二百二十九兩二錢八分於順治九年十月內巡按劉具題奉

旨蠲免荒地四十頃三十七畝該豁銀四十兩三錢七分實在成熟坡地一百五十頃五畝八分每畝徵

五臺縣志

卷四

十

糧二升五合一勺共折色糧三百七十七石八斗二升五勺每石折銀五錢共銀一百八十八兩九錢一分二毫

更名田成熟坡地一百四頃六十四畝九分每畝徵糧銀二分四厘該銀一百五十二兩四錢五分八厘

起解

本色起解戶部項下宣大更名田地畝隱漏等項共銀六千七十五兩九分八厘內



宣府鎮銀六百三十兩八錢八分一厘

大同鎮銀一千五百八十五兩二錢四分四厘九

毫

農桑銀一十九兩八錢八分五厘一毫

加增豐贍庫銀一錢三分八厘四毫

屯田折色銀一百八十八兩九錢一分二毫

更名屯田銀一百七十兩七錢三分七厘三毫

康熙六年審編增出屯丁銀三錢

康熙十六年審編增出屯丁銀九錢

五臺縣志

卷四

土

地畝九厘銀六百二十九兩九錢九分七厘

審編復額傷亡丁徭銀九十兩四錢八分九厘

順治十四年起十八年止開墾過民田荒地糧銀

八百八兩七分六厘

順治十三年起至十五年止開墾過屯田荒地糧

銀三十兩

順治十五年起至十六年止開墾過更名田荒地

租銀三十六兩七錢一分

康熙元年起至二十四年止共開墾過民田荒地



糧銀六百三十一兩一錢八分八厘

康熙二三年共開墾過屯田荒地糧銀一兩九錢

康熙二年起至十年止共開墾過更名田荒地折色租銀八十二兩九錢二分五厘

康熙十六年清出并續查出隱漏額內民田荒地糧銀八百八兩七錢五分四厘

康熙十六年續查出隱漏額內更名田荒地折色租糧銀九兩二錢三分

五臺縣志

卷四

土

康熙十六年審編復傷亡人丁徭銀六十四兩一錢

康熙十一年審編增出徭銀二百四十五兩五錢  
康熙三十三三十六兩年清出自首額內額外民田荒地糧銀四十五兩四錢六分九厘

雍正六七八三年民人首墾額內民田荒地糧銀三百七兩三錢四分六厘

雍正十一年兩年開墾更名田荒地租銀一十八兩八錢三分一厘



雍正十十一兩年開墾屯田荒地糧銀八錢五分九厘

乾隆二十四年民人首墾額外荒地糧銀七兩二錢七厘

以上民田屯田更名田實在城熟地三千五百一十七頃二十六畝三分八厘共徵

本色糧六百五十九石八斗五升七合三勺折色并加增馬草絲絹租差共銀一萬九百三十九兩六錢七分八厘

五臺縣志

卷四

七

太原前衛振武衛歸併本縣

原併振武衛屯下地二十一頃三畝共徵本色豆六十九石六斗五升三合

起解戶部地畝丁徭等銀六千六百一十三兩七分一厘

禮部羊價藥味紙價等銀一十二兩二錢九分三厘脚價銀一錢九分八厘

工部柴夫木柴胖袄等項共銀二百九十九兩二錢二分七厘脚價銀一兩二錢三分九厘



舊額存留項欵奉文節年裁扣并裁官經費等項  
共解部銀一千七十二兩三錢一分七厘

以上共起解銀七千九百九十六兩九錢九厘內  
除添設加增各項銀一百六十三兩九分二厘外  
實起解銀七千八百三十三兩八錢一分七厘脚  
價銀一兩四錢三分七厘

置買紬絹銀一十兩七錢八分九厘七毫脚價銀  
三分七厘

本色原額顏料銀四十五兩四錢四分九厘內

五臺縣志

卷四

十四

節次奉文改折核減併停解各項顏料共解部銀  
四十五兩二分四厘

辦解丁字庫本色黃蠟二斤九兩七錢四分二厘  
五毫每斤該定價銀一錢五分五厘共銀四錢四  
厘脚價銀二分一厘

存留

本省額編兵餉銀三千七百三十九兩二錢七分  
四厘

本色糧六百八十八石六升八合四勺



驛站銀二百兩五錢七分一厘三毫五絲奉文抵  
解地丁正項

一額外共解部銀四十四兩四錢四分九厘

商稅銀二十二兩四錢三分五厘

匠價銀九兩九錢脚價銀一錢一分四厘

裁操賞酒課銀一十二兩

存留派解司府並本縣官俸衙役工食雜支照裁

定銀三百八十五兩八錢二厘

榆次太谷二縣撥補本縣不敷徭銀八百三十兩

五臺縣志

卷四

六錢六分六厘

共銀一千二百一十六兩四錢六分八厘

明

諸司俸廩米四百七石五斗

俸鈔二千九百七十四貫

春秋祭祀銀一百四十九兩二錢

鄉飲酒禮銀一十兩

歲貢盤費再歲給本學歲貢生銀六十五兩

孤老衣薪銀一十兩



國朝

知縣俸薪銀四十五兩

門子二名每名工食銀六兩

皂隸一十六名每名工食銀六兩

馬快手八名每名工食銀六兩

禁卒八名每名工食銀六兩

更夫五名每名工食銀六兩

轎夫四名每名工食銀六兩

傘扇夫三名每名工食銀六兩

五臺縣志

卷四

夫

庫子四名每名工食銀六兩

斗級四名每名工食銀六兩

民壯二十二名每名工食銀七兩二錢

捕役八名每名工食銀六兩

本縣典史俸銀三十一兩五錢二分

門子一名工食銀六兩

皂隸四名每名工食銀六兩

馬夫一名工食銀六兩

本縣儒學教諭俸銀四十兩



訓導俸銀四十兩

廩生二十名每名餼銀三兩二錢

齋夫三名每名工食銀六兩

膳夫五名每名工食銀六兩六錢六分六厘

門斗三名每名工食銀六兩

臺懷巡檢俸銀三十一兩五錢二分

皂隸二名每名工食銀六兩

弓兵十名每工食銀六兩

文廟春秋二季銀四十兩

五臺縣志

卷四

七

關帝三代祭品銀二十兩

啓聖名宦鄉賢二祠祭祀銀一十一兩二錢八分

風雲雷雨山川社稷八蜡等坛廟祭祀銀二十四兩

雩禮壇祭品銀三兩

邑厲壇祭祀銀十二兩

朔望行香講書等銀五兩六錢

舖司兵二十一名每名工食銀五兩九錢五厘

孤老冬衣布花銀七兩五錢五分二厘

二年一辦起送赴考貢生酒席及考中正貢旗廳



花紅銀一十二兩每年銀六兩

三年一辦舉人牌坊銀二十一兩每年銀七兩

餞送舉人會試以三名爲率盤纏酒席銀四十五兩每年銀一十五兩

本府餞送舉人會試卷價酒席銀一兩六錢每年銀五錢三分三厘

鹽課

原額鹽課銀一百二十一兩七錢三分七厘

康熙二十四年鹽稅并紙張三百二兩五錢九分

五臺縣志

卷四

六

二厘九毫八絲七忽五微

康熙二十五年除去二十九兩五分實解河東鹽運司鹽稅銀二百七十三兩五錢四分三厘九毫八絲七忽五微

乾隆三十一年鹽稅紙價共銀二百三十二兩八錢七分三厘奉文難入地糧徵收照現頒賦役全書增定

水利

縣東



龍灣泉二池發源龍灣寺引渠三道溉醬房東峽村西峽村地臺山河發源北臺引渠五道溉上峪松巖口上耿家庄河西河北高洪口村地

縣南

盧虎河發源縣北小王村引渠四道溉孤獨店下耿家庄教場村羅家庄地

小營河發源縣西泉巖村引渠六道溉東冶鎮五級村永安村槐陰村石村地

縣西

五臺縣志

卷四

七

小營河繇河引西南河渠二道南北河渠三道溉泉巖村郭家寨大興村地

以上諸渠因地畝定水規立夏日始以次引溉渠長司之

舊志盧虎河在西北十五里先爲豪右所占天順間知縣李華刻石以杜訟溉郭家寨大興槐陰東冶等村名豐樂襄陽府推官智幾先記

東峪河源出移城村經孫家庄百蘭村溉田入河門與滹沱合東鄉龍灣寺清泉瀉於澗下滋灌秔



稻 以上舊志缺載依省志補入之

學田

舊額原地五十九頃五十九畝每畝徵銀四厘共徵租銀二十三兩八錢三分

一坐落西峩嶺內有喬松一帶計地三十五頃零五畝租銀一十四兩二分今廢

順治十三年太乙山巔開地二頃四十九畝租銀九錢九分六厘今存入奏銷

一坐落娑婆寺內有松林一帶計地二十四頃五

五臺縣志

卷四

三

十四畝租銀九兩八錢一分今為代州所并以上備載

縣綱冊

城西門外教場地東西地八畝今存儒學承種

西壇地四畝今存

明崇正十一年署五臺縣劉越蒞置溝南村地二十畝

麻峪庄山地一處租糧十石今存二石以上備載明倫堂碑記

察院廢基畝餘知縣王秉翰歸學易明倫堂為書院娘娘壩荒山一處知縣王秉翰召民開墾租歸



學爲修

支廟費俟成熟田有確數另詳立案

賞賚

乾隆二年恩賞老民一百五十四名老婦三百七十二名

乾隆十七年

皇太后六十萬壽恩賞老民婦一百六十五名

乾隆二十七年

皇太后七十萬壽恩賞老民婦九十二名

五臺縣志

卷四

三

乾隆三十七年

皇太后八十萬壽恩賞老民婦九十二名八十以上者每名給絹一疋價銀八錢棉一劬價銀八分米一石價銀七錢肉十劬價銀二錢五分共銀一兩八錢三分九十以上者倍之

物產

穀屬

稻有二種

黍有二種

稷

粱

小麥

大麥

蕎麥

燕麥

豆

有七種

麻



穀 稗 藜麻

菜屬

蘿蔔 黃白二種 葫蘆 芸臺 芥 胡荽

茼蒿 苦薊 甜薊 苜蓿 薺

蕨 蔥 蒜 韭 芍苔

白菜 菠菜 龍芽 茄

蔬屬

西瓜 甜瓜 苦瓜 絲瓜 菜瓜

南瓜 北瓜 瓠子

五臺縣志

卷四

三

菜豆屬

刀豆 紫蘿帶 京蓮豆 蚕豆

野菜屬

馬齒 茨薊 灰條 木耳 天花 穀石耳

地花 菜花 羊肚 銀盤 香蕈 金莖

黃花 紅花

果屬

杏 棗 桃 李 梨 奈

胡桃 榛 紅果 林檎



藥屬

黃芪 秦艽 三瓜 木賊 蒼朮 赤白芍

木瓜 茯苓 豬苓 沙參 苦參 五味子

狼毒 紫草 知母 大黃 藜蘆 金櫻子

山查 麝香 款冬 甘草 防風 牛蒡子

黃精 扁蓄 百合 黃芩 柴胡 地骨皮

升麻 前胡 芫花 大戟 薄荷 何首烏

澤蘭 龍骨 側柏 遠志 小草 柏子仁

水蓼 車前 桔梗 旋花 半夏 蒲公英

蒼耳 萱花 卷柏 瓦松 藁本 夏枯艸

艾 茵陳 麻黃 萎蕤 茯苓 益母草

甘遂 牽牛 紫蘇 南星 貫仲 馬兜鈴

桑白皮 地膚子 馬蘭子 蛇麻子

兔絲子 酸棗仁 小茴香 五靈脂

夜明砂 墓頭回 郁李仁

花屬

葵 菊 雞冠 粉團 石竹 胭粉花

玉簪 玫瑰 水紅 鳳仙 牡丹 十樣錦



捲丹 金蓮 夏菊 百枝 鉢囊 西域蓮

玉仙 亞芙蓉

草屬

葦 蒲 浮萍 冬青

異草有三

膏薹 雞足 菩薩線

木屬

松 柏 桑 椿 槐

榆 桐 楊 楸 柳 樺

五臺縣志

卷四

四

杆 椴 柴 黃蘆

石屬

紫硯石 紫英

毛屬

麝 虎 豹 鹿 狼 狸

羊 兔 狐 獐 麇 熊

豺狼 貍 野豬 山羊

羽屬

雁 鵲 鳩 燕 黃鸝 雉



石雞 鷹 鷓 鵬 鷺 鷓雞

鴨 雀 鶉 鵲 烏鴉 杜鵑

鷺 鴛鴦 家鷄 野雞 蔥鳥 啄木鳥

虫屬

蝟 蜂 蚯蚓 螺 水蛭 斑猫

田螺 青蜓 蝶

器屬

鐵器 木器 瓦器 柳器 農器 沙器

雜用

五臺縣志

卷四

五

炭 木炭 柴薪 石灰





五臺縣志





五臺縣志 卷之五

官政志目錄 二條

秩視

縣志 循吏列傳附

五臺縣志

卷五





官政志

三代而後治術不一自邑令學博以及簿尉諸官  
概書姓氏其有功德於民者備載事蹟志官政循  
吏傳附之

秩統

郡縣肇於秦故以秦之制置始焉

令一員 尉一員 三老一人

漢

令一員 尉一員 三老一人

五臺縣志

卷五

二

孝弟力田人學官一員 武帝增置

晉

令一員 尉一員 三老一人

方畧吏一員 書吏一員

唐

令一員 尉一員 學長使一員

宋

知縣一員 尉一員 忠翊郎巡檢一員

金



知州一員 州判一員

元

達魯花赤一員 縣尹一員 尉一員

明

知縣一員 幕典史一員 巡檢一員

教諭一員 訓導一員 訓術一員

訓科一員 都綱司二員 僧會一員

道會一員

國朝

五臺縣志

卷五

三

知縣一員 典史一員 巡檢一員

教諭一員 訓導一員 都綱司一員

僧會司一員 道會一員 陰陽學一員

醫學一員

歷宦

金

知州 金以前無考

李華 事載列傳

州判



周暴 見名宦

元

劉繼明 江南人  
蘇德祿 湖廣人

呂文秀 河南杞縣人任滿籍臺

武德將軍

伯顏 丁里木丁

整理清涼軍團練節度使楊士衡 慥之猶子天資孝弟敏學

知縣

明

五臺縣志 卷五 四

矯彬 洪武十八年任  
董善 正統九年任

趙珏 賈綸

劉安 張正

楊健 潘英

張智 事載列傳  
宋孝

黃泰 王龍

王文翰 賈濟

張侃 楊奇

王文源 以上年籍無考  
劉淳 宏治元年任



楊信 宏治十年任

牛顯 順天固安人

魯達 陝西人

李承祖 陝西渭南人

楊剛 直隸薊州人

樂鏡 山東膠州人

董慶 直隸獲鹿人

王言 直隸定興人

潘輅 山東嶧縣人

魏濂 事載列傳

朱銳 事載列傳

光祖 事載列傳

劉相 順天固安舉人 執法有為

楊啓春 事載列傳

張紹芳 事載列傳

張廷鳳 直隸魏縣舉人

徐鳳 直隸懷來人 歲貢

朱廷相 直隸龍門人 歲貢

五臺縣志

卷五

五

楊維棟 直隸薊州人 歲貢

袁國詔 陝西延安人 歲貢

王勳 山東汶上舉人 法嚴心慈

崔應麟 事載列傳

康邦國 直隸深州人 歲貢

李楠 事載列傳

苗自碩 河南鈞州舉人

劉一登 河南睢州舉人

宋桐 事載列傳

張一良 直隸蠡縣舉人 清介

張至治 河南寧陵人 歲貢

張學顏 直隸興安人 歲貢

劉世芳 河南羅山人 歲貢

王允中 順天昌平舉人 修學優士

陳謙 事載列傳

常自新 河南蘭陽舉人

孫淵如

高數仞 事載列傳



包成道 陝西寧羌人歲貢 于高躍 直隸靈壽人歲貢

田戶力 成山衛人歲貢 創建縣大門磚臺鐘鼓樓 三楹

李養才 鎮番衛人歲貢 張書紳 河南信陽人歲貢

韓文煌 山東蒲臺人歲貢 梁可述 四川仁壽舉人

李天緒 河南汝縣舉人 雷應科 潞陽人

馬貢 河南信陽州舉人 傅誌 直隸靈壽人

胡天賜 王應元 河南桐柏人

杜其漸 顧文光 直隸阜平人

文運開 關中人

五臺縣志 卷五 六

國朝

何迥秀 直隸正定舉人 李子和 事載列傳

張贊 山東濟寧舉人 朱國俊 順天三河進士

吳琮 事載列傳 董以威 江西臨川舉人

惠濟 直隸安平人拔貢 夏大廷 浙江泰順人恩貢

葉自燦 浙江義烏人功貢 孟養浩 直隸萬全人歲貢

梁繼祖 事載列傳 陳恭 福建侯官人選貢 陞知州

朱永祚 山東高唐人 萬鍾 遼東人

周三進 事載列傳 康熙二十二年任以上舊志



方正琪 安徽桐城人 歲貢 康熙三十四年任

楊 曠 雲南定遠人 康熙四十八年任 丁卯舉人

陸長華 江南泰興人 職監詳辨刺麻不法 誅首惡 歲輸米麥茶油悉折色 民德之 雍正元年任

興 宗 鑲藍旗漢軍監生 守清才敏 雍正二年任

王 珩 山東濟寧州貢士 清廉明幹 雍正九年任

梁需梓 正白旗漢軍監生 公正不貪 乾隆元年任

蔣 瑄 鑲黃旗漢軍 廉貢 乾隆九年署任

陳聖敬 事載列傳 乾隆十年任

五臺縣志

卷五

周銘詒 江西鄱陽人 乙丑進士 乾隆十七年署任

衛君藩 雲南開化人 癸卯舉人 愛民恤刑 有長者風 乾隆十八年任

顧 勳 直隸天津人 雍正乙卯舉人 乾隆二十年署任

楊 樞 雲南建水人 雍正壬子舉人 乾隆二十年任

劉其體 廣東澄海人 貢生 乾隆二十五年署任

章 嵩 福建永福人 雍正乙卯舉人 乾隆二十五年署任

賴宏典 江西定南人 貢生 乾隆二十五年任

武甲登 順天密雲人 癸酉拔貢 乾隆二十九年署任

柴 綦 貴州貴筑人 丁卯舉人 守清革除考棚銀兩 有碑記 乾隆三十年任



朱濟 甘肅靈州人丁卯舉人  
乾隆三十年署任

王家正 事載列傳  
乾隆三十年任

郭廷贊 江蘇吳縣人壬申舉人  
乾隆三十六年任

李知德 甘肅靈州人貢生府經歷清廉有守承辦  
軍務不累間間乾隆四十年署任

彭由義 湖北孝感人監生  
乾隆四十一年署任

王秉節 鎮紅旗旗人丁卯舉人  
乾隆四十二年任

典史

明

李昇 事載列傳

張文

五臺縣志

卷五

八

陳善

方海

張仲文

張安

杜鸞 固安人

鄭麟 德州人

張素 臨越人

張仲滋 文安人

方君卿

王通 直隸人

賈傑

程忠

趙祥

張光普 涇陽人

陳表

龐深 胡城人

任真桂

劉志舉 平原人



魏藻

劉秉藩 陝西人

孔守業

高若孫 鳳陽人

胡其化

湖廣人

周思孝 鎮江人

郭獲

嘉喜人

陳棟 鎮江人

李維唐

國朝

孫煥

潘宏錦 浙江紹興人

馮天梓

浙江紹興人

張師孔 陝西富平人陸貴州吏目

邵作梅

浙江紹興人吏員

康熙二十八年任以上舊志

五臺縣志

卷五

九

石鍾美

江西人監生安靜平易

黃中

江西南昌人吏員

趙賓

順天三河人吏員

潘天常

安徽太平人供事

曾文之

江西瑞金人總吏

李紳麟

江寧高淳人吏員

曾文之

乾隆十三年任

鄭

鑲白旗漢軍監生

董邦畿

浙江仁和人監生

乾隆二十六年任告病去



齊眉 江蘇儀徵人監生 乾隆三十六年任

董南里 江蘇陽湖人監生 乾隆四十一年署任

董邦畿 乾隆四十年復任 杜杰 浙江仁和人乾隆四十三年署任

姚景廉 順天大興人 乾隆四十四年任

巡檢 舊設高洪口乾隆七年奉文移駐臺懷鎮

主育德 余鶴正

吳裕光 劉士奇

劉貞 紀文燦

王濟 浙江杭州人 以上舊志 徐宏熊 蘇州吳縣人吏員 康熙三十五年任

五臺縣志 卷五 十

李席珍 陝西華陰人吏員 康熙四十四年任

朱武德 直隸房山人吏員 康熙六十一年任

趙輔陞 浙江錢塘人吏員 雍正五年任

孫蘭言 順天宛平人吏員 乾隆十二年任

曹瑗 浙江海鹽人吏員 乾隆二十年任

李霖 江蘇陽湖人供事 乾隆二十六年任

楊光旦 順天大興人監生寄籍四川晉池 乾隆四十年任

王鍾耀 河南永城人 乾隆四十四年任

教諭



明

翼執中 山東成縣人

劉傑 直隸獻縣人

顧章 江南華亭人

張鐸 山東平度人

王大略 山東濟南人

劉卿 河南鄭州人

溫玉 陝西人

石瑁 河南人

胡雲霄 山東嶧縣人

黃鉞 直隸興濟人

王旗 山東武定人

張鸞 陝西清澗人

曹廷璽

張欽 直隸故城人

劉乾 保安衛人

霍自新 馬邑人

五臺縣志 卷五

龍 岷州衛人

甯尚德 太醫院

郭錦 左衛人

王忠顯 事載列傳

盛名揚 順天灤縣人

吳行可 臨汾舉人

石應魁 直隸獲鹿舉人

張文翼 絳縣人 選貢

安承散 直隸栢鄉人

國朝

章時雨 事載列傳

趙育溥 沁水舉人 陞 常熟知縣

景謙 安邑人 選貢 陞知縣

姬譚 高平人 貢士 事母篤孝 教勵學校 一時人才蔚起 文廟地震 祀與知縣 周三進 捐構



修治經書尤多以才異薦陞江南來安知縣以上舊志

出公玉 陞陽和南山衛教授

路于王 安邑人歲貢康熙四十四年任

張 楷 康熙五十年任

祝國祺 臨汾人歲貢康熙五十二年任

主 瀚 事載列傳雍正三年任

張天錫 榆次舉人雍正九年任

趙文晟 忻州舉人品正課勤後成進士授知縣乾隆二年任

劉國璋 太平人副榜乾隆二十二年任

王兆鵬 事載列傳乾隆十八年任

平 梓 壺關舉人乾隆三十年任

賈可全 太谷人恩貢乾隆三十年任

郝仲良 臨汾舉人

訓導

明

五臺縣志

卷五

士

齊 亨

郝仲良 臨汾舉人

張 班

劉 質 江西萬安人

韓 竑 直隸雄縣人

李永吉 直隸邯鄲人

蔡 玉 河南安陽人

解友誠 河南信陽人

燕 能 河南歸德人

陳 鳳 直隸樂城人

鄧惟清 直隸藁城人

白世恩 陝西清澗人

王大道 直隸行臺人

郭自新 山東嘉祥人

王應魁 陝西興平人

吳汝遜 朔州人

張有執 河南川陰人

左 灝 汾州府人



王應選 河南洛陽人

陳民愚 吉州人

王道正 終州人

杜淳 臨晉人

韓珮 蒲州人 拔貢

國朝

李嘉會

李燦 沁水人

卽印昌 山陰人

任瑛

侯璿

劉景昌 朔州人

崔儒燭

賈煒

李明信

陳振瑛 澤州人

五臺縣志

卷五

三

楊荃

蒲州人 以上舊志

孫興宗

應州人 歲貢康熙三十八年任

李志元

安邑人 歲貢康熙四十年任

牛錫疇

澤州府人 歲貢康熙四十五年任

王朴

芮城人 歲貢康熙五十一年任

孫起鵬

威遠人 歲貢康熙五十六年任

盧標

朔州人 歲貢雍正三年任

鄭屏周

鄉寧人 歲貢雍正八年任

董大鵬

徐溝人 歲貢乾隆五年任

鄭經

儒關人 歲貢乾隆七年任

成纘

崞縣訓導 乾隆十八年署任

梁柱

右玉人 歲貢乾隆二十年任

周遠

浮山人 歲貢乾隆二十三年任

雷助薄

孝義人 歲貢乾隆二十六年任

秦觀光

徐溝人 歲貢乾隆三十一年任

張四美

樂平舉人 乾隆三十五年任

楊伯槐

忻州舉人 乾隆三十九年任

李登瀛

漪氏舉人 乾隆三十九年任



姬夢麟 鳳臺人 歲貢 乾隆三十九年任

本城把總 雍正八年設駐防

右順 應州人 雍正七年任  
馬洪耀 陽高人 乾隆六年任

周光宗 代州人 乾隆二十八年任  
杜統轄 太同縣人 乾隆三十一年任

主安 大同縣人 乾隆四十二年任

豆村鎮營把總 雍正十年設立衙署

董正 大同府人 康熙四十二年任  
趙成德 大同縣人 雍正三年任

張繼齡 大同縣人 雍正六年任  
任麟 大同縣人 乾隆四年任

張玉柱 陽曲人 乾隆十四年任  
董錦 大同縣人 乾隆二十五年任

五臺縣志 卷五 十四

郭廷秀 大同縣人 乾隆三十九年任

臺懷鎮營把總

李威 大同縣人 康熙三十五年任  
次卿 大同縣人 康熙五十四年任

劉定元 大同縣人 雍正七年任  
龐起明 大同縣人 雍正十二年任

夏聯甲 大同縣人 乾隆二年任  
馮德 大同縣人 乾隆十二年任

張發祥 大同縣人 乾隆十七年任  
田永恆 天鎮人 乾隆二十七年任

哈蘭泰 鑲藍旗人 乾隆三十二年任  
朱龍阿 大同府人 乾隆三十九年任

姜調元 大同縣人 乾隆四十年任

金剛庫營千總 康熙五十二年移駐



秦信 穆虎口人山行伍 康熙五十二年任

次卿 大同縣人 雍正七年任

營林 河曲人 乾隆十年任

趙國瓚 玉田人 乾隆二十四年任

田永恆 天鎮人 乾隆三十二年任

外委 史秉公 大同縣人 乾隆三十二年任

侯三光 代州人 雍正七年任

白道 靈邱人 乾隆二十八年任

陳起 靈邱人 乾隆四十年任

施存仁 左雲人 乾隆十九年任

鄧培玉 繁峙人 乾隆三十三年任

都綱司

五臺縣志 卷五 五

國朝

滿清 勝愈

眞福 滿潤

滿國 性善

照成 康熙年 普緣 雍正五年

照珍 乾隆六年 通仁 乾隆十五年

道雲 乾隆三十三年 海堯 乾隆二十五年

副



清孝 康熙

清業 康熙五十七年

淨函 雍正十三年

清祿 乾隆十三年

清映 乾隆二十二年

德財 乾隆四十一年

訓術

國朝

杜國宰

邊藻德

陳進福

王文正

趙家讓

雍正元年

楊大亨

雍正十年

王世宣

乾隆五年

曲希哲

乾隆三十九年

五臺縣志

卷五

六

醫學

國朝

鄭璜

雍正元年

閻壽康

雍正八年

李紹晉

雍正十年

劉嗣蕃

乾隆五年

徐景曾

乾隆四十二年

僧會司

國朝

通貫

雍正元年

慧文

雍正三年

法璫

雍正十年

照庚

雍正十三年



照澗 乾隆元年

通萬 乾隆五年

德淨 乾隆八年

普順 乾隆十六年

寬月 乾隆二十一年

界陘 乾隆二十三年

通勝 乾隆四十一年

道會司

國朝

王足澄 雍正元年

侯宗信 雍正十年

趙崇福 乾隆六年

武自慎 乾隆三十七年

循吏列傳

五臺縣志

卷五

志

李華河南河津人由進士為政憫悌興利除害凡事務存大體不尚苛刻累擢參知政事至順二年入祀名宦

張智陝西整屋人由貢士任臺九年多所建創先是城基狹隘公西拓恢廓即縣治公善學宮壇壝廟宇次第鼎新政舉民安大有治聲

魏濂山東鉅野人由歲貢重修縣治立法嚴明守提人不敢近縣驛擾

朱銳山東濟河人明之宗室也扶弱抑強廉明



爲陞代州知州後告歸臺民留居三年

光祖河南信陽人耿介清廉始終勤慎增修

文廟學宮刻貪廉二箴於杏壇碑後以自警因以示後  
各廟爐鼎祭器案棹皆其所製

楊啓春陝西狄道人由舉人惠民愛士令行化達  
陞戶部主事去之日百姓攀轅數百里

張縉芳陝西鄜縣人由舉人多所創建而民忘其  
勞善於撫字而政尤卓立興滯振敝清稅濟渠迄  
今稱治績者必曰張君見祀名宦

五臺縣志

卷五

六

崔應麟直隸獲鹿人由進士資性聰敏臨事通變  
廉直不受私謁懲大奸寬小過禮賢下士賦役均  
平見祀名宦

李楠河南許州人由舉人廉潔鯁介舉飭政務重  
修東西廡秩未滿調去民情惜之

宋桐山東平原人由舉人廉明有爲勤節自謹陞  
保安知州行之日有趙清獻聚鶴之風

陳謙直隸蠡縣人由舉人政事練達催科有方振  
修學校獎拔士類秩滿陞太原通判



高數仞陝西寶雞人由舉人秉心清約爲人長厚  
修廓城垣民不勞力秩滿陞潞安通判

李子和順天大興人由舉人時值鼎革之秋乃加  
意撫循諭村落舍舊圖新民以就業見臺庠久不  
發軔乃建文昌閣於縣治之東日進諸生講說不  
倦陞陞河南道士民懷之爲立生祠於文昌宮內  
吳瑛嘉興籍浙江紹興人由貢士蒞任之始卽值  
姜寇圍城經年孤力拒守克保全城閭邑士民莫  
不感之

五臺縣志

卷五

九

梁繼祖遼東義州人由舉人任臺十年廉關自飭  
增戶口廣開墾修城垣整衙宇康熙九年秋八月  
穀熟一莖四穗士民歌咏咸稱德政所孚

周二進淮安山陽人由選貢清廉公正愷悌爲懷  
下車之始當地震後安定撫綏備極苦心興利除  
無微不至北門外河水浸城下爲患二十餘年公  
命築堤岸禦之工甫興忽夜雨河水自東民以爲  
仁政之感

陳聖敬廣西鬱林人癸卯舉人持身廉潔悃悃



率兩辦

皇差宣德達情開闢安堵赴臺力作者除日發夫價外仍各給食米一升民樂供役後陞四川知州

王家正貴州貴陽人戊午舉人在任六載周知民隱督修城工甃石三層護堤外種柳數千株人呼爲王公柳歲早步禱甘霖立霑就明倫堂爲書院捐俸延師里民有訟者置店簿按簿而稽庭無留獄自奉甚薄日不再食肉一易終任不易朱藩憲曰若王令者可謂儉以助廉矣

五臺縣志

卷五

二十

李昇陝西藍屋人爲臺尉清幹愛民時霜殺禾昇奏求賑上司轉委勸捐不實欲置之罪昇悠然自得畧無怨望意曰爲民獲罪吾何憾焉耆庶連狀上訴蒙宥復職

王忠顯澤州人以解元爲臺教諭宏才博學高致雅量集多士於號舍教誨不倦自此科目多人矣歷陞平涼知府

章時雨順天宛平人出拔貢任邑教諭好謀善斷值兵變圍城與邑令吳公同心捍禦保全孤城後




陞江西都昌縣知縣

王瀚猗氏人由副貢任邑教諭問學淵源雅善作  
詩書雍正己酉壬子間科目稱盛迄今士子粗有傳  
授皆其遺澤云

王兆鵬汾陽人丁卯舉人任邑教諭甫蒞任見  
文廟傾圮慨然以修理爲己任勸捐興工不辭泥瘁殿  
宇煥然一新士子貧乏者悉爲飲助實心訓課時  
登科目者多人







五臺縣志 卷之六

選舉志目錄計九條

進士

舉人

恩拔歲副

薦辟

武科

武職

例貢

五臺縣志

卷六

雜職

賓書



選舉志

隋設進士科歷代因之而鄉舉里選之法以廢若薦舉若辟召則猶古選舉遺意我

國家科目而外羅才之道日廣臺雖僻邑文武兩

途人才蔚起自恩拔歲副以及議叙佐雜凡章服

所在皆草野光也志選舉實者附

進士

金

楊 健

永安五年進士任戶部尚書見名宦

五臺縣志

卷六

二

張大節

大德三年進士歷官戶部侍郎見鄉賢

張岩叟

大節子大定十九年進士歷官刑部侍郎太常卿國子監祭酒

聶天驥

至寧六年進士任京兆治中兵部尚書掌六部事見鄉賢

張伯豪

天驥婿

李 鐸

歷官禮部尚書

元

高 選

太和元年進士

劉揚盛

元統三年進士

劉 行

元統三年進士

明

田敏道

洪武年間歷任湖廣按察司副使



齊麟 洪武乙丑二甲一名與狀元黃子澄探花棟子寧齊名歷任禮部左侍郎

解璿 永樂辛丑科 王源 宏治己未科

胡偉 正德甲戌科任戶部主事 施重光 萬歷辛丑科

國朝

楊瓊枝 康熙丙辰科

鄭三 康熙戊戌科任翰林院檢討

梁明德 雍正癸丑科任福建總化縣知縣

鄭王弼 乾隆丙辰科任江南婁縣知縣 鄭克勤 邑有德政歌

武維揚 乾隆丁巳科任寧武府教授 史天顯 乾隆丁巳科任蒲州府教授

五臺縣志 卷六 三

田甘雨 乾隆壬戌科任江南江浦縣知縣

王作哲 乾隆戊辰科任直隸內邱縣知縣改平陽府教授質直善訓誨

劉溥元 乾隆己丑科

舉人

元

劉繼祖 至元五年 劉貞 至寧三年

劉公哲 魏榆

孟仲徽 王進之

明



傅汝霖 洪武壬午科

劉復初 洪武壬午科

薛勛 洪武壬午科

郭守一 洪武壬午科

馬駿 永樂甲午科

白瑄 永樂癸卯科

白善 正統丁卯科任伏

楊誠 景泰癸酉科

康進 成化己卯科任

張祥 成化己卯科

張籽 成化己酉科任

張儒 成化丁酉科

劉潔 成化癸卯科

鄭鑾 嘉靖辛卯科

張彌綸 嘉靖辛卯科任

關潛 萬曆癸酉科亞魁

智幾先 萬曆戊子科兩

五臺縣志

卷六

四

楊茂材 萬曆辛卯科復姓

楊夢弼 萬曆庚子科任

姚一讓 萬曆癸卯科歷任

盧鴻鳴 萬曆壬子科復姓鄭更名

楊仰山 萬曆乙卯科

國朝

張燠 順治辛卯科

楊瓊枝 順治庚子科

閻襄 康熙壬子科天資

殷日序 康熙丙子科

史簪 康熙己卯科任廣

劉子橋 康熙己卯科任廣 王倫五 康熙己卯科



鄭士檀

康熙壬午科

鄭

疇

康熙壬午科

盧敬業

康熙戊子科任偏關訓導老成朴實

趙金章

康熙辛卯科任陝西華陰縣知縣

趙龍章

康熙辛卯科

尚清寬

康熙辛卯科任山東黃縣知縣

楊際雲

康熙辛卯科任雲南浪穹縣知縣

趙靈鳳

康熙癸巳科

張厚載

康熙癸巳科任江南婺源縣知縣

趙之璽

康熙癸巳科任江南富安場鹽大使

史範

康熙癸巳科

趙鳴鳳

雍正甲辰科

鄭廷弼

雍正丙午科任右玉縣教諭

鄭廷璣

雍正丙午科任江南建德縣知縣改東昌府經歷

五臺縣志

卷六

五

張瞻

雍正壬子科事母孝長于詩

曲綽音

雍正壬子科任陽曲縣教諭

曲徽音

雍正壬子科任絳縣教諭選東安縣官病

梁明德

雍正壬子科

鄭王弼

雍正壬子科

武維揚

雍正壬子科

劉成庵

雍正己酉科事母孝好讀書

王作哲

雍正己酉科

曲盡直

雍正乙卯科任高平縣教諭

王作謀

雍正乙卯科任沁州學正

史天顯

乾隆丙辰科

田甘雨

乾隆丙辰科

王式璽

乾隆戊午科任吉州學正四十年舉鄉飲大賓

梁璿

乾隆戊午科任陽城縣教諭

王大烈

乾隆辛酉科



曲源崙 乾隆辛酉科任陝西懷遠縣知縣 張孝友 乾隆庚午科任解州學正

張子屏 乾隆丙子科由福建試用知縣改永濟縣教諭

謝元暉 乾隆丙子科

徐敬儒 乾隆己卯科任直隸永定河南岸同知

曲續韶 乾隆庚辰科 曲肅 乾隆乙酉科

劉溥元 乾隆戊子科 鄭性善 乾隆戊子科

劉鉞升 乾隆庚寅科 史耀文 乾隆己亥科

恩拔歲貢

明

五臺縣志 卷六 六

陳澍 任工科給事中 薛彥庸 任刑部主事

李昇 任應天府推官 解善 任刑科給事中

盧英 任紹興府推官 田禮 任監察御史

邱惟中 閻端 任溧水縣知縣

陝通 任主簿 李善 任房山縣知縣

席珍 任經歷 白時清 任引禮

曲曇 楊勉 任衛輝府照磨

趙亨 任縣丞 王賢

肅春 高翰



白圭

夏威

任威

馬賢

楊緒

任饒陽縣訓導

解善

任鄆縣主簿

韓讓

衛衡

任環縣訓導

白福

任引禮

師濟

任蒲臺縣知縣

楊新

任秦州州判

白英

任寶雞縣丞

白演

任縣丞

楊輝

任慶陽府訓導

王繪

任蓋屋縣知縣

楊璧

任雲南經歷

出傑

任薊州州判

楊淵

任曲周縣主簿

五原縣志

卷六

七

高平

劉澹

任固安縣丞

劉珩

任寧州知州

王思永

任蓬萊縣主簿

陳鳴

任鉅野縣知縣

劉璣

任主簿

王時中

白維

任杭州府照磨

張鳳

任彰德縣丞

白瓚

任平山縣教諭

白葵

任興化縣丞

高璋

任通渭縣知縣

鄭行簡

任長山縣主簿

智雷

任泗水縣丞

陝潔

任中部縣丞

王拱極

任青州府照磨

高士攀

楊一輝

任遼海衛經歷



張智

任鄆縣教諭

閻銳

任平海縣丞

鄭守清

任永康縣教諭

陳昌言

解汝淮

任衛經歷

解汝清

楊世豪

任丹山衛教授

鄭潮

姚舜德

任廣寧衛教授  
以遷才署寧夏

巡撫  
八月

徐璽山

安朝珪

白珩

任河州學正

白煥

任平涼府訓導

張如綸

任歸德府教授

白燦

任同官縣訓導

陳正學

任餘杭縣主簿

五臺縣志

卷六

八

白奎光

任滎陽縣丞

王佃

楊宗仁

任鉅野縣教諭

劉惠

任樂城縣訓導

曲成學

任國子監正字

張賢

任岳陽縣教諭

安朝璜

任武強縣訓導

王仕進

鄭畏天

任同官縣主簿

鄭事天

任監正

鄭戴天

安朝璿

任恩縣丞

徐鏞

任武鄉縣教諭

胡乾

高徹

任靈臺縣知縣

張蘊道

任清化同知

羅三省

任沁州訓導

羅三變



高擢 任河州學正

張子明 任聞喜縣訓導

徐鎮

任保德縣知縣

韓子陽

任宜川縣主簿

田龍

任保德縣知縣

徐立

任商南縣教諭

胡應祥

任浮梁縣主簿

姚一貫

任沙河縣教諭

張科

任大名府教諭

白清

鄭子慶

徐一貫

白光遠

曲應麒

有功陞中部知縣辭不受再遷寶雞教諭

楊起元

任河津訓導 伊川訓導 城守

張鏞

任武沂縣知縣

徐養蒙

五臺縣志 卷六

九

楊本隆

任經歷

楊希震

劉明顯

劉宏基

任訓導

孟金聲

張錡

胡向化

任長子縣教諭

董國柱

張其綱

傳載隱逸

徐桂芳

楊景芳

王元輔

任臨汾縣教諭

鄭士樟

復姓聞見鄉賢

姚之澤

任汾陽縣教諭

鄭森

楊一新

國朝



姚之淵 任清水縣知縣 張五美 任太平縣教諭

楊之藻 任曲沃縣訓導 王奕葉 任襄垣縣訓導

胡宗化 任高平縣訓導 王運元 任海陽縣知縣  
陞浙江清吏司

主事 王運隆 任長安縣知縣

張鶴譽 張謨

劉銳 任廣昌縣教諭 劉清

張宏猷 楊秀山

楊鼎亨 張志廣 任偏頭所訓導

宋德澄 任鄉寧縣訓導 楊雲霄

五臺縣志 卷六 士

張淑修 師淑尼

張煒 楊鳴鶴

曲爾昌 楊維棟

張毓泰 鄭斌選

鄭士栻 張繩

呂王佐 陳之美

閻佑禧 張宏志 功貢

高居相

副榜



盧譽 康熙壬午科任

王繪龍 康熙癸巳科 以詩文著

張絜 康熙丁酉科能詩

王司華 康熙庚子科

據貢

張晔 雍正十二年高尚好學成全後進

張璧 乾隆六年

張昭 乾隆十七年

恩貢

田京生 康熙四十八年

白敦素 雍正元年

安裕 乾隆元年

曲元音 乾隆十五年

鄭快祖 乾隆十七年 方正善誘掖

劉緻修 乾隆二十七年

臺縣志

卷六

十一

徐公康 乾隆三十七年

歲貢

徐養鴻 張論

閻立 王徽五

張九經 鄭士檀

盧嘉言 張肇修

王淑五 王德五

王雲五 張燿

史成章 張紘



周贊成

王永齡

田苑生

曲而直

任平順縣訓導  
雍正二年舉賢

長方正學醇養  
深善為啓迪

張蘊

劉堯裔

王琢

穆鍾秀

劉堯本

任陽曲縣訓導

張澄

任沁水縣訓導

王援

劉鳳都

劉敬修

楊震青

孟紹祖

史以直

張中孚

五臺縣志

卷六

十三

孟繩祖

任毅山縣訓導

王昇

張杏壇

曲順受

劉焜

劉子固

徐公藝

白樂清

張凌雲

董百祥

王吉士

鄭敷政

張肇基

薦錄

明



田載

洪武初人恬退侯實有古人風度常隱於家太祖朝以才器擢為雲南監察御史建文時罷歸成祖復名用之辭以老病勅賜冠帶燕賞以歸居鄉被服常如布衣人往往莫識為宦達也

國朝

主公羅

吏部清吏考功司郎中

武甲

明

王英武

歷任參將

國朝

五臺縣志

卷六

三

楊耀祖

康熙癸卯科解元甲辰科進士歷任安慶府遊擊

武科

明

趙鑿

萬曆癸酉己卯兩科

張喬

萬曆己卯戊子兩科

羅其弼

國朝

徐騰芳

任六安衛千總加守備

張爾裕

王公欽

康熙丙午科

王業昂

康熙己酉科

張懷烈

康熙甲子科

尚清敏

康熙甲午科



鄧愷 乾隆辛酉科

盧廷揚 乾隆辛酉科任直隸河曲灣千總

安從泗 乾隆辛酉科 劉祖秀 乾隆甲子科

岳鳴鸞 乾隆甲子科任河南千總 張中正 乾隆丁卯科

張振先 乾隆庚午科 高雲璈 乾隆庚辰科

張鳳鳴 乾隆戊子科 楊桂林 乾隆癸卯科

武職

國朝

高鼎 任四川總兵 王福洪 任杭州府都司

五臺縣志 卷六

杜加榮 任福州府守備 王公璽 任千總

鄭茂全 任垣曲縣千總 武寅 任平陽鎮標千總

營把總 鎮國 功加千總

周廷相 由運糧千總陞江南淮安府大河

馮蘭 任平陽營守備 陞蒲河都司

例貢

明

安瑄 任夏邑縣丞 陳福 任鴻臚寺序班

陳廷珏 陳廷瑩



陳廷珪 任主簿

王幹中 任河南府經歷

陳玠

王璽

王拱陽

張廷智 任臨朐縣主簿

楊謙

安廷珪 任臨朐縣主簿

劉蒞

張鴻 任典儀

白永言 任典儀

劉廷拱 任同官縣主簿

史葵 任渭南縣丞

胡炳

安英

王鑛

王時周

安芹

五臺縣志 卷六

五

安應光

徐鎧

徐錦 任扶風縣主簿

史萬卷

邊承命

邊承誥

楊進芳

智長庚

王玉葉 任葉縣丞

國朝

王葵

王績

王時

史傳是 候遼州同

王運光

王運五



王韓五

楊沃若

曲抗宗

安調

張壘

張于衡

雜職

明

楊鏗

任澤州吏目

楊郁

任大史吏目

楊芳

任汝州吏目

盧萃

任檢校

白繪

任濟南檢校

盧潤

任邠州吏目

唐姿

任湖廣吏目

劉廷瑄

任蘄州吏目

五亭縣志

卷六

去

白玉光

任寧州吏目

史萬言

任邠州吏目

陳心學

任泰安州吏目

國朝

白邦

陳所彙

王節

浙江錢塘籍

李林魁

州同職銜

韓九徵

州同職銜

楊在陽

州同職銜

徐彥容

考授吏目職銜

張肇新

考授吏目職銜

李永恆

考授主簿

寶齊



大賓 王式璽 見舉人 曲徽音 見舉人 王吉士 見貢生

介賓 劉成望 趙毓枚 白紹先

齊賓 周鳳音 趙騰雲 張永順

五臺縣志

卷六

七



五臺縣志 卷之七

人物志目錄 計五條

鄉賢 名臣 儒林 隱逸附

封廕

孝行

貞烈

耆善 義民附

五臺縣志 卷七



人物志

名山清淑之氣鍾於人往往有矯矯不羣者名當時而傳後世臺邑自昔德業之士或贊襄盛世或表正一方或文事懋績或武功効死抑何盛也至於家庭敦篤人無間言鄉鄰睦婣與物無忤以及山棲泉隱者流如修竹之娟好幽蘭之芬芳焉而且巾幗之手矢死靡他以視古奇男子烈丈夫而無愧纓載於冊是豈不足以風乎志人物

鄉賢

五臺縣志

卷七

二

金

張大節字信之代州五臺人擢天德三年進士第調崞縣丞改東京市令世宗判留務甚愛重之海陵修汴京以大節領其役世宗改元於遼東或勸赴之富貴可一朝遂大節曰自有定分何遽爾隨例補尚書省令史擢秘書郎大理司直會左警巡使闕世宗謂宰臣曰朕得其人矣遂授大節俄以杖殺豪民爲有司所劾削一階解職未幾授同知州防禦使事入爲太府丞工部員外郎盧溝水壩



安次承詔護視堤城攬修內司使推排東京路戶籍籍人服其平進工部郎中時阜通監鑄錢法弊與吏部員外郎麻珪泣其事積銅皆竄惡或欲徵民先所給直大節曰此有司受納之過民何與焉以其事聞卒得免徵就改戶部郎中定襄退吏誣縣民匿銅者十八村大節廉得其實抵吏罪民斷石頌之名授工部侍郎改戶部世宗東巡徙太府監諭之曰侍郎與太府監品同以從行支應籍卿辦直壽爲宋生日使還授橫海軍節度使過關謁謝

東宮頌宗撫慰良久曰萬事惟中可也因勝其堂曰惟中郡境有巨盜久不獲大節以方畧擒之彼河決於衛橫流而東滄境有九河故道大節即相宜繕堤外水爲害章宗卽位擢中都路都轉運使因言河東賦重宜減議者或不同大節以他路田賦貸之遂命減焉乞致仕不許徙知太原府以并代郡郡故優寵之近郭有男子被殺者聞其妻哭聲不哀召而審之果爲姦夫所殺人以爲神西山有晉叔虞祠舊以施錢輸公使庫大節還其廟以



給營繕選授河東路提刑使未赴留知大興府事  
治有能自閩歲移知廣寧府復請老授震武軍節  
度使部有銀治有司以爲爭盜由此生時河東西  
京提刑與州同議皆以官轄爲便大節曰山澤  
之利膏鹽民共且貧而無業者雖嚴刑能禁其竊  
取乎宜開墾民授地輸課則其游手者有所資於  
官亦便上奏其議是年復乞致仕許之仍擢其子  
尚書刑部員外郎巖變爲忻州刺史以便祿養承  
安五年卒年八十大節素廉勤好學能勵勉後進

五臺縣志

卷七

四

自以得學於任侗待侗子如親而加厚又善奕碁  
當世推爲第一嘗被召與禮部尙書張景仁奕世  
未嘗謂宰臣曰人多稱王脩能官以朕觀之凡事  
不肯盡心一老姦耳張大節賦性剛直果於從政  
遠在之儻之上惜乎用之太晚又屢語近臣曰某  
某非才幹然不及張大節忠實也其見知如此太

原名世

見金史

尋天德字元吉五臺人至寧元年進士調汝陰簿  
歷睢州司候封卽令與定初辟爲尙書省令史時



胥吏擅威士人徃徃附之獨天驥不少假借彼亦不能害也尋授吏部主事權監察御史夏使賀正旦互市於會同館外戚有身貿易於其間者天驥上章曰太官近利失朝廷體且取輕外方遂忤太后旨出爲同知汝州防禦使事未赴陝西行尙書省驛召特旨遷領金安軍節度副使兼行尙書省都事未幾入爲右司員外郎轉京兆治中尋爲衛州行尙書六部事慶陽圍急朝廷遣宿州總帥牙古塔救之以天驥充經歷官圍解從別帥守邠帥

五臺縣志

卷七

五

欲棄州而東天驥力勸止之不從帥坐是被繫遼天驥降東兆治中尋有訟其寃者卽召爲開封僉事旬月復右司員外郎丁母憂未卒哭奪哀復職哀宗遷歸德天驥留汴中崔立變天驥被創甚卧一十餘日其女舜英謁醫救療天驥嘆曰吾幸得死兒女嘗乃爲謁醫尙欲我活耶竟鬱鬱以死舜英葬其父明日亦自縊有傳天驥沉靜寡言不妄交起於田畝能以雅道自將踐歷臺省若素宦然諸人多自以爲不及也

見金史



明

王源宏治己未進士任刑部主事累陞四川按察司僉事正德六年流賊猖獗公提兵營山禦之賊敗夜半僞充官兵誑開城門遂僭號公抗節罵賊身被十餘鎗而死事聞上嘉其忠節贈按察使廕子世襲振武衛百戶建坊旌表贊曰蚤顯文明素孚忠節孤城守禦大節克全擬之張許忠烈無二安瑄由例貢任開封府夏邑縣丞正德七年流賊入境多方捍禦城守不支爲賊所獲仗義罵賊遇

五臺縣志

卷七

六

害事聞上加其忠義贈開封知府蔭子安節入監見河南忠臣錄贊曰明以折獄忠以濟變大節克全卓哉屏翰

姚一讓萬歷癸卯鄉薦任知縣累陞陝西隴右道公任刑部時欽差山東恤刑民無疑獄任秦城流賊重圍攻困半載極力拒守保全危城卒詔入祀鄉賢公服官爲國爲民居鄉稱孝稱弟勲猷懋著功績宏昭

張蘊道由貢士任知縣政聲丕著陞通判運糧紅







今更拜監察御史侍御史西京大農司丞京南司  
農卿京師侍郎權尚書目入戶曹卽有相望資雅  
重事無鉅細處之皆有法至於知朝廷大體則又  
非他人所能及也京城受兵權參知政事明年卒  
於河平

明

楊夢鸞萬歷庚子鄉進士初任浙川飛蝗遍野處  
處罹災公虔誠祭禱蝗不入境時荏苒盜起公親  
詣賊寨諭以順逆賊衆拜服解散終爲良民調繁

五臺縣志

卷七

八

榮澤有巨憝祝布者惡同軹解官民驚怖卽時擒  
獲處死闔境稱快其異政奇判詳載思碑陞陝西  
鞏昌同知中州撫按交疏懇留士民詣闕借寇遂  
改授開封同知本府儀封王所爲不軌公與撫按  
議奏撫按難之公遂大言曰讀聖賢書所學何事  
孔子墮三都強公室也今強藩不法安忍坐視遂  
詣闕陳情王懼遺金十萬卽將原金解奏詔削王  
籍爲庶人名震中州人有小包公之稱焉神宗親  
書御屏曰天下清官第二員勅書褒美丁父喪



親築堊壘三年之內形毀骨立竟以哀毀踰制卒  
開封士民申請入名宦

儒林

金

巖叟字孟弼大節子也大定十九年進士調葭州  
同候判官再除雄州觀察判官補尚書省令史除  
大理評事再遷監察御史同知河東北路轉運使  
事中都路都轉運副使刑部員外郎忻州刺史以  
父憂去官起復大理少卿河北東西大名等路按

五臺縣志

卷七

九

察轉運副使累遷刑部侍郎兼夔王傳大常卿兼  
國子祭酒大安三年朝廷欲塞諸城門以爲兵備  
集三品官議於尚書省巖叟曰塞門所以受兵是  
任城而不任門人莫若遣兵擇將背城疾戰時議  
多之除鎮西軍節度使務定國軍貞祐二年改昭  
義復移沁南逾年按察司言其老不任邊要乃致  
仕退寓洛陽卒

明

齊麟洪武乙丑殿試二甲首名與狀元黃子澄探



花練子寧齊名并入翰林編修累陞禮部左侍郎  
首開文明氣運世傳理學名臣四方士大夫咸宗  
師之

國朝

張燾字孔昭登順治辛卯鄉薦有至行嗜讀書淹  
於經史而不求章句居常一坐臥間凝然如有所  
對與人溫恭不懈所著有五芝堂集十卷家貧自  
娛不求聞達隱居龍池四方學者稱龍池先生焉  
曲于宜邑廩生孝友端方遠近欽重爲學主敬潛

宜邑縣志

卷七

十

心性學尤得力於近思錄博學多文名冠三晉嘗  
見許於高文宗孫文定公乃始終未遇以青衿老  
命矣夫

隱逸

金

張永通大節之祖宋鄉學生舉鄉薦友睦兄弟田  
宅悉以推之鄰有寄筭毫無所動試進士稿就未  
成眞忽目眩不能書有欲爲之代者不許曰予之  
忽不能視乃天之所以示懲也代之則欺君以欺



天矣得第何爲遠無意仕進翰林蘇珊銘其墓曰  
功名糠粃富貴浮雲宗族稱友鄉黨稱仁  
王敏夫好學篤行尤工詩賦爲時推重累徵不起  
教授鄉閭遠近名儒悉宗之

元

劉揚勝

劉行

劉繼祖

劉貞

劉氏自唐末以來世居紅標村劉揚勝劉行俱元  
統三年進士適世亂遂隱晦不仕劉繼祖至元五

五臺縣志

卷七

士

年鄉薦劉貞至寧三年鄉薦篤信好學有聲州里  
天興間元師南進民皆潰亂逃竄惟劉氏父子固  
守田園迺謂鄉人曰爲臣死忠爲子死孝汝等慎  
勿輕棄墳墓若有乏食當取給於吾家一鄉之人  
賴以圖存

明

解濬學博才宏文優行篤登永樂辛丑進士傳臚  
畢歸鄉省親雅意好修澹泊自如終身不願仕進  
遠邇服其高致



楊一輝鐸之孫任遼東衛經歷鯁介清廉不事邊  
迎指揮黃貢遺金三百兩堅卻不受遂自言曰賄  
賂公行時事可知矣乃棄官歸不見邑宰不請託  
私事之由奉親優游林下

鄭那彦居青山下秉心質直操修端潔博通今古  
不樂仕進常言異端害正佛氏爲最戒訓闔族力  
闡沙門教訓三子俱登仕籍至今鄭氏不信用浮  
屠法

張其綱字子立明崇正丙子歲貢嚴正好義動必

五臺縣志 卷七

三

以禮築館延師教四方之讀書無力者行路困乏  
及釋道投其門設院優養行有遺贖時雁門盜發  
剽掠至公里家人告之曰吾主人田舍家所有惟  
粟菽然已散之鄉里矣盜相顧引去公卒鄉人悲  
號流涕題其墓曰古君子

楊籠字擢虜邑洋生仁厚孝友博通經史值明季  
不樂仕進以五經教授生徒臺士無業麟經者令  
其子鳴鶴徒鄭斌選等同業是經爲之銓解經傳  
大旨且曰春秋乃聖人不得已之作余命汝等業



是經亦余不得已之心也世歷峯山人稱峯山先生

生

國朝

鄭斌選字憲臺康熙壬戌選貢少孤事母孝工詩

賦家居教授生徒成就者衆捐館後遠近聞者莫

不流涕

封廕

明

馬駿

考績為最

楊

杞

以子夢弼貴

五臺縣志

卷七

三

封府同知

王

源

以公守節死職勅贈按察使

姚汝光

以子一讓貴封奉議大夫陝西隴道僉事

安瑄

任商邑縣丞死職勅贈開封府通判

張子英

以子蘊道貴贈大夫河南彰

德府同知

胡

通

累立戰功封指揮同知

國朝

王之翰

以子公維貴封奉政大夫兵部武選司郎中

姚一簡

以子之淵官贈文林郎陝西鞏昌府清水縣知縣

王槐秀

以子運元官贈文林郎廣東潮州府海陽縣知縣

徐賜祿

以孫敬儒貴贈奉政大夫直隸永定河南岸同知



徐天叙 邑庠生以子敬備貴  
贈奉政大夫永定河南岸同知居心正直和睦鄉里

盧嘉言 以子盧譽官  
贈修職郎徐溝縣教諭

楊夢周 以孫楊奉官  
楊豹亨 以子楊奉官俱  
贈為昭勇將軍

河南河北鎮  
中軍遊擊  
馮五美 以子馮蘭官  
贈為宣武將軍

楊奉 封昭勇將軍

馮蘭 封宣武將軍  
曲贊斗 以子盡直官  
封高平縣教諭

明

王氏 姚一讓母  
贈淑人  
王氏 楊夢弼母  
贈淑人

白氏 姚一讓妻  
贈淑人  
張氏 一讓繼妻  
封淑人

五臺縣志 卷七 古

鄭氏 楊夢弼妻  
封淑人  
高氏 張蘊道母  
封宜人

國朝

張氏 姚之淵母  
贈孺人  
陳氏 姚之淵妻  
封孺人

尚氏 王公維母  
贈淑人  
張氏 王運元母  
贈孺人

楊氏 王公維妻  
贈淑人  
張氏 王運元妻  
封孺人

王氏 盧譽母  
贈孺人  
胡氏 楊奉祖母  
贈淑人

李氏 楊奉母  
贈淑人  
張氏 楊奉妻  
封淑人  
靳氏 馮蘭母  
贈恭人

周氏 馮蘭妻  
封恭人  
楊氏 以孫敬備貴  
張氏 以子敬備貴  
王氏 贈宜人

官廕



明

王

臣 以父源死節廢 振衛百戶世襲

安

節 以父暄死節廢 人國子監在洛

州主簿

孝子

明

石會縣林泉村性至孝居喪盡哀葬父廬墓三年母喪如之其子崙為邑庠生事親居喪一如父制廬墓常有白兔往來晝則同遊夜則同宿時謂孝感所教作詩贊之曰父孝傳兒孝新廬接舊廬荒

五臺縣志

卷七

五

山雖寂寞仰不愧長虛

楊時倫居栢蘭里父疾禱於神以身代持齋三載疾果愈大司馬孫傳庭有孝行叙補載藝文

解雲庠生進士璿之孫性至孝居父喪哀毀踰制

葬即廬墓三年內形毀骨立代郡進士王誠菴作

序贈之

序載藝文

王一中居親喪哀毀盡禮廬墓三年及後母喪亦

如之通邑稱孝

張大仁任宣府左衛經歷有治聲以母老乞休所



司嘉其孝行純篤以禮送還生事死葬俱各盡禮  
以上  
舊志

國朝

王子龍延安人甫脫襁褓父藩卽出外三十餘年  
無音耗王子龍一日變產遺母爲喪殮費隻身負招  
奔豫尋延訪期年不遇由豫入陝復赴蜀跨山越  
嶺難計程途偶至松潘鎮遇其父抱頭而哭教請  
借歸歸指寒暑已歷七載矣母故爲父繼娶李氏  
曲盡孝養終身不懈

五臺縣志

卷七

六

張良知居南大興母孀居良知爲傭養母親飽煖  
而已飢寒或曰丈夫志四方安能終身人役哉良  
知曰吾少孤家貧非母吾無以至今日非吾母何  
以終餘年母死良知七十餘乃曰吾所以苟延殘  
喘者爲母在也母死安用吾哉營葬畢遂縊死  
張第工金山人父病癱瘓臥床不起炳跪而進食  
負兩盂厠孝養數十年如一日炳早年乏後年七  
十餘一舉一子名蚌珠人謂純孝之報云

舉金花觀上村人母鄭氏孀居花有二兄俱外出



家貧樵薪爲薪挑担負不避風雨以事其母始終不懈鄉人稱孝焉

貞烈

金

許舜妻許氏讀書天驥女進士張伯豪妻豪死依父母居崔氏女以天驥被鎗傷甚女日夜涕泣迎醫療治弗效乃剖其股以進竟不可救時京城圍久食盡剽掠慘累無復人紀女讀書知義理思以自完葬其父之側明日乃絕頸而死士大夫賢之元好問銘

五臺縣志

卷七

七

其墓曰嗟唯孝女之死自遂死而有知乃父子聚以子則孝以父則義以斷則勇以守則智於今之人麟鳳之瑞

李氏陽白村郝文郁妻年十九而嫁二十一而孀生子居祥未期月父母憫其早寡欲嫁之氏曰妾聞仁者不以盛衰改節義者不以存亡易心禽獸之行吾不爲也居祥天資敏悟讀書不仕母疾行不納履衣不解帶湯藥必親嘗母死伏棺幾滅性鄉人曰其母節其子孝可以傳矣氏葬之日蓋元



元統三年十月也

王氏上金山蘭從義妻早年夫死氏號痛不欲生因家人勸三日乃進一啜生子甫數歲氏撫之寬而嚴事舅姑以孝聞沒後至正九年歲進士王進之作記

國朝舉人劉成菴爲立傳

以上二氏考古碑補入

劉壽貞舉人劉復初女淑媛貞靜性聰慧能讀書凡列女傳女訓內則等篇皆樂誦不倦幼許字本城人盧春春家貧役於京遽亡計聞貞遂呼天而

五臺縣志

卷七

六

泣父母慰之曰女尙未適安得遽爾痛悼貞含淚答曰兒已許盧氏卽盧氏婦矣夫死失所天焉得不痛遂服斬衰春櫬至則攜婢出城扶柩入盧氏家拜舅姑止喪所語其父母曰盧氏舅姑年老無依兒當留此奉養古訓云忠臣不事二主烈女不更二夫自今伊始女是盧家寡婦矣凡內外兄弟俱不得一面父母見其志堅乃賢之其舅姑悲喜交集貞遂對衆自題其堂曰冰雪堂以禮殯夫親塋塋居喪盡制孝事舅姑四十餘年如一日焉有



司以其事聞詔旌表月給食歲給衣年七十四終其婢亦慕貞節義相隨不肯適人貞死削髮爲尼田氏邑民陳福朝妻朝死氏方十九歲誓同死遂自縊

康氏庠生徐光明妻方三月光故氏年十九有娠父母不知憐其年幼且無所守勸之改嫁氏不可曰腹有遺娠若男子可繼徐氏且夫肉未寒何遽議此父母遂不之強後果生男氏撫養備至不幸子復遭殤氏曰吾所以隱忍不死者爲徐君一塊肉耳今已死矣復何生爲遂自縊死事聞有詔旌表

五臺縣志

卷七

九

劉氏女名玉許聘崞陽張氏子爲妻未婚張氏子病亡計至玉欲往弔其父母不之許女誓以死父母不得已攜女赴弔玉暗藏匕首以徃既至拜舅姑後撫棺三匝拜畢卽自刎松前事聞詔建坊旌表

陳氏淑英許婚劉氏子未娶而劉氏子亡女誓曰婦人從一而終雖未完娶親已許之心卽從之安



可二乎遂往其家守節事舅姑克盡孝道年六十  
餘卒有詔旌表

蕭氏名秋葉大同靈卽人曲大保女母馬氏一弟  
世於子家貧歲饑就食臺邑僦居林泉村庠生安  
崇德家崇德見其美數欲私之女堅拒遂訴於父  
母自縊死有司以事聞有詔旌表置安生於法萬  
歷三十五年巡按廉公爲置田五十畝以葬餘爲  
香火費傳勤於墓載藝文

陳氏虞生王奇中妻中故氏年二十三歲堅白自  
守年七十三卒旌表其門

五臺縣志

卷七

三

孫氏陳紀妻紀故氏年二十守節不變至六十餘  
卒有詔旌表教諭顧章贊曰與常人紀克植於躬  
備嘗艱苦壽考而終勁竹高松凜乎其節璞玉堅  
冰瑩焉其潔

師氏陳俊妻適三年故無嗣慕祖姑孫氏之節  
益勵其志年七十餘卒有詔旌表

王氏監生陳价妻价故氏年十七無子撫任正學  
爲嗣教以讀書爲明經年六十五卒有詔旌表以



上三代一門知縣楊啓春重修牌坊題一門節義  
三世恩榮教諭王大輅贊以詩云義從心上起清  
標繼祖姑藍田三片玉萬載骨難枯

賀氏生員解妻妻故氏年二十撫子汝淮讀書  
成名年六十餘卒邑人頌之曰夫爲孝子妻爲節  
婦

張氏河邊村民段鳳妻鳳少亡氏守節不變年六  
十餘卒

武氏貢生張如綸妻綸早逝氏撫男可進讀書入

五臺縣志

卷七

三

泮備嘗辛苦知縣崔應麟匾其門曰歲寒松柏

安氏胡彥賓妻賓故氏年二十家貧苦志守節侍  
養孀姑撫育幼子成立家計鄉里稱賢撫按給匾  
旌獎

鄭氏貢生潮之女適高相儒生子岑未週歲儒故  
氏年廿四或勸之嫁氏正色曰吾公翁皆詩禮家  
自幼習聞婦人從一而終豈肯事二姓耶守節撫  
孤備嘗艱苦鄉評推重卒年七十二歲萬曆二十  
八年有詔旌表巡按趙匾其門曰節凜冰霜



張氏邑民王寶妻夫故氏娠生子朝宦並撫其姪  
朝元家貧守節事姑以孝撫子姪以慈年七十二  
歲巡按白公匾其門曰節婦

楊氏庠生曲致化妻化卒氏誓同死乃自縊柩前  
有司以其事聞有詔旌表建節烈坊於河邊村

王氏庠生孫嗣芳妻縉紳茂才女未歸嗣芳省試  
卒於太原女聞痛悼幾絕柩至乃自縊死事聞有  
詔旌表

李氏崞陽開府龍峯公孫女適王玉業任葉縣縣

五臺縣志

卷七

三

丞卒於任氏聞夫故晝夜號哭夫柩甫至卽欲同  
死諸姑慰之曰爾夫無男女終當守服滿日死未  
晚也氏善屬文尤長於詩從茲不操筆硯將烈女  
傳數四評斷形毀骨立麻衣不濯三年服終始殯  
其夫旣葬歸家自縊於寢次

國朝

任氏適夏縣柴雲龍寄居五臺雲龍貿易山東死  
於盜氏聞變痛哭不食自縊而死

李氏陳五倫妻倫故無子家甚貧氏矢志不嫁夏



秋於遺穗冬春代人操井日執箕爨以供姑積其所餘爲姑豫壽具姑八十七卒氏年七十三卒沈氏羅清妻年二十餘清病劇囑其妻再醮氏泣曰婦道從一夫卽不幸妾唯一死而已清死殮後投柩側死合邑哀之陳邑侯爲之旌表

曲氏呂珩妻珩故氏年廿八子甫周歲家寒素苦志守節嚴霜寒雪鄰婦見之竦然起敬年五十七卒其子致和亦復早逝遺婦徐氏倣姑之貞節堅一志撫孤三十載卒年六十有一人稱婆媳

五臺縣志

卷七

三

霜雪

張氏劉性之妻貢生張煒之女年十五適劉氏三載生女甫周歲性之病篤屬氏曰劉氏絕矣此女卽劉氏後宜善撫之言竟卒氏哀痛幾絕諸姑救之甦泣曰死固吾分第我死此女亦死負吾夫於地下矣夫殯後劉氏無可依乃依父母家撫女成人荼蘼自甘終不渝志

韓氏廣文張志廣子瑛之婦也生三子瑛卒家甚貧乏依父母家撫育孤幼教子讀書飲水茹蘗其



志益堅

薄氏定襄歲選元素之女適庠生曲文昂蚤逝  
遺二孤長三歲次逾月氏矢志金石苦節艱貞事  
舅姑以孝撫孤幼以慈幾五十載氏年七十長子  
早故遺孫六人氏復撫之邑侯周旌表其門

党氏東河鎮白時興妻與故母老家貧並無男女  
其姑命氏改嫁氏矢志不移拾遺穗以奉姑縣令  
周給布粟旌表

楊氏東部郎中王公繼妻明崇正七年值流寇亂  
鄉里奔竄遂與公相失度不免乃自殺後公貴贈

淑人

張氏生員王之柱妻柱死氏年廿七值兵寇扶持  
幼孤苦楚萬狀教三子成立其季子公瑞早逝媳  
馬氏景行姑操奉姑甚孝鄉里稱頌

安氏邑民王則堯妻堯以家貧傭工他郡氏採田  
薊以食遇族叔翁王伏高於野高詭借針因持氏  
手欲淫焉氏大罵奔歸訴於縣乃引刃自刺其頸  
人救之甦歸家遂自縊有司以聞表其門曰貞烈



流芳夏邑侯爲之贊曰知禮知義無私無慾家貧而富貴不能淫年妙而強暴不能辱其生也恭其死也烈雖爲女子而操適丈夫非計功名而行聞千古復以詩弔之云秀出臺峯得女貞無煩書史造高行夫恩報以三綱義婦道修於一節成我欲生留風末俗卿甘死誓雪虛名俚言未足揚芳烈更待陳情賜異旌

白氏同里張登閣妻登閣早逝氏年十九幾自絕因有遺腹強活之生子謂茹荼自甘終五十載

五臺縣志

卷七

五

徐氏登閣弟景元妻景元亦早逝氏苦節自守與嫂無異教子論訥與謂皆食餼時瀋寧道柯旌其門曰栢舟雙節以上係舊志

王氏生員張素蘊妻孝廉張暄之母也秉質幽閨賦性貞靜夫亡氏年廿二子甫二齡家貧茹荼矢志撫孤奉孀姑孀祖姑以孝聞教子爲文學士乾隆三年建坊旌表入祠

傳載藝文

智氏年十七歲紅表村民李亮妻村人張根隆乘氏出饁強欺之氏不從羞憤自縊乾隆三十年建



坊旌表入祠

齊氏白崖村民楊卓義妻年十八被村人崔七調  
姦不從羞憤自縊崔七亦畏罪死乾隆三十年建  
坊旌表入祠

甯氏李芝妻芝移居耿家庄避蕩無度以妻甯氏  
有姿色教之賣姦以贖其身甯氏不從持刀刺其  
股釵曰芝給妻歸寧行至董家橋仍嚇殺使從甯  
氏堅執不允遂以大石擊破其腦後芝蒙赦還家  
自言見其妻來數日遽亡

五臺縣志

卷七

五

毛氏河邊村楊文光妻光爲虎傷氏年十九遺孤  
週歲苦節堅貞不以貧移不因人勉撫子成立享  
年六十八歲

曲氏河邊村劉子燦妻燦故氏僅廿歲遺孤方七  
月一無依賴人皆危之氏乃矢志靡他數十年如  
一日名其子曰立節以見志

續氏五級村徐應選妻年廿八夫故無子越數年  
翁姑亦沒或勸之嫁曰婦人從一而終豈以夫家  
無人而易志乎依母家至六十七歲感病謂弟



曰我爲徐而守亦爲徐而死亟送我還乃送至中途而卒

張氏主九章妻會大疫氏與夫俱攫重病九章故氏未省越七日九章出引氏母先期至氏病少差母告以故曰天平何殺余之慘也吾義當從夫不忍獨生其母再三勸諭氏佯允至夜乘間自縊死其日合葬於村東

吳氏劉家庄民趙繼普妻幼喪夫子少家貧氏矢節不變行乞奉母歲饑無所得獲馬糞中粟以水淘洗復以口漱之方奉母其誠孝如此

五臺縣志

卷七

七

張氏東寨村劉大善妻年廿一夫卒矢志不二姑喪去痛欲自縊氏伴姑三日忘食姑染病半載氏侍湯藥輒不寐家貧日一飯對姑常有喜色訓子孫維嚴後俱成立孫媳從龍妻史氏亦守節撫孤克繼前徽

張氏孫家庄閻心鎔妻年廿五喪夫無子矢志守節孝事公姑嗣胞侄鷹揚爲子後鷹揚亦故子萬年甫週歲氏與媳協力撫之鄉里共推



白氏劉家庄村民劉晃妻年廿二晃故子漢玉生甫四月家貧甚氏矢志撫養事繼姑以孝聞

張氏泉岩村楊道生妻年廿二夫死子幼或勸其改適氏曰家貧苦守亦良不易但願此藐孤楊氏一塊肉也吾撫養成立始可見乃父於地下孀居三十餘年子死氏復撫其孫未幾孫亦死宗祀卒滅悲夫

王氏炭頭村白諭妻年十九夫死子爾達方三月家貧守節備極荼苦享年八十五歲

五臺縣志

卷七

天

樊氏四家庄高金成妻寓居代郡夫爲弓姓傭工窺夫出以言挑之氏賦性節烈抗志不從遂縊死有詔旌表

白氏劉愷妻年十七嫁未期年夫死遺腹僅兩月且夕泣血願以身殉繼見舅姑年高以宗祀絕滅爲痛乃忍息以待後舉子孀居二十四載人莫能覲其面卒以勞瘁積疾死人悲之

孟氏四家庄白文顯妻年廿三夫死一子甫三歲氏撫孤養親姑素有瘋疾不三年死後其舅亦死



苦雨凄風母子形影相弔洵稱苦節

郝氏炭頭村郝文星妻年廿五夫死氏方娠每夕  
向天祝曰夫當有後其舉一男及分娩果男氏茹  
荼自甘織衽度日遺孤卒成立

王氏炭頭村張克信妻年廿七夫死無子止一女  
或勸其改適氏曰所貴乎守節者豈盡爲子而不  
爲夫哉遂以族子承祧守節不渝

白氏堯家庄張大顯妻夫死氏年廿六無子撫二  
女誓不再醮

五臺縣志

卷七

无

孟氏郭家庄張翔妻年二十餘夫死無子氏甘貧  
守節孀居五十餘載

呂氏東雷村師文望妻年三十而寡子慎修甫七  
歲氏撫養入庠慎修早喪子亦卒其妻韓氏年廿  
三或勸嗣已絕可他適氏哭云自初嫁已終身屬  
之沈高堂年邁安忍忍置乎婆媳同志鄉里競傳  
其美

康氏劉建村劉法年妻法年卒氏年廿四子四齡  
矢志不二孝事翁姑子漢興娶柳氏生子三人漢



與亦故柳氏痛孀姑無依備歷艱苦一室兩節婆媳俱賢

高氏東茹村張恩明妻恩明故氏年廿五一女無子其母屢勸改嫁氏堅執不從家甚貧氏節始終不渝

宋氏郭家庄張福慶妻家貧無子夫死守節三十餘年寡而兼獨尤屬苦節

續氏南頭村王嘉彦妻年廿五夫死無子家極貧甘心守節

五臺縣志

卷七

三

孟氏庠生趙敬修次子克讓妻年十九夫疾篤囑曰我無子息汝年幼能盡婦職以代子職否氏泣諾及卒冰霜自矢孀居十餘載以病卒又田氏敬修三子乾利妻年十九夫死無子女其母憐其青年欲嫁之氏矢死不從人稱一門雙節

胡氏潘家峪鄭士學妻孀居六十年守志盡孝能繼姑節

王氏潘家峪鄭本深妻深沒氏年廿六有一子名如鳳家甚貧守節不移



常氏八塔村周臣與妻與卒氏年廿九事姑撫子  
曲盡孝慈五世同居鄉里稱家法之善者必首推  
周氏子周琬妻張氏年十九夫死遺子鳳翔未週  
歲氏事親撫孤與姑常氏同又子周珉繼妻高氏  
珉卒氏年十六無出斷髮自矢撫養前妻子鳳騰  
無異己出與姑嫂並勵水操時稱一門三節  
曲氏王廷彥妻彥死氏年十九生遺腹兒上事翁  
姑下撫遺子獨力經營艱苦萬狀卒年五十九鄉  
人圍其門曰守貞屬後

五臺縣志

卷七

三

楊氏高洪口民張作妻作故氏年廿三無子一女  
後女亦亡氏孀居奉事翁姑始終盡禮享年八十  
八歲

邊氏西馬村王建治妻年廿一夫歿父母欲令改  
嫁氏厲聲曰吾若改適吾叔等俱幼寡姑將何望  
也其後生計益微鄰婦見其難堪或勸之則曰吾  
年幼尚無別意今將老豈他適耶飲水茹蘗年五  
十四卒

鄭氏三角村李茂林妻其夫早逝無子氏堅白貞



守奉舅姑以孝撫諸侄以慈鄉鄰有栢舟之賦  
梁氏邑民節純修妻夫故氏年廿一遺子襁抱苦  
志撫育尤孝事孀姑家甚貧無難色

陳氏適在城王詔爵詔爵赴湖廣始終不歸氏年  
廿三遺腹生一子名建極矢志苦節撫子成立卒  
年八十五歲楊邑侯旌其門口節壽堪欽

馮氏東鄉村張均泰妻年方廿二生子未彌月均  
泰家舉適粵東數年未歸傳言均泰已故父母意  
欲別適之馮氏矢死不從奉親撫子歷盡艱苦初  
無異言均泰越三十五歲始回重得聚首雖屬有  
夫之婦足徵無夫之節矣

張氏五級村民梁永寧妻十九子歸寧家貧外出  
氏年廿一遺腹三月艱辛苦楚口無怨言後舉一  
子耀德時值歲荒併日而食卒撫孤成立七十六  
歲以壽終

河邊村曲滿辰妻梁氏 河邊村生員曲佐辰妻  
薄氏 河邊村曲配斗妻王氏 河邊村鄭德成  
妻曲氏 河邊村曲濟直妻薄氏 河邊村關



閔妻陳氏 呂家庄呂傳商妻梁氏 環峯坪韓  
相臣妻王氏 西頭村生員白紹先母王氏 東  
峪村胡康妻周氏 東峪村胡二正妻張氏 陳  
家庄胡應臣妻羅氏 陳家庄趙永益妻張氏  
孤獨店羅錦秀妻李氏媳羅氏 安鄧妻  
張氏 白家庄白峒雲妻閻氏 東茹村生員張  
璽妻劉氏 裴家溝席奉璋妻羅氏 五級村劉  
殿文妻梁氏 五級村王述修妻張氏 建安村  
徐鍾環妻周氏 建安村徐宜燿妻白氏 夾子

五臺縣志 卷七

三

灣王子龍妻呂氏 石村徐憲章妻梁氏 東冶  
鎮朱呈麗妻趙氏 東冶鎮徐建初妻薄氏 東  
冶鎮呂中音妻徐氏 東冶鎮宋鵬妻趙氏 東  
冶鎮趙微鳳妻智氏 北大賢白罔然妻張氏  
西坡村鄭林鵬妻盧氏 在城庠生劉新業妻田  
氏 小王村鄭應妻楊氏 甄家庄王掄魁妻劉  
氏 陽白村孟玉卿妻郝氏 郭家庄庠生張芳  
母楊氏 上金山劉倬妻郭氏 白贈妻  
徐氏 監生趙峻德妻趙氏 上金山劉成文妻



樊氏 上金山劉淳妻張氏 下金山張貴生妻

智氏 桑家掌郭世官妻張氏 白榮祖

妻康氏 小王村鄭侃如妻李氏 小王村鄭崇

典妻楊氏 松岩口史為仁妻劉氏 高家庄庠

生王心寧妻呂氏 西雷村張永興妻梁氏 西

雷村張文煥妻張氏 東寨村王沛生媳楊氏

河北村王懋時妻韓氏

者善

明

五臺縣志

卷七

善

劉子寶

路拾遺金一囊其人守候還之酬以十金不受後值礦賊掠里中其妻張氏率子婦孫女投崖俱得不死見石上有婦人履跡人以為家所供觀音大士救之後人贊之曰素金不匿乃完妻子天道昭報誰云不通

陳 翱

景泰間歲飢輸粟八百石以賑成化間飢輸粟三十斛復煮粥以食人多全活

張 懋

同陳翱輸粟八百石

韓勝傑

輸粟八百石賑飢

王 璽

王 瑀

兄弟各輸粟八百石賑飢

楊宜春

萬歷年間歲飢捐銀五百兩買粟賑荒



王顯曾 坦直寬宏 周怡貧困 張九韶 處眾寬仁 與人無爭

曾 部 謹厚持重 且推服 閻宏道 邑庠生設 絳有功

呂 琢 天性剛直 行事公平 呂 璉 秉性醇厚 友愛天然

張廷正 飭躬醇厚 接人謙和 楊 楫 邑庠生忠厚傳家 義方訓子有儒風

呂 玘 夫性孝友存心寬厚 謙和愛人不求令譽 以上舊志

國朝

姚際唐 邑庠生中正和平毫而好學 公舉優行達部

義民

明

五臺縣志 卷七 三

王 鵬 制行端方耆學不倦 四世同居家政肅然

王 本 中和醇謹義方訓子 問里以善人稱

楊 榜 天性孝友慷慨好善 年九十四卒

高 岡 天懷雅致德周 問里一鄉重之

張 崧 讓和友愛尚義好施 讓和友愛尚義好施

陳 相 厚重少文守法省身 厚重少文守法省身

徐 林 好善樂施詩書訓後 好善樂施詩書訓後

高 壽 持身醇謹教子義方 持身醇謹教子義方

李 仲 前長厚自守 王 卿 孝義端方 勤有綱紀



胡彥清 功文廟傾圮同弟彥質各輸銀一百兩修葺

國朝

徐鴻名

氣度雄偉尚義好施寡言語有方畧劉迂之亂設謀拒賊一境獲安大兵後年屢飢每歲出粟數百賑濟存活甚衆注水放溢人艱於涉秋冬架木橋以渡春夏養水乎八人以送行旅既卒鄉人爲立碑於其里

王任志

娶姚氏相敬如寶生一子姚氏故任之年甫二十五歲或勸其再娶辭曰妻妻爲生子耳我有子矣先人祀可不絕更娶何爲

朱鶴生

自崖村人性愿慈好善常修平道路不遺餘力今邑之西我嶺水峪溝小嶺及啤縣志白石直隸之黑山關向皆羊腸鳥道名生裹糧往治險者平隘者潤三邑德之爲

五臺縣志

卷七

立石記功

美

石生雲

鄭家小賢村人性好善恤孤寡隆冬降雪掃除道路西至木貴嶺東至瀟陽嶺南至松嶺北至豆村鎮至老不倦柴邑侯給匾云耆年集善



五臺縣志





五臺縣志 卷之八

藝文志

碑記

傳

墓誌

詩

五臺縣志

卷八

目





藝文志

五臺山川甲勝名賢代興其著述流傳抑以備史  
乘之遺著鼓吹之盛也志藝文



碑記

重修南神廟碑記

宋進士 孫儼

邑之南十里有山層巒聳峙喬松茂翳上有古祠俗謂之南神壙蓋漢文帝祠也按史傳帝高祖中子破陳豨軍定代地立帝爲代王呂后臨朝諸呂專恣大臣平勃慮危劉氏以帝賢聖仁孝聞於天下乃迎以奉社稷帝謙遜退避恭儉節用夙夜憂勤罔敢逸豫至於惜十家之產而罷露臺悲緹縈以除肉刑勸農桑以捐田租憫老幼而賜粟帛仁

五臺縣志

卷八

二

施德布雖充溢宇宙而其潛德發躍蓋自代邑始代地民祀以祠宜矣然邑地石焦瘠薄旱則易乾水則易毀災則遽饑惰則失業今闔境之民家務和協人尙謙謹蓄害不作豐稔屢臻豈非帝之孝道儉德芳烈未泯事有不便輒以利民猶常不忘於今耶不然何安康富壽之如此也鄉人具祭祀患不能有報虔者於是復新廟宇以祀之

楊公孝行叙

明大司馬 孫傳庭

公諱時倫字天叙號西泉五臺之百蘭里人先世



大同府朔州馬邑縣始祖有材徙五臺歷七代而生海海生公賦性冲和制行醇厚雖農畝布衣而一種純孝可風洵末世所罕觀者余與公長孫雅稱莫逆交故乞文於余以誌墓余敢實錄焉公因父疾禱於神願以身代持齋三載父疾果愈壽增一紀事母勤視問供甘旨享年八旬有四其教子也溥暑給饌大寒給薪歷久不厭是以夙無簪纓而子伯仲全年遊泮叨廩祿歷選舉孫枝亦皆翩翩者起方興未艾公將集全福於幽壤矣嗚乎終身慕父母孝之大也一經訓子孫孝之永也異日玉樹聯芳金章寵賁光前而裕後者孰非公孝德所醞釀哉語云本固者枝必茂源深者派必長余於公信之不誣已是爲記

明陽觀碑記

金進士  
元好問

臺州西南八里紫羅山之麓有保聚曰明陽臺駘祠浮圖寺在其傍舊有道院廢之久矣欲修復之而未暇全真師姬志元先住遼沁亦嘗留宿於此父老愛其道行清實有尸而祝之之義乃築環堵



而居之三四年徙從之者益多思所復立壇宇嚴  
規制設興遊居寢飯之所斧斤埏埴率其人目親  
之前後十五年爲殿者二曰三清曰通明爲堂者  
四曰三官曰四聖曰祕籙曰靈官門檻齋厨以次  
而其請於燕京長春宮得額曰明陽此觀事之大  
凡也臺州長茹君以贊其事翊而成之甲辰春史  
館從事李君昂適携姬之徒王志寬過余讀書山  
爲予言曰今吾桑梓鍊師吾方外友也明陽又吾  
杖履之所朝夕者也姬知吾辱與子遊欲得子之

五臺縣志

卷八

四

文以記其經度子寧有意乎予不敢辭乃爲記之  
顧盼檀施四方來集土木成金碧之富鐘鼓狀雲  
山之氣蓋未巧以歲月記圭於黃老之教久徒知  
有之求所以尊訂重道如供佛然者則無有其人  
也兵劫之後此風故在獨鍊師一出州之人翕然  
歸之雖釋子輩亦爲起信而起敬古所謂存乎其  
人乃今見之夫物蔽於物曲屈則有不能通者此  
二家之所以更爲盛衰耶吾於此有感焉三綱五  
常之在猶衣食之不可一日廢今十室之邑豈無



知人倫之數也者至於挾免圍策援童子學者乃無一人焉寒不必衣饑不必食痛乎風俗之移人也嗚乎二家之盛衰又何足記耶姬高平人邱公嘗號爲崇道大師洞明子

重修廣濟寺碑記

明王源

縣治西鄰民居有古刹曰廣濟寺創造所自碑載甚悉夫何歲月浸遠棟撓瓦落墻圯臺頽一望荒涼難爲瞻仰矣前守是邑者因政煩事冗不遑是念宏治丁酉歲孟夏山左陽信光侯奉命來守是

邑侯自下車以來興廢舉墜百度俱新一旦政暇偕僚家蓮幕臨是寺召諸僧謂之曰汝等咸賴佛教感人今如此坍塌無以爲人造福地何忍恣然置之耶僧普然宗善感其言慨然膺命於是邑之士民若尙義陳山以靜輩各捐金易材傾者正之朽者易之漏者葺之闕者補之金碧剝落者藻繪之牖壁漫漶者泥飾之輪焉奐焉一復其舊足以爲斯民造福居然一邑勝境而實由我光侯一命之力是績也不歸侯而誰歸耶予惟佛教之興始



自漢明帝時西僧達摩入我中國彷彿吾儒說性說心尤以生死輪迴善惡地獄果報爲言以故當時人心翕然崇尚迄今熾然雖釋教固非吾儒所宜言然就其所以爲教只是欲人爲善而已夫人性本善但爲私欲汨蔽乃爲不善耳向使世之人果因佛教咸化於善則性善可復美俗可成雍熙太和之世可致孰謂佛教不有益於人世乎哉自茲以往爲普然宗善者尙當晨暮鐘鼓晝夜香燈祝皇圖之有永祈聖壽於無疆豈徒被金縷袈裟寺碑遂爲之記

均平水道碑記

明襄陽府推官

智幾先

五臺晉僻邑也滹沱爲帶環繞西南奔湧浩瀚地高而水下殊無補於灌溉北有泉巖河細流不及沱十分之一由郭家寨大興沛流於槐陰東治等村洋洋浩浩頗大便利迺據上流鑿沙灘爲水地數日頻灌而膺朝廷重稅者坐視乾燥間有一漑則其借姻親也不則携雞酒而啗亡命豪雄也河



邊民徐光宇泣訴本道分數稍定楚人杜謙日期而里中豪橫益肆邑侯李公自陝右來守是邑胥中淫渭分明有澄清蘆虎之志量地之多寡分水之日期自上而下週而復始仍遣牌以巡守防河上之元璽刻印以封提禁農昏之盜決彈壓豪橫之心杜塞後來之口郭家寨地三頃水一日大興地八頃水二日半槐陰地十七頃水三日半東治等村地三十二頃水六日一分派而三都稱便矣偉哉偉哉昔西門豹治鄴十二渠邑人苦役豹曰

百歲後父老子孫思我當其苦勞費時沮者非一不禁不撓渠竟就厥後漢長史以十二渠橋絕馳道相近欲合二橋爲一橋父老不肯曰賢君之法式不可改也豹借民之力興民之利民且永世不諉矧公行所無事因民之所利而利之者乎若夫善催征而鞭笞不用審均徭而頌聲交作招流亡而集澤飛鴻撫邦屯而復邦隊鳥重根本則修學校而設禹門雲路嚴保甲則繕城郭而建演武敵樓葺社倉以預賑貸之所編保甲而申盜賊之禁



公皆行之而無難焉豈特分水一事哉予以爲分水一事非一時之利固貽萬世之澤者也於是敬爲之銘曰

華嶽之峯秀而巍黃河之水清而奇天以河山之秀氣流入李公心與脾去涇涉渭守臺邑沛平德澤淵然思量地多寡分水期汪洋千頃誰及幾禹甸南山河洛思鄴守西門馬史紀祝公福壽多男兒臺人亦永有榮施

通濟橋碑記

明保定知縣田龍

五臺縣志

卷八

八

縣南有地名孤嶼溝距縣十五里其各府州縣往來寶旅暨本縣士民商賈莫不率由斯路是喫緊咽喉最要關津也無如山勢嵯峨水機澎渤履其地者率皆以跋涉爲苦舊架木以濟第顛險不寧且木易朽蠹豈不拔之基哉關中念公李父母來蒞茲邑目擊此險卽勃然注念爰督義民劉道捐俸市材筮日鳩工從上徹下約三丈餘專用石條以墊之橫順布之以石左右衛之以欄不兩月而厥工告成遠邇騰歡猗歟休哉此正所謂一勞永



逸萬世利濟之澤耶昔人曰觀河洛而思禹功余亦曰過此橋者當亦思李公之功謹勒石以識不朽

射虎川碑記

巡撫 穆爾賽

皇帝御極二十有二載春二月西巡五臺爲

太皇太后祈景福也至德馨香正符丕洽畢事而旋由菩

薩頂壇長城嶺西千乘萬騎雷鞠雲奔道旁林莽

翳翳有虎伏其間駭而躍衆莫敢禦

皇帝親挽繁弱一發而殪之於時巡撫山西 臣穆爾賽

五臺縣志

卷八

九

等奏曰是虎也爲居民行旅患久矣幸遇

天子車駕蒞止斃斯獸以安厥土應錫嘉名以垂永久

數懇至再

詔從所請名曰射虎川 臣穆爾賽等敢拜手稽首而志

之曰猗歟休哉天道春生而秋殺君道德綏而刑

威敷惠固以澤羣生除暴亦以安良善彼悖逆方

命之徒猶虎也惟

皇帝以道德仁義爲弧以師武臣力爲矢十年之內滙

黔隴蜀以迄閩粵海島蛇豕鯨鯢罔弗殄成用是



八荒晏如萬國貢賚黎首乂安鳥獸咸若夫鐘民  
虐以惠保元元湛恩汪濊靡有涯際豈直被茲一  
方已乎昔唐太宗巡幸武德射斃猛虎臣以爲美  
談

皇帝體天立極揚大武而成至仁駿烈豐功炳耀千古

又奚唐太宗之足云

神武泉碑記  
穆爾賽

康熙二十有二年春二月

皇帝西巡清涼山爲

五臺縣志

卷八

十

太皇太后所景福也事畢由菩薩頂遵長城嶺而旋有虎

伏叢薄翳翳中駭而躍

皇帝親挽繁弱一發殪之蓋此虎爲患茲山久矣居民  
行旅聞而懼怵咸謂宜錫嘉名永誌

皇澤巡撫山西副都御史

臣

穆爾賽等以民情奏請陳

乞至再

詔乃許之方將修除荒蕪忽有清泉湧出林莽甘冽澄

泓經冬不竭猗歟休哉

臣

爾賽等拜手稽首曰

聞天之化育萬物也煦之以春日凜之以秋霜聖



人之治天下也興之以禮樂懲之以刑罰故天以至神之化運於上使庶類不測其端聖人以至詳之法曉於下使羣情知有所避彼貪墨橫暴之徒猶虎也聞之能無滋懼乎

皇帝道德仁義光被四表凡所舉動皆以惠保元元爲念用是宇內乂安人心吏治莫不鼓舞變易棄其舊而開其新唐虞夏商之盛且復見於今日故靈源紀異昭

湛恩汪濊於靡涯豈神爵醴泉所可同而語耶因書射虎川於石謹誌之

五臺縣志

卷八

十一

射虎川碑記

邑舉人 閻 襄

臣聞聖存要道錫類斯宏帝造熙風尊親爲大蓋王者覃化特源以通而孝子爲心無微不至溫清允慰猶祝高厚而祀山川仁愛斯流實本至親以及民物恭惟

皇上

孝純於性

聖縱諸天



繼統守文更備開天之武

生知錫極猶勤學古之功承萬年有道之基創奕葉章  
程於不朽剪累世難除之寇偕

祖宗智勇以同昭指西蜀之戈山屠封豕揮東閩之劍海

繫長鯨弓矢微張機槍北盡

廟謀遙授萌蘖南消載瞻帶礪之河山盡是清寧之天  
地於是

賑荒發帑

賜醵蠲租四海云遙人無不遍三關伊近臣覩其詳始

五臺縣志

卷八

七

年蠲租之半繼年蠲租之全沛春霖於寒谷時爲  
皇上之恩時爲

聖母之賜覆解澤於荒郊讀漢帝賜賦之書歷今二千餘  
年汗青再美邁姬祖行仁之政卜世八百餘載龜  
灼猶遙於是膏浹九垓功垂八極

聖不自有原嘉誨於

慈憚業述由來播

徽稱於溥海凡六合昇平之慶皆

一人孝治之隆恭惟



太皇太后

淑惠篤生芳婉妣任之盛

仁慈覃沛勲齊堯舜之隆聚

神聖於一家式倫常於萬國惟

太皇太后鞠育之愛卽覆載其奚殊惟

皇上孝養之誠雖舜文何多讓

寢門儀曲靡事弗周

宸陛歡承祇懷罔極乃卜

靈山之祀用求

五臺縣志

卷八

三

嵩祝之徵

親幸五臺時維二月羽林萬騎繫馬山前扈從千官環

旌天際歷石蹬渡松溪入雲陂踰水澗高巖朱羽

動拂牛斗於東西半嶺白雲橫變陰晴於上下林

開曲折華芝螻列而徘徊逕別低昂旂旒蜿蜒而

升降荒蘿蚓結怪石魑扶仰峭壁以千尋俯絕冥

而萬丈烟封谷口半出浮屠泉引林根斜通精舍

鐘聲暮動噌吰亂虎豹之號日色朝開閃爍澆醜

蛇之跡惟



孝思之不匱遂險隘之皆平爰致虔修爲敦誠告拂琉璃之蓮座祝箕翼於

椒闈歷五頂以偕登覽千巖而畢至

龍章丹篆輝煌日月之文

鳳字金書刻畫烟雲之壁履清涼之石而望九州風醇物阜敷天共樂清涼立錦繡之峯而瞻六合邇服遠柔輿甸錯成錦繡凡彼白鳥青獅之迹皆來蒼螭玉驥之踪豈意石橋流水之間亦有星旆雲旌之燦深山常寂寞何幸巖花野鳥齊歡遂谷久塵

五臺縣志

卷八

古

埋更見遠岫透峯煥彩茲皆

九重之大孝斯紫府觀

日角之光非同八駿之遠遊使崑崙接雲車之駕

祀事既畢

天語言旋玉轡從容鸞鳳廻翔崖畔珠旗宛轉龍蛇上出松梢溪流警道以前驅岑巖鞠躬而下俯百靈獻瑞萬物觀

光祥雪迎鞭溫風出谷凌空碧嶂昭回紛鬱之雲蔓艸青溪俯伏斑文之虎伊猛獸之率服聿



至德之咸孚

皇上於是弓挽烏號矢援肅慎一發而中兩洞其胸山  
中

萬歲之聲雷轟崖裂馬上千軍之色汗浹魂驚軼才之  
獸已除又何有於狡狄巨虛之膽皆破豈復慮夫  
豺狼夜過新洲欲笑宋君之射醉歸芒碭還譏漢  
祖之鋒彼小勇之爲誇豈

聖武之能測是惟我

皇上椿天純孝勇出於仁振古奇功威生於義是以孚

五臺縣志

卷八

五

誠攸屆天弧矢宿呈靈銘德惟造后土山祇紀績  
臣身居僻地日覲

光天堯舜以孝弟爲先乃親騶人間堯舜詩書載聖神  
之勇洵足警萬古詩書關雲耄稚蒸民皆從補助  
而生懼觀誠求之

父母海隅剛柔風土不遺覆幬之內同歸仁孝於

庭闈南山齊日月之貞願

聖壽與臺峯並永東嶺望汪洋如見祝

皇圖偕海若俱長臣以臺人應紀



聖德恭疏

徽蹟永勒名山

五臺縣志

卷八

七



與人感應之機果如見諸行事而論以言語此事神之理既得而治民之道斯至理有固然信乎其不可爽也工竣特紀諸石以誌神之顯佑斯人並垂我梁公之德政於不朽焉時康熙六年歲在丁未五月之吉

重修文廟碑記

邑恩貢 楊鳴鶴

自天子之國以及省郡州縣凡有人民社稷之區罔不建立文廟虔修祀事焉蓋以尊道報德立萬世義理之極也其規模陳式創於興道重學之君

五臺縣志

卷八

七

相而海內皆有一定之制脫見飄零毀缺相時修葺自有司之常事似無足異者然而治道之盛衰必觀於人心天理之際則上之君臣正九法明下之風俗美吏治清君子興行小人樂道此理之存於天地而不容一息之泯滅者故國家建官以司之擇士以養之講射行禮以教之總統其事於文廟何其重歟則其修治完葺非止備故事肅觀瞻也明矣康熙二十二年我臺邑文廟以地震毀邑侯周君始蒞茲土謁廟之日觀其摧折大懼斯文



之不振乃與教諭姬君各捐己俸鳩集百工而修  
理之邑舉人間襄貢生曲爾昌贊理其事爲之募  
於鄉復擇士之謹厚者有陳之美閻之俊王元勳  
張涵等董其役一時殿廡厨庫門廊坊表煥然一  
新嗚呼當事者以官治爲旅舍也久矣視一切紀  
綱風化猶客之視主人事初不關於心無惑乎治  
不如古而士行之日偷也今我侯獨慨然以爲己  
任舉千古盛事自我輝煌此真知所先後者矣當  
其旣成也今

五寧縣志

卷八

六

皇上御題文廟匾額適至卽揭於殿之中楹余嘗謂天  
下之治有聖天子以爲之倡有賢有司以竭其力  
其士不談先王之道民不率孝弟之行若未之有  
也雖更百年其效之及人猶且覩其事思其人起  
衰振墮相維於不廢况身逢其盛者乎爰爲之記  
永貞諸石

重修文昌祠碑記

鄭斌選

粵稽帝君文昌之星上冠列宿下主風教蓋聯奎  
壁之輝而翊文章之運者也其訓誥文章所重在



乎陰陽所向先乎忠孝故德則眷之以福而否則示之以譴其所以主持乎天理民彝者甚不誣也其廟初建於城外西北之峯山前令子和李公又移建於城內縣治之東然皆規模草創朴陋未備非所以妥神靈而壯觀瞻也邑侯梁公諱繼祖者遵東世胄康熙元年來令是邑撫凋殘則以惠代威懲奸宄則以猛濟寬催科不免也而撫字心勞流亡可招也而鴻雁安宅且救荒備糴下民無轉運之勞保境安民上差無催督之擾以至嚴大辟

則民命保全勸教化則盜賊屏息修城垣則保障足賴一時善政難以枚舉而要其指歸罔非托根陰陽原本忠孝者也癸卯入圍而後默念帝君爲斯文司命思所以崇奉之故於乙巳夏捐俸鳩工於殿前新增捲棚穹曲豐隆使帝廟黝然以深左右則有號房若鼓若翼前建大樓偉肅壯觀猗歟盛矣向之草創未備者不且煥然改觀也哉廟後又建義學一所使諸生肄業於其中庶異日者人才輩出文藝進陰陽亦進科目隆忠孝益隆孰謂



我公譽髦斯士之德不又與敬共明神之與同一不朽也乎

修城碑記

邑進士 楊瓊枝

攷臺之城始築於元魏間明正統時邑侯張諱智展築週廻三里許蓋土垣也至萬歷三十三年巡撫魏公諱允貞者始以磚葺之下有石臺數層臺之上乃建垣焉峻峭從時高百餘丈西障峯龍下瞰虜水雖小而固晉地數千里雉堞之險莫險於此順治六年姜寇爲亂賊兵萬衆環城而攻之矢

五臺縣志

卷八

三

落如雨砲飛若雷攻城之法百巧俱備守者倚堞而據一以當千相抗一年居民安堵古人所謂金爲城湯爲池惟臺足當之乃自大亂之後積久而圯磚敝石傾北面數百丈皆隨霖潦頽去東南亦各類其半大垣漸陷女牆盡缺向之所見巍巍崢嶸高峙於晉陽之北者竟使兒童上下儼然坦途矣臺之人亦久思重葺而工浩費繁僉謂非請於朝廷遣官發帑不能舉康熙元年我父師梁公下車撫字臺人如保赤子初年而招流亡勸開墾廣捐賑



緩催科以養臺之子民踰年而修學宮訓士子以  
興臺之文教踰年而講鄉約開義學以培臺之風  
化踰年而修衙舍葺廟剝以美臺之觀瞻踰年而  
建養濟院通橋梁立義塚以爲臺百年不朽之澤  
於是利無不舉害無不除而公因睹臺之城而有  
感焉曰及吾不修是仍臺之大利未舉而異日之  
爲害於臺人非渺小也謀諸臺人臺人駭其工而  
不敢應公曰此工今日不舉久之其圯愈多其費  
愈大吾豈爲吾計凡以慮他日之重煩我民也於

是捐資俸二百餘金集臺之官紳士庶願輸者得  
三百餘兩募於臺山各剝得一百四十餘兩公親  
董其事工取其堅費務其實自四月十五至九月  
十六日告竣層臺疊疊高壁倚雲較之昔日倍覺  
崔峩壯麗焉夫臺自兵燹之後不可問矣賴我公  
八年栽培童稚嘻嘻皆公之所滋息也綠野穰穰  
皆公之所灌溉也老者以息壯者以耕皆公之所  
培息也絃歌時聞訟獄不作皆公之所教訓也奸  
宄以消寇盜泯跡村落綿密戶誦詩書皆公之所



潛消而振作之者也而乃百政既興城垣載築百  
年不易舉之功公一朝舉之一民不擾而大工告  
成巍然煥然是真所謂名之榮也寇之柏也公之  
政之成也其惠我臺人者豈第一世再世之澤而  
已哉敢因工成而記

修城碑記

邑貢生 陳之美

濟物之謂仁成事之謂勇見於一身則恭敬博愛  
感之於外則視人之不得其所者如饑寒之切已  
身存乎志者復能引其責於我而不畏艱難古之

五臺縣志

卷八

三

人當平居無事時其意量常如此及其筮仕而在  
民社之責也必子愛百姓重朝廷之事舉人情之  
所憚畏而不敢爲者一身倡之皆欣欣然樂從之  
豈恃夫斂幹之材哉其感召相喻之微有難以言  
盡者矣我周侯之牧茲土也值癸亥地震之後其  
始下車公署毀缺城垣傾裂樓櫓墜墻蕩無所遺  
三門壅塞行路梗澁於是賊盜宵聚百室懸磬公  
露棲肝食撫循慰止嚴更巷陌期月而人復安堵  
公曰茲邑之殘闕所待以整理者匪一城垣要事



也且擇其要者而圖之獨一人之力恐不能繼閭  
邑士庶願勦其事者各量爾力其不願者吾不强  
焉於是傳之一邑傳之四鄉皆曰我公爲我謀而  
我拂我公大不祥也不謀而應者數百人鳩材命  
工以築以甃役夫孔勤舊廢俱興嚴而高者爲城  
邃而深者爲門女墻差立樓栱丹青百工告竣特  
爾旬餘耳非惟不失昔時之觀且更增新輝矣吾  
思夫人之創非常之事也或庀用於數年前或待  
夫恩信漸著而後勞於人未有蒞治未及期月而  
驟興大役所需不艱人復踴躍爭奮而速成也所  
以然者蓋以我公愛民之深出於至誠而人之應  
我公也由於中心之所好而無勉強此其以仁者  
之心成勇者之功而無所於難也邑人甚愛其勤  
而樂其易不忍忘於心而願爲後世法請鐫諸石  
以誌不朽

修衙宇碑記

閻 襄

凡膺民社之寄者能以家事治民事民無不得其  
治矣則莫患乎視其居爲傳舍也苟有傳舍之心



則將視百姓亦爲傳舍而撫字之心必不勤視錢穀亦爲傳舍而催科之法必不善視斯人之農桑與禮義亦爲傳舍而其所生之成之之道必不盡視天之災肯民之疵癘亦爲傳舍而其所以事神勤民之政必不誠古之不以其居爲傳舍者惟白樂天凡所蒞任居之如家園園臺榭必致其精如爲子孫長久計者然是故樂天所治之處則政聲宏張兆姓被福位至卿相竊嘗推之彼其意不屑屑於所居者必不屑屑於民矣宜其善政舉而流

五臺縣志

卷八

雷

澤普也故膺民社之寄者莫患乎視其居爲傳舍也我侯梁公蒞臺於斯五載其於治臺儼然若吾之家也民游惰則督之力田士佻達則課之修德災肯上告來

天子之蠲恤催提屏跡免小民之追呼始葺城樓昭民衛也次建文昌宮興士學也復修城隍捍民災也視民之事皆切之如家中事而臺之官衙廢修葺者二十餘年傾頽敝壞觀瞻不莊曰前蒞此者何竟以爲傳舍也再不一葺久而益廢不其重累吾



民哉因庀材鳩工以飭之使取其時工取其堅自  
堂內外以至大門皆煥然而一新之雖瓦礫一木  
一石無非捐貲構辦儼然治家中之亭閣屋宇場  
圃戶牖也曷嘗以爲傳舍哉惟我侯不視之爲傳  
舍是故撫字勤而民得其所矣催科善而臺之錢  
糧得其理矣生成之道盡而臺之農桑禮樂教養  
畢至矣事神勤民之政修而臺之中歲荒旱不爲  
災設法賑恤老幼佩德近歲天亦順叙人各適欲  
矣皆我侯以家事視民事故民無不得其治矣若

五臺縣志

卷八

三

朝廷選循良之吏舉卓異之臣登我侯於卿相之  
位更以治家者治天下樂天白公遽能尚美於前  
哉大工告竣襄因薰沐頓首謹記其歲月以銘我  
侯之德政云

修虎河碑記

邑庠生

呂先聲

臺城負郭虎河帶其前河水西北來勢迅甚北門  
去河計僅五十步舊緣城址有堤水順流東下轉  
南蜿蜒而去近以秋潦漲溢漸齧城下癸亥歲復  
值地震傾毀不一河水益近去城僅數武而北門



幾圮當是時邑侯周父師方蒞茲土覩城垣之頽墮憫閭閻之愁苦百方撫綏興廢補闕越明年政通人和案課多暇覽雉堞之威廻睇河水之縈洎而成然有憂色曰此豈城之所恃以爲固者耶城砌碎石而水蝕其下雖細流尙不可禦若經秋洪波浩瀚則城不可爲矣乃捐俸買地疏渠順其性而理之而臺之民亦且感公之恩懷公之德而樂與公以相成焉於是挾畚插負筭籠雲來星集工不匝旬忽雷雨一夕河北徙百餘步而臺之縉紳

士庶咸謹然稱頌以爲公忠愛之誠足以格天地感鬼神故民不勞而事竣工不費而告成奠斯城於磐石之安而與斯民保宅此土也非公之德孰足以與於此而公則謙抑遜退漠然不自有其功焉夫發泉幽谷猶著其名鑿池官署尙紀以頌况我侯德澤加於百姓精誠通於神明者乎廼爲之銘曰

臺城之北虎水迅奔秋波澎湃齧蝕崇墉我侯戾止惕然於心自甘藜藿慨出俸金爰作之障以防



巨浸風雷夜作怒濤馴行土堤石堰底定成平重  
闔雉堞磐石永寧惟侯之德參合天人惟侯之行  
動合鬼神屏藩孔固湍湑無驚千秋砥柱爲國之  
楨永貞於珉用垂頌聲

蒼山大王廟碑記

邑人張燠

王嶽神耳降靈於周定時晉大夫家姓趙氏其先  
世與王之生死出處載在史册程嬰公孫杵臼因  
以義顯可考而知者獨其生而爲英死而爲靈遂  
巖巖之氣佐鎮奠之功亭毒化育與造物者俱則

五臺縣志

卷八

七

其所爲天壤不朽者歟詩曰維嶽降神爲周之正  
又不特頌美申與甫也夫周正一代之佐其澤及  
後世福庇無窮者爲功且更不少夫功及一世者  
報一世功及後世者報無際古人尸而祝之以酬  
有德以祈歲時莫不有所見而况王之故鄉不遠  
在孟之北靈濟寶昭於滹之陽乎曩者旱魃爲虐  
民心憚暑如暎如焚雍乾中谷五峯翠滅萬井紅  
爐流金燼土焦禾殺稼元冥屏跡飛廉退休祠禱  
無徵方社是吐王怒申精變異出其明爽訴於上



帝沛以江湖甘霖一洒渥潤百里起斃回生百穀  
賴全活我婦子無憂子遺荷歟休哉功之及民固  
如是哉時被澤者香火載道頌禱絡繹雲屯蜂擁  
何啻萬數王乃示其魏德顯其驗享種種情狀變  
化無方鄉之人莫不愛而敬之畏而服之思所以  
妥侑神功者惟行宮之作一時歡呼樂從土木並  
興錢米輻集不難而行宮以焉迎像而祝之迄今  
春秋不絕蓋三十年餘於茲矣王國祥幼穉時爲  
首事今且老矣欲紀當時事永於片石戎馬奔皇  
已

五臺縣志

卷八

六

間未及此也今磨拭已就而彰神功亦以當日受  
恩之家後世感仰之多且一山有功及民則祀禦大  
災捍大難則祀是則王靈以妥而吾人亦不瀆也  
已

重修明陽觀碑記

閻 襄

物之盛衰事之廢興時之得失情之憂喜皆其自  
然者也非勉強之力也山荒而毛草茁而焦陵而  
壑桑田而海潮廣居隆棟高堂邃閣冶容繡裳笙  
歌雜作荆榛之野蔓草芊芊游神遠索彷彿當年



是耶非耶蕪田荒石斷垣廢井雉颺兔奔月寒風  
冷千載非遙萬年一瞬樓榭翬飛塵集雲擁無耶  
有耶是故據旄擁節與高馬肥鳴鐘而食暑寒易  
棲於斯喜矣茹藜藿被鶉裾宅北巢窟星轉霜披  
於斯悲矣喜者狂悲者愍二者之中皆相對而不  
知其將也是故智者矜其察勇者矜其武捷者矜  
其搏健者矜其走哲人之所笑也哲人笑四者之  
爲矜而又自笑其笑也是故春則溫夏則煇秋則  
肅冬則寒四時之義也君子自適之心也雨爲霜

五臺縣志

卷八

无

始雪爲風基凡物之義皆然而獨異於人乎累秩  
積金雨風也丐夫空桑雪霜也夏思寒冬思暖天  
不拂人之情而人惡之是惑也是故避死求生妄  
也齊失等得幻也君子有道焉不違素不索隱衰  
有盛理盛有衰情君子察之非一朝夕之故焉矣  
是故有不朽者金玉非珠貝非樓閣阡陌非文章  
非事業亦非非金玉珠貝樓閣阡陌文章事業而  
爲不朽者所以盛衰乎物而不與物爲盛衰者也  
臺邑西八里有觀上村村以觀名是觀先而村後



也不知歷幾年村存而觀去矣察其舊址洪濶宜  
爲臺邑盛境祇餘舊殿一在蓬棘中石留元跡其  
卽始於是耶不始於是耶始於是者必自無觀而  
有觀無觀之時與今日同不始於是者必自有觀  
而無觀有觀之時又與元同盛衰興廢之理如此  
其足動憂喜於中也耶道人段無量善人任澤廣  
岳永正畢元輔等康熙壬戌歲助而修之葺其殿  
添設兩廊與曩時煌然別一景象工竣求襄記其  
歲月襄因段道人諸善人皆有慕乎道而爲此觀

五臺縣志

卷八

三

者因明盛衰自然之數而使貞於石

追序邑侯吳公守城碑記

閻 襄

順治五年己丑大同鎮姜瓖叛晉陽以北五十餘  
城半爲賊所攻據方是時臺人四鄉亦多迫以叛  
者轉而攻臺旌旗蔽天蜂擁蟻聚攻圍之法百出  
其奇城中危悚待命旦夕吳公曰吾朝廷官也城  
破吾不敢自愛而城中男女數百生靈將盡粉矣  
遂會同原任朱公諱國俊張公諱贊學師章公諱  
時雨典史孫公諱煥巡檢王公諱青德並閣城紳



矜百姓歃血城頭立誓死守各營已貨犒城卒晝  
夜持戈親當矢石相機出戰家人忠死者吳虎吳  
有功此六年冬事至七年春姜寇破餘黨悉遁於  
臺臺圍愈急大兵又方有事於南臺之受圍期年  
不解寇益出奇計爲雲梯爲地洞城欲破者數次  
公益出死力以據之士民感公之忠益無不願效  
死者時臺之四鄉焚毀已盡孤城竟賴以全南甕  
城小室公守城時坐臥處也迄今二十餘年過其  
室者莫不撫膺流涕乃鑄石爲之歌曰瞻彼西山

五臺縣志

卷八

三

滿目旌旗惟茲彈丸匪公誰依我來至此風雨凄  
凄

副總兵湯公鎮撫碑記

張燠

勤在王室謂之功恩加百姓謂之仁夫忠君者必  
愛民民爲邦本誠重之矣國家選撫道擇牧令居  
常教養使無失家人婦子之欲安而息之則已矣  
萬一事出意外勢變衆興不得已而命將出師固  
曰剪除截滅求必如馮異曹彬乃所願也鄉者雲  
中假義臺境效尤蟻聚蜂屯幾及一載先是把總



胡公守禦於此戢兵最嚴鄉里無擾民皆感之未  
幾調去而湯公適來鐵馬怒馳旌旗輝耀而紀律  
如常步伍不雜井井然也移駐寶鎮卽申戒令示  
居民約軍政而勇士懼出寬告而流民安兩月之  
餘油然而見千村烟火四路遊人綠野青畦荷鋤而  
執耨夫散亂之餘人懼其罪家互其惡逃亡流徙  
之不足一旦視農業而務本事自非仁心善政衰  
劬勞而集驚鴻未能如此且寶鎮雖一鄉之彙集  
實四縣之通營貿易所在四民資養國稅所出者

兵焚來瓦礫盈街蓬蒿夾壁子遺株守待斃又安  
望其女餘布而農餘粟湯君振動補壞起廢推心  
置腹一爲閑奸邪偵伺之防復通工流轉之度以  
軍餉易糴軍無不價之取以民貨爲變換民無藏  
伏之奸兩利之道興四方之營彙則見小大往來  
有無不窘飲食衎衎無舊異也念民間止有秋禾  
親騎以巡放刈恐新招不安乃心家至以勸改格  
使宿罪者不危而安憂家者不憂而獲又豈特保  
正不擾婦子無驚哉每言爲朝廷官當治朝廷事



居百姓上毋示百姓威善之善矣加以崇儒重道  
禮士下賢交接春風和氣決溢倘所謂古良將儒  
將非耶四方之民感之不已求所以不朽其功若  
德者恐載道之口不足以盡之勒之堅珉以示後  
人是爲記焉

大覺寺十方院記

邑廩生 閻 立

韓子曰墨名而儒行吾與焉臺邑諸寺凡可遊觀  
者不下數十而吾於大覺寺獨有所取寺創於明  
爲僧性資與其徒靜菴和尚者所建在城北門外  
面臨虜水

五臺縣志

卷八

三

國初以來河水漸蓄其基兵火之後廊廡俱爲灰燼  
而存者惟三教殿焉順治戊戌余從叔大人與縉  
紳姚公各出資以倡施者靜菴之孫名照清者始  
移於城南里許溝南村之西焉寺據邑衝要凡官  
吏公役之外技藝之士商賈販易之流往來於晉  
省汾潞者莫不由此而川湖河陝之遊五臺山者  
大率息肩駐轡於是乃設十方院行旅者甚便也  
然而數椽之宇不足以安四方之衆僧復募於秦



蜀江閩垂三十年始克增擴其制度崇廣其堂宇  
殿三重曰天王曰文殊新建者也曰三教仍昔者  
也傍曰水陸殿關帝伽藍祠內則有禪堂方丈齋  
厨外則鐘鼓樓官亭茶房昔所無者增之有者新  
之翼然煥然足令聞者慕見者喜其迴廊閒館足  
以休息困乏爲旅人賴其僧之奔走風雨經營勞  
悴也不必悉言吾於僧之啓三教殿而知其有義  
意也彼以爲釋老之教清淨無爲而途則狹獨儒  
者以帝王君相之學以治天下則天下之士農工

五臺縣志

卷八

雷

商皆在儒者之道中是故合而尊師之凡東西朔  
南之人非儒則道非道則僧遇其人無參商登其  
堂者不驚異廬其廬食其食不以爲可怪也其事  
之合與不合固未可知而其意則可嘉矣嗚呼先  
王之世天下之民四而天下之道一人皆服其業  
安其生其奔走於道路者兩國之信使則設亭館  
以處之而給之以薪芻膏膳商居以廛工處以市  
士之出遊者有士以爲之主農耆老死而不遷迨  
佛法盛行崇釋氏者廣爲之收集而大慈之風愈



溥矣僧今置此院於通衢不問貴賤不問智愚莫不憇者憇息者息饑者食渴者飲風雨霜雪得其庇衣裳行李無所虞彼將使天下之人盡入我門尸非徒能修浮屠氏法又可以備治典之所未及矣是亦邑之不可少者也僧亦於接待之暇考擊鐘鼓頓禮聖賢參禪旨悟性命以求一身之歸宿亦如道路之人於塵中而得其歸止也故名其寺曰大覺將以自覺者覺十方之未覺者歟假令起昌黎於今日必喜其意而嘉其行也而余於茲寺亦是之取爾

五臺縣志

卷八

五

重修西門外闔縣風水土橋記 張 暄

風水橋者西關外圍馬溝之土橋也非城垣之所依四境之所通也又非名區勝地可以具玩賞而壯觀瞻也夫然毋寧不修可也而乃有不可不修且不容以緩其修者則以是橋之建形家言爲一邑之接龍過峽也蓋自西山蜿蜒而來至峯山而結穴而開障邑城實坐異地一河灣環映帶左右地靈人傑實由於此



國初山水橫決穿蝕城溝山脈來自西峯者遂以中絕歷三十年不登一鄉榜且遭兵燹歲丙子前令方太翁精於地理諭臺人從斷溝補築土橋以通縣脈不數月而工成是秋八月卽達殷孝廉嗣是累科決勝或同袍二三人以及五六人聯鑣接踵而士著生資亦盡復舊焉八九年來土橋復中斷數科無登榜者癸卯鄉試邑之紳士集會城同聲合辭以修築此橋爲務茲當秋成又值賢父師整飭振動之於是鼙鼓不煩而橋再成也謹序

五臺縣志

卷八

五

重修風水石橋碑記

王秉新

五行生尅制化之道天地四時萬物俱不得而外之雖形家者爲一家言本屬小道而其言徃徃多中五臺西關外相傳有風水石橋縣志缺焉後之爲隨時補苴計者祇修土橋十餘年輒圯今井土橋遺跡亦不得而見之矣乾隆丙申九月韜承乏茲土簿書之暇擬續修縣志徵求前人著述見張孝廉暄於雍正初年有續修風水土橋記備言橋爲全邑之接龍過峽乃一邑士民所關係重修之



舉是不可緩爰擇董事數人捐貲倡始丁酉春融  
開山取石庀材鳩工深去淤泉厚築根底工興於  
三月十九日竣於六月十三日寬長高厚若干具  
載碑左落成之日偕學博平公暨監工紳耆輩周  
視色喜咸請勒石垂久遂書以爲記



傳

烈女劉壽貞傳

明僉事 章懋

五臺劉氏諱壽貞光州先生之女天性剛直先生諱復初蚤年舉鄉進士第正光州學壽貞漸於庭訓識字嘗讀古今列女傳籍諸書稍長許字邑人盧春未娶永樂初年建都北京天下趨事者如市春遂以疾卒於工時壽貞青年二九觀歸泣曰禮烈女不事二夫妾雖未及舉案卽其妻也誓不適人語畢氣絕良久復甦變服披髮犇號視前淚盡

五臺縣志

卷八

一

繼以血葬如禮遂往其家事翁姑甚孝其家至乏別無弟姪可代養者始終未嘗怨言逮終無以備工躬自負土以葬之見者盡爲流涕兀坐一室戶外未有一履跡朝夕惟女事是事雖親戚子弟不得見也節婦貞女之操如此有司以其事聞於朝廷表其門閭月給以食歲給以衣年七旬有四疾終於家時宣德庚辰歲也

贊曰女子之失所天不再從人者間有之多棲身母家求其善事翁姑者百不一二噫嘻處變之難



能也誓於一時者易處於悠久者難悠久固難而  
孝事翁姑尤難也矧其家至乏而未與夫婿接者  
歎節義孝行如劉氏者越宇宙而不多見其人焉  
嗚呼冰霜未足語其潔金石未足語其堅清風萬  
古懦志貪廉其并州之家訓歟噫節矣

烈女曲秋葉傳

明巡按  
康

曲烈女者山西大同之靈邱人也幼名秋葉父大  
保母馬氏一弟曲价子家貧甚居代州碾玉村烈  
女生而頗皙性娟靜鄰居見者靡不嘆貧家安得

五臺縣志

卷八

二

是美媛多求姻其父母以子女鮮少不欲遽適人  
故久未卜萬歷十七年女十七矣弟亦十有四歲  
大禮其父母携出就食五臺境問舍生員安崇德  
家時崇德止房三區耳見女容止異亟許之北則  
崇德母居而東舍三楹卽烈女與父母僦居處也  
初入烈女見同院意甚不樂欲析父以初至俟再  
卜時歉甚大保懼閤室之無以自有也因受村中  
牛代爲牧本年五月十五日大保驅牛出恐踐人  
田約妻携子同送之時在家者獨烈女耳崇德暇



其獨處因從門外揚言欲以挑女云處女身大如許耶大是奇事比女已房聞之矣然以閨秀難與言姑忍以語母乃崇德已入復出曰女伴不知耶世間安有如此身而謂女者因擲梨房內女遂大哭不可禁而馬氏回適見地遺一紅封發之則梨也女謂拾此穢物何事姑留原所以待父歸耳因哽咽不能語曰此地吾不願居而父母強留不肯去今若不速移後將以醜終矣因具道云云馬氏疑不悅反怪謂誰爲女築室待耶時崇德母武氏

知女必告母恐具訴亦在旁伺勸云女母言良是女今未適人可遽效此長舌耶女雖收淚而憤憤已不堪矣越十九日大保三人送畜復出崇德見伊父母前之無言也復用言再試之女正色拒以不可崇德遂詈汝癡物既不諧人意留汝何益乎且昨愬若母若能如我何外人聞之祇恐河水不能滌也女益哭益憤馬氏回至儀門外微聞此語入見女哭問主人詈者誰女哭曰母既不吾信矣今復向誰問耶於是馬氏亦哭而武氏復來勸諭



女見父母之執迷不去決不欲生矣乃宛轉給其母曰父明日尙無糧可往貸之他所馬氏不悟誤信之甫出門則女已闔門縊矣時遠近靡不哀嘆而大保夫婦亦遂訟之官姑置崇德於法二十九年巡按趙公文炳具題命旌表又三年恤刑某子申尙欲爲崇德求出余是歲亦來巡晉乃執法按之聞嘗一過五臺聞女葬所則地名龍泉村距城四里許三尺微封逼鄰溝壑將侵蝕不可識矣因行通判蒲嘉輪爲買民地五十畝起葬其中中墓

一坵圍九丈高三丈東房六西房三磚券門一墻內植松栢四行爲株八十四外植二十一若共貞女風焉院內方圓一畝二分餘地四十八畝卽給看塚人以資日用而又除去租糧無使再稅復擇人爲守其墳時烈女之父母俱亡矣獨遺弟曲价子流落不獲最復後得之靈卹縣尹方來隨令與守塚人孫應科陳海同居墳內嗚呼烈女一貧女耳生僅十七非有禮義之訓出閨闈之門也乃其秉性剛方義不受辱竟烈烈以死自非天植之堅



貞鳥能捐生若是哉觀對母垂涕之言與扃戶投  
縊之狀至今人無不興而弔之者則慷慨從容烈  
女蓋兼之矣嗚呼蘭以馨致焚玉以瑩致碎卽焚  
與碎無足爲蘭玉損也顧其如奇珍之不可常存  
於世何哉烈女生於靈而不得其死於茲土造物  
固默有以定之矣余悲夫貞潔異淑恐與卉同溷  
也因爲作曲烈女傳



墓志

聶孝女墓志銘

元好問

五臺聶天驥元吉爲尙書左右司員外郎壬辰之  
冬車駕東狩元吉留汴梁明年正月二十有三日  
率立舉兵反殺二相省中元吉被兵創甚女日夜  
悲泣謁醫者療之百方至剖其股雜他肉以進而  
元吉竟不可救時京城圍久食且盡閭巷間有嫁  
妻以易一飽者重以喋血之變剽奪陵暴無復人  
紀女資孝弟讀書知義理思以大義自完葬其父

五臺縣志

卷八

一

之明日乃絕脰而死士大夫賢之有爲泣下者女  
字舜英年二十二嘗嫁爲進士張伯豪妻伯豪死  
歸父母家嗚呼壬辰之亂極矣中國之大百年之  
久其亡也死而可書者權參知政事翰林學士承  
旨子政右丞大用御史大夫仲寧戶部尙書仲平  
大理德輝檢點阿撒郎中道遠省講議仁鄉奉御  
忙哥宰相子伯祥宿直將軍長樂妻明秀參知政  
事伯陽之夫人與孝女十數人而已且有婦人焉  
夫一脉存不可謂之絕一目張不可謂之亂一人



立志不可謂之士崩痛乎風俗之移人也孝女合  
葬張氏墓在某所銘曰勞政之姊哭徇其季千祀  
有傳猶聶之世嗟惟孝女之死自遂死而有知及  
父於隊以子則孝以婦則義以斷則勇以守則智  
於今之人麟鳳之瑞莫革者名天曰美器不於士  
夫一女之昇銘以表之并志予愧



詩 五言古

夜聽許十一誦詩愛而有作

唐左拾遺內供奉

杜甫

許生五臺賓業白出石壁余亦師粲可身猶縛禪  
寂何階子方便謬引為匹敵離索晚相逢包蒙欣  
有擊誦詩渾遊衍四坐皆辟易應手采捶鈎清心  
聽鳴鏑精微穿溟滓飛動催霹靂陶謝不枝梧風  
騷共推激紫燕自趨詣翠駁誰剪剔君意人不知  
人間夜寥聞

五臺縣志

卷八

一

東軒示兒子沂

宋五臺簿

姚孝錫

古人無復見但見東軒琴一鼓高山操因窺古人  
心正聲久沉埋俚耳喧哇淫正可自怡悅不須求  
賞音

登清涼石

明進士

鄭材

勞勞遊宦子坐此清涼石頓似超苦海利那化國  
適曇雲萬壑生寶山四面闢繫此五臺奇浩劫誰  
割擊

登清涼石

明進士

邢雲路



四圍山面面九步石方方石方方何清涼廣容千  
萬衆傳者疑荒唐觸蠻蝟國戰大地黍珠藏捲此  
九步石行者宜徜徉茲石能令來者行茲石能令  
行者悅茲石自清涼人心自炎熱

題冰雪堂

明方伯 王道行

卓彼劉節女良人未娶亡孀居五十載足不履門  
墻心志堅金石冰雪揭華堂賢名書太史奕世垂  
休光清水和白雪可擬劉氏操雪消水亦解女志  
獨堅牢泣血踰三年時日良悲號克養翁姑孝塚

五臺縣志

卷八

二

邱躬自抱令名耿不寐猶憶儀兩髦以之諭冰雪  
榮之華袞袞婺山同屹屹婺水同滔滔陳詩附史  
編千載咏清高澄澄玉壺水皎皎瑤天雪不濁任  
爾撓不淄任爾涅雪白母之心冰清母之節一矢  
從匪他萬矢何絕決冰玉自輝映閨門自英烈嗟  
彼怕寒者誰能望高潔嚴冬寒沍時衆芳盡凋歇  
不有堅貞操誰與傲冰雪春風冰易解朝陽雪還  
竭嗟嗟烈女心始終同一節久持冰雪操人視竟  
難堪潔白渾如一巖凝已並三孤寒成莫受吾節



獨能甘列傳稱賢母千載播斗南

冰雪堂

四言

明邑令張智

南山有冰惟冰之清冰其清矣劉氏之貞南山有雪惟雪之白雪其白矣劉氏之潔

湧泉寺八詠之四

明兵部尚書孫傳庭

踈鐘撞月

踈鐘古刹傳明月空山盪深聽自相捫如從月得響素影不可扣清籟竟安往如何林莽問一一皆鳴爽

五臺縣志

卷八

三

象塢雲深

誰將大士座置向山之阿因以象名塢猛氣狎烟蘿塢上經掛衲無雨雲自多我來探靈跡或恐是龍窩

寒松戛漢

鬱彼千歲松偃蓋寒光曠奇聳龍鶴形冷具霜雪性長風排漢來謖謖動河聽鏗聲散寥廓寥廓如相應

松落烟蘿



深徑蘿冉冉彌望烟漠漠遙聞鷄犬聲知有人居  
錯老幼總無營第不廢耕作辟地余有心此中良  
不惡

扈從清涼山

用謝靈運登池上樓韻

國朝宮

詹高士奇

霓旌衛仙蹕月駟揚鸞音井參乍捫歷巖竇逾深  
沈尋山異臺向載筆慚沈任綿綿騎出谷淪淪雲  
栖林我

后展遐矚乘時北西臨飛軫越幽坳駐罕眺崎嶇春水  
雜古雪午風烈薄陰枝岐曲澗水木末寒號禽幸

五臺縣志

卷八

四

陪紫府遊側聽清笳吟披圖稽往轍覽物諧素心  
皇情一以眷名區傳自今

其二

用謝靈運從斤竹澗越嶺溪行韻

象教從西來茲山名已顯佛樹根互盤天花露常  
泣毒龍臥其湫紺塿浮於硯升高駭劣崩陟遐信  
紆緬鐵鳳千尋翔金龍六時轉仰矚臺衣深近覺  
髻螺淺霜鐘夜鏗鞞白雲畫倚卷髣髴赤華林對  
談人在眼修蛇常山伏歸翼雁門展曠懷得所欣  
遠目詎能辨宣遊自多豫頓使物慮遣



其三

用謝靈運從京口北回應詔韻

山風吹不已山月忽已高飛鳴衆鳥散縹緲孤雲  
超澄烟拂華旗吉日旋春鑣晨炊夾前騎舊路循  
單椒靜聽谷口松宛似江門潮潯溪歷澗壑出沒  
經亭臯七葉青芙蓉一萼紅山桃泉因見龍發川  
以射虎昭宿莽迷平岡選徒乃於苗回顧嶺上邨  
林居等檜巢諧此耕鑿民載路康衢話

七言古詩

登清涼石

明太史岳梁

五臺縣志

卷八

五

君不見清涼山前靈異石一片方方大如席云是  
文殊舊道場千古流傳誇勝跡我生聞說自孩提  
將信還疑難考索寄募茲山四十春苦爲浮名縛  
冠幘邇來謫宦遊汾陽行旌北指臺山岡躋攀萬  
仞不憚險清秋氣爽披清涼石旁拭目辨真僞恐  
惑禪家虛誕累慙立石徧招呼僕夫累百堪容  
萃始信空中色相真石能幻化通靈神石靈愈覺  
文殊術術神常顯空中身空中身靈山塔我問靈  
山山不答異石中藏元妙機識破元機輸老衲老



衲前知石性靈坐石談經神鬼聽經餘曉日諸山  
淨神光繞石天花馨

天花歌

明  
釋鎮澄

君不見五臺山產靈葩山人目之爲天花多在巔  
崖深險處枯木雲蒸抽菌芽厥色渾如玉厥味薄  
於瓜樵牧得之如獲璧持來獻入司公衙司公得  
之亦甚喜歌筵舞席爭相誇烹羊宰鷄不足美必  
得是物充珍佳在上欲得索其下公使展轉來山  
家僧吏鳴鐘告其衆衆聞官令驚復嗟裹糧探求

五臺縣志

卷八

六

入深谷豈辭猛獸及毒蛇求之不得須貸易歸來  
與却佛袈裟昔謂人間苦塵役偷閑學道歸烟霞  
豈知寂寞寒巖下營營公事數如麻異物有時盡  
人欲自無涯我願君子心如日絕疵瑕清光遍照  
饑寒屋肯令一念恣驕賒

五言律詩

用峯山舊韻二首

姚孝錫

信步西風寺窮幽未覺賒松根纏石瘦雲磴出巖  
斜思爽餘三唱詩成自一家空餘幾兩屐不踏渡



溪槎

春水上堤沙春晴散望餘衰年花近眼久客夢還  
家映日孤鴻沒迎風雙燕斜平生江海意早晚送  
浮槎

過五臺遇雨

明參政 魏倫

年年逢此日策馬問民俗乍見樹頭青翻疑麥浪  
綠一犁春雨深四野報霑足遙憶山中人其人天  
上玉

宿東臺

明司馬 趙夢麟

五臺縣志

卷八

七

瓊樓標象外日暮野雲孤北斗當窻列西天近座  
隅羣峯歸冥冥大地入虛無此際吾高枕乾坤一  
夢圖

獅子窩二首之一

每過僧誦處便覺一官輕幽壑從吾好浮雲任世  
情凭欄看鳥跡依杖聽泉聲佳水佳山地終當結  
素盟

梵仙山

踏雪尋山逕登臨四望紆陰森千樹合突兀一峯



孤野色時明滅鐘聲乍有無羣山不可見到此獨  
躊躇

同塔院寺主人夜話  
明進士 邢雲路 安肅人

海內誰知已天涯遇上人憐余僧有髮共爾幻成  
身覺路諸天近曇雲半偈真無須婚娶畢便欲覓

山崎

望臺山  
明邑令 高敷仞

曾蒞五臺已遙瞻紫府山踈鐘寒雨外野寺暮雲  
間至聖誰能覩遊人空自還欲明前後偈須過上

五臺縣志 卷八 八

頭關

清涼石與王永泰對奕  
孫傳庭

欲證三乘妙非爭一局強山中人自靜石上日偏  
長子奪琉璃色枰分 蘆蔔香豈同賭墅客定不礙

清涼

七言律詩

賦東臺  
宋丞相 張商英

迢迢雲水陟峰巒漸覺天低宇宙寬東北分明觀  
大海西南咫尺望長安圓光化現珠千顆誓曰初



昇火一團風雨每從巖下起那羅洞裏有龍蟠  
南臺

披雲躡雪上南臺北望清涼眼豁開一片烟霞籠  
紫府萬年松徑鎖莓苔人遊靈境涉溪去我訪眞  
容踏頂來前後三三知者少衲僧到此甚徘徊

西臺

寶臺高峻足穹蒼獅子遺踪入水傍五色雲中遊  
上界九重天外看西方三時雨洒龍宮冷一夜風  
飄丹桂香土石尙能消罪障何勞菩薩放神光

五臺縣志

卷八

九

北臺

北臺高峻碧崔嵬多少遊人到便回怕見目前生  
地獄愁聞耳畔發風雷七星每夜露峰頂六出長  
年積澗盈若遇黑龍靈懺者人間心念自然灰

中臺

中臺岌岌最堪觀四面林峰擁翠巒萬壑松聲心  
地響數條山色骨毛寒重重燕水東南潤漠漠黃  
河西北寬總信文殊歸向者大家高步白雲端

總題



五頂嵯峨接太虛就中偏稱我師居  
壽龍池畔雲生燥猛虎窟前客過踈  
冰雪滿山銀點綴香花徧地錦鋪  
舒展開生具長三尺方占山河五百  
餘過司竹監有懷王監正之

金戶部楊慥尚書

不見松邱跨鶴仙才名留得萬人傳  
春郊漬酒傷今日夜雨論文記昔年  
塚樹謾懸公子劍高山已絕伯牙絃  
故居修竹青青在寂寞終南落照邊

同東巖元先生論詩

邑人王敏夫

林逋仙去幾年來年驚見梅花第二  
篇千歲冰霜松

五臺縣志

卷八

十

骨瘦九秋風露鶴聲圓騰輝定出連  
城上得趣知從太古前邂逅茅齋話  
終夕只疑人世改桑田

九日題峯山

姚孝錫

不須歌吹上叢臺千里晴川入座來  
世事難憑休掛口生涯現在且銜盃  
無情趁暖花先老有信迎寒鴈已回  
遙想故園親種菊霜枝露蕊向誰開  
次韻王無競見寄

客懷重倚仲宣樓白草黃雲塞上秋  
山色不隨塵世改水聲還抱故城流  
隙中畏景那堪玩鏡裏衰



顏祇自羞多媿詩人苦相憶遠傳佳句弔清愁

望海峯

明吳處士

滕季達

觀海峯頭玉樹秋羽翰透共白雲留金鋪宇宙三  
千界翠擁蓬萊十二樓風露凄其生阮瞻星辰錯  
落燦吳鉤雞鳴欲眺扶桑日鐘鼓宵殘尙拍浮

望海峯

邢雲路

清秋有客御風來直上梯空望海臺白社逢僧談  
上乘青山無地著塵埃蜃蒸溟渤千靈見鳥出扶  
桑萬竈開欲覓慈航何處是歸依從此渡輪廻

五臺縣志

卷八

十一

南臺錦繡峯

明藩宗室

友松道人

天風吹上妙高臺滿眼山光紫氣開鐘破晚烟清  
落澗履拖春雨亂粘苔水邊呪鉢龍飛出松底翻  
經鶴下來一坐清涼絕塵事浩歌歸去幾徘徊

西臺掛月峯

西峯寒色暮蒼蒼夢入烟霞古澗旁紫府芙蓉山  
隱隱清涼坐愛石方方雲中採得薇偏美花裏流  
水永自香何處鐘聲幽夢破一窻蘿月淡秋光

南臺和韻

明錢塘涵素居士

胡鎮



淡煙縹緲隔仙臺  
混沌鍾靈始鑿開  
霜葉半林紅  
露寺雨碑一片綠  
封苔晴空花雨有時下  
樹杪金燈幾度來  
感應曾聞張相國  
令人追憶幾徘徊

北臺叶斗峯

明釋覺同

北來乘興上崔嵬  
天外捫蘿鳥徑迴  
寒谷未秋先落葉  
陰崖不雨自生雷  
低懸銀漢星千點  
俯視滄溟水一盃  
笑指文殊棲跡處  
幾經劫火不曾灰

中臺擁翠峯

明史姑蘇監人

上方樓閣聳奇觀  
金磬泠泠度翠巒  
深樹浮嵐晴

五臺縣志

卷八

十一

帶雨陰崖積雪夏生寒  
熬行巔巔星辰近  
雲起氤氳宇宙寬  
何處紫簫吹落月  
不勝清思繞臺端

中臺

滕季達

壁立中臺萬丈峯  
半空空翠落芙蓉  
千年古塔函金象  
滿谷寒水臥玉龍  
晴壑倒懸南澗瀑  
春雷隱約下方鐘  
青鞋久泥緇黃跡  
瑤艸天花處處逢

五臺詠

史監

懸崖削壁勢凌虛  
中有金仙遁跡居  
天近星河常掩映  
雲深草木自扶疎  
六時花雨含香落  
五夜神



光帶月舒絕頂登臨飛鳥外一聲長嘯海天餘

過五臺山

明參政江藻  
蜀人

五臺山上霧烟浮霧散臺分山自幽前朝寶刹排  
雲外盛代珠旛繞殿頭風雷激烈龍池夜草木凄  
涼鴈塞秋百仞危崖盤屈曲古今來往幾時休  
同劉兵憲督木至河口賦山川之盛

明三邊總制曾銑

青巒翠壁幾週遭虎踞龍騰氣勢豪萬木蕭森掩  
日月一泓清澈照戈旌乾坤雄傑應千古人世驅

五臺縣志

卷八

十三

馳懷二毛仰視飛鴻霄漢際倏然清興欲翔翺  
遊五臺絕頂

趙夢麟

清秋乘興御風來五頂登臨亦壯哉萬木陰森香  
霧合千峯靉靄瑞烟開西飛日月階前涉東去江  
河檻外迴安得凌虛生羽翼憑高咫尺到蓬萊  
南峪雨後取道上五臺

明學憲陸深

六月蕭然似晚秋登高重整木棉裘卽看滿澗泉  
初出知是前巖雨乍收碧嶂旋隨孤鳥沒白雲長  
傍古松留幽芳一路無人采何處三山更十洲



入臺

山水情多不自由白頭終作五臺遊萬重雲樹高  
低出千里滹沱背面流絕頂直疑天北極朝陽初  
見海東頭共傳此是清涼地爲洗煩心盡日留

遊五臺

五雲常覆五臺端天近清都特地寒澗道千年冰  
未化林梢一夜雨初乾黃河紫塞依依見碧殿朱  
樓面面看萬壑千巖青未了更從高處望長安

宿顯通寺

一榻空齋臥白雲青燈微雨夜初分無緣十日慚  
凡骨有夢三臺繞聖君別院鷄催山月吐迴廊魚  
咽澗風聞青山亦是人間世自覺悠然隔世紛

竹林寺避雨

十里肩輿石磴深禪房瀟洒亂峯陰巖花笑裏饒  
月色山鳥倦餘懷好音下界風雷喧衆壑上方鐘  
鼓出長林蒼山正有爲霖望慙憇西來冒雨心

竹林寺擬宿

未有長歌行路難青山最愛雨中看圖書暫許淹



塵榻蔬蕨先教具午食碧樹洗空千澗出白雲封  
滿萬松寒天留再宿清涼地明日溪南十八盤  
清涼石

炙手薰心事已多曉涼來撫石盤陀不爭可受千  
人坐無事應須百遍過初日射林光歷亂懶雲將  
雨濕嵯峨夜深或有騎牛到堪和南山扣角歌

別山二首之一

孫傳庭

看山殊慰十年盟隱計猶憐尙未成到日雲霞如  
有意歸時猿鶴豈無情丹崖翠壁皆留詠瑤草琪

五臺縣志

卷八

十五

花半識名此去清涼應笑我勞勞城市欲何營

五言絕句

金閣嶺

魏綸

山行情不極復聽遠流聲夜來擁衾坐僧窓月自  
明

天城寺

孤磬發清響松聲起亂濤夢醒聞梵語愧爾絕塵  
囂

華嚴寺



鶴影穿谷落笙聲隔水聽頓忘塵俗想直欲識無形

天池寺

一脈通幽窈中涵萬象清細流山下去莫教野塵榮

咏滹沱河

明臣教諭 王大恪

既識浮官筏宜憐近瀨田入山還自戢過曠却騰騫

閣嶺

五臺縣志

卷八

十六

一閣當蒼峽連峯鎖白雲東南憑此寄霜雪望彌殷

五臺學署月夜

暑氣侵輕葛山城吐月花白雲飛處斷何在是吾家

山中雜吟

孫傳庭

盛夏全無暑風來任地寒離塵纔幾許天上作何觀

人跡真難到奇花自在生原皆天女散安得盡知



名

引水遙通竈裁山出抱墻高樓窺樹遠虛牖納雲  
長

天畔數聲鐘聽之清思發獨起步空階但見空山  
月

細路何盤折重經碧蘚封鐘鳴知寺近只隔數重  
松

樹起不見山雲生不見樹往來翠微中衣溼非關  
雨

五臺縣志

卷八

十七

空林寂無人清言共誰訂流水澗中鳴泠然動我  
聽

一片清涼石憑余任意眠歸來倘有意不用買山  
錢

七言絕句

乾陵

楊 慥

牝鷄一啄血波流天下何緣不姓周今日阿婆心  
力盡乾陵秃似老僧頭

同新進上呂子成輩晏集狀元樓 張大節



鸚鵡新班宴杏園不妨老鶴也乘軒龍津橋上黃金榜三見門生是狀元

李氏友雲樓

王敏夫

霧縵州迷十二欄壺觴招我一躋攀黃簾卷起湘川竹分得西州數點山

題柳溪別墅

雨霽風和不動塵柳邊携酒賞晴春頻來溪鳥渾相識渡水穿花不避人

臺山雜詠十六首

甲寅六月

元好問

秀容人

五臺縣志

卷八

十八

西北天低五頂高茫茫松海露靈鼇太行直上猶千里井底殘山枉叫號

山上離宮魏故基黃金佛閣到今疑異時人讀清涼傳應記諸孫賦黍離

一國春風帝子家綠雲晴雪間紅霞香綿穩藉櫺嶼草甸錦鶯看佛鉢花

沈沈龍穴貯雲烟百草千花雨露偏佛土休將人境比誰家隨步得金蓮

靈蛇不與世相關時復蜿蜒水石間何處天瓢待



霖雨一龕香火梵仙山

登臨夙有故鄉緣試手清涼第一篇知被錢郎笑  
寒乞不將錦繡裹山川

萬壑千巖位置雄偶從天巧見神功湍水已作風  
雷惡更在雲山氣象中

顛風作力掃陰霾白日青天四望開好箇臺山真  
面目爭教坡老不曾來

山欲吞吐翠微中淡綠深青一萬重此景祇應大  
上有豈知身在妙高峯

五臺縣志

卷八

十九

兜羅綿界寶光雲雲際同瞻化現身解脫文殊俱  
有說是中知有木強人

眞向華嚴見化城翻嫌金屑翳雙明惡惡不可惡  
惡可未要雲門望太平

總爲毗耶口不開龍宮華藏頓塵埃對談石上維  
摩在珍重文殊更一來

咄嗟檀施滿金田遠客遊臺動數千大地波敷因  
炎暑山中多少地行仙

石罅飛泉水齒牙一盃龍焙雪生花車塵馬足長



橋水汲得中冷未要誇

凜凜長松臥澗阿提壺悲嘯撫寒柯萬牛不到秋

邱重細路沿雲奈爾何

熱惱稍除佛作緣山頭水雪過尖天法王悲智何

窮盡更有清涼遍大千

眞容院

蕭貢咸陽人

魔宮佛界等空虛此理何曾屬有無直向臺山始

相見可中還有二文殊

登環城山

明布政陳懋章

五臺縣志

卷八

二十

削壁俯聯千嶺秀幽泉旁引一泓幽已將勝概耽

俗紳更擬何年續舊遊

明副使楊彩

題清涼石

禪林此石自何來勝跡乾坤壯上臺獨伴白雲迷

歲月寒風暑雨任相催

題顯通寺

明侍郎閔照

馬頭山色向人來林裏泉聲帶雨迴秋與不隨孤

鷺去傍君相看百花開

中峯寺



梵寺山深月出遲  
飛泉灑雨任風催  
攬衣折竹掃苔色  
拭目尋簷認古碑

竹林寺憶月川上人

孫傳庭

高衲僧聞隱竹林  
應憐空翠似禪心  
一從寂後荒涼甚  
明月川前自古今





